




上海泰東圖書局發行

上海图书馆藏书



A541 212 0017 6978B

老上海

上海泰東圖書局印行



(中) ~~271163~~

老上海目次

一一 工商

- 金融消息 金融機關之類別 上海之銀行公會 規銀之由來 馬蹶銀之概略 上海之銀行
- 中國銀行之概況 利民銀行 上海錢莊之概略 報關行 上海金業之狀況 西式金銀首飾店
- 最老之書坊 石印書籍 同文書局 鉛印發軔小志 科學叢書之發軔 中華書局經過之歷史 鴻文局之失敗 文壽記之發達 文明書局之中興 商務印書館創業之歷史 商務印書館
- 事業之現狀·說滬上書肆 印刷業之缺點 上海棉花之狀況 棉紗 米業 興華麵廠之成績
- 菜館之今昔觀 泰豐之罐頭食物 飯店 客棧之今昔觀 托力克眼鏡 托力克眼鏡續談
- 詳誌托力克眼鏡 求新廠 保火險之發源 仁濟和香煙小史 東洋雜貨 西洋雜貨 橡皮股
- 票之痛史 瓜子銷場 商店之窗飾 藥品之濫觴 上海女子之營業店 其二 拍賣 押店利
- 率之奇昂 冒名之商店 著名店舖 竹籬之廣告 度量衡之概略 上海之度量衡 製鹽改革
- 之源流 潮幫業土之由來 洋藥公司 關之今昔觀 海關概略 海關 華商謀組交易所
- 衣牌 書籍免稅之發起人

一二 交涉

四明公所 記法人擬遷四明公所案 記爭 推廣租界詳情 法捕房拆讓鐵欄案 英義塚闢路
之交涉 討倭檄文之交涉 商品冒牌案 追紀拒約會之盛 會審公廨之今昔談 光復時之公
共公廨 上海喪失治外法權之原因 公廨華案預審之原因 滬浦局之權限問題 滬浦局 日
人搜購藏書案 記萬國禁煙大會詳情 記日婦歸宗事 司法權喪失之由來

一三 宗教

青年會 上海之青年會 上海之天主教勢力 徐家匯天主教之事業 廣學會之略史 上海中
國聖教書會

一四 教育

江蘇省教育會 羣學會 廣方言館 格致書院 復旦公學 南洋中學 聖約翰大學 滬江大
學 其二 同濟醫工大學校 澄衷學校 江蘇省立第二師範學校 上海公學 留雲學校 工
部局之教育 洋文書院 博物院 童子軍 學界燃犀錄 學校之注重運動

一五 報紙

發行日報之開始 報紙體例之變遷 報界雜誌 其二 西文報 最初之告白費 報界之今昔

觀 報紙評劇之溯源 報窟 七年來之雙十節與報界 記時務報之始末 蘇報案 蘇報案佚聞 華商聯合報 小報誌略 捕房懲罰小報彙略 民國七年之各小報 續誌海上各小報 再誌上海各小報 補誌各小報 鴻福報 續誌鴻福報 報界人物

一六 交通

鐵路之原起 鐵路之始有於滬者 上海之鐵道 鋼絲車之今昔 人力車之今昔觀 包車禁止 響器 包車照會 人力車之經過 乘馬車之今昔觀 上海惟一之新發明 最新式之自動車 汽車叢話 汽車逸談 電車 紅白燈牌 英美租界電車路線 電車號數 南市電車成立之經過 租界電話之創始者 南市電車創始記 華商電車路線 電報起原 電報 招商局之史略 及成績 招商局 寧紹公司成立之由來 公票局 上海之航務 沙船 洋油板 糟運之升沈 觀 郵船 郵務分局設立地點 人頭龍頭

一七 軍事

中國練洋鎗之始 製造局湖原(一) (二) (三) 製造局主辦人名稱之變更 製造局與火藥 火箭局 火藥局轟炸舊聞 記二次革命攻製造局事 癸丑製造局之役 上海光復記 記民國元年警察罷崗事 閩北開戰之危機 敢死隊與剪辮 紅羊劫中之上海 烏龜船破敵之笑柄

一八 俠烈

萬福華 金玉均 黃勳伯 金琴孫 宋遜初 夏粹芳 鄭汝成 陳其美

老上海

一一 工商

金融消息

關於本埠金融之消息。有金隆街之金融日報。又名公益報。其先本別爲二家。後以所載消息。什之八九皆同。遂併而爲一。然板上則仍署二家牌號。報之篇幅。其大小如質店之票。僅載本日銀角英洋龍洋金鎊金條銀拆銅元等之價。及英法美各國匯價。極爲簡單。定閱一月。需小銀元三角。較諸普通之日報如申新等報。則此紙張既極劣印刷又粗率。止如質店之小票者。尙需三角。可謂太昂矣。而人猶樂購之者。以此種報不啻爲其專利。其能專利之故。則必其人於商業上有歷史之關係。故商人亦不斤斤與計此小費。且亦非勒銷。尤無爭論之必要。雖各日報亦必每日載有金融消息。究非各日報之專責。如刊載有誤。則據以營業。難保不受損失。而此報則專載金融消息。各商皆憑此以爲市。無不符之弊。至此項消息。則得諸公所議決者。公所每日會議兩次。於午前午后行之。報所載者。爲午前所議決。以午后所議者。常與午前無甚變動。故略而不載。若晚出之銀行週報。有學說。有調查。自屬最進步之出版物。而於滬市金融亦載之獨詳。第中下商人。多不購閱。乃商界程度太低之故也。

金融機關之類別

南北兩市金融機關林立。茲特分述於下。

一錢莊。又稱錢舖。其所業之主要在兩替。中國人所謂兌換。然亦有發行錢票者。其交易之範圍。殊非廣大。資本大者。稱十餘萬。最小者僅五六千兩。所往來者。亦祇中下商舖而已。獨至大錢莊。母財頗豐。能兼業買賣銀塊。發行銀票。與銀號相等。

一銀號。其營業之性質。略與票號相彷彿。營此業者。以甯波人爲最多。其他各省人亦有之。至其資本。雖不如票號之雄厚。然其大者。亦間有母財三四百萬。惟普通多在五六萬以至七八十萬之間。若其運用手段。殊爲靈敏。凡銀塊行情之漲落。金錢利息之升降等事。一入其手中。其勢力有凌駕票號者。

一票號。名稱頗夥。有稱票莊者。有稱匯劃莊者。有用別名者。其實皆一也。營業之主要在做匯兌。業此者以山西人爲巨擘。機關周密。消息靈通。各地皆有支店。或聯絡他商。以取挹注之方便。除匯兌外。不論官私營業。每有舉貸與貯款之事。若言其資本。則自五六十萬以至二三百萬。其最雄厚者。稱有七八百萬兩云。

一銀爐。爲製造元寶局之總稱。其所業者。以自己之資本。購致銀塊而鎔之。改鑄元寶。發售於各錢莊。以維持市面爲職志者也。或受他商之委託。替人改鑄。止收爐炭之資。但其實際。對於各商。殊有銀行之性。

質與他之金融機關不同。惟業此者多爲錢莊票號所兼任。

一當鋪。統分四種。曰當。曰質。曰典。曰押。亦貸財於人。而以其物估價作質者也。故亦謂之質商。質商之中以當舖爲最大。資本多至百萬。少亦需三十萬兩。方足以迴旋。次之者爲質鋪。其資本約在五萬至二十萬之間。典鋪則萬兩亦云足矣。至於押。則卑小不足道。鮮有逾三千兩以上者。且業此者多在租界。南市華界則限於律例。不易開設。獨當舖典三者華洋各界幾無處不有焉。

一公估局。爲秤量元寶及評定其品位之機關也。蓋我國之錢幣錯雜混亂。非爲此以保證其真贋高低。則金融之流通。必大生阻力。故此機關之設立。亦斷不可缺者也。若其申銀水之方法。大抵循元寶之外面而檢視之。復以手試其重量。既鑑定後。則可爲流通之貨幣矣。以其有多年之經驗。故識別之力。非常靈妙。曩者日本製幣局。亦嘗鑄製數種元寶。輸送滬上。令公估局爲之申水。課其鑑定之成色。毫釐不爽。當事者大爲佩服。

一外國銀行。其中以匯豐銀行。華俄道勝銀行。橫濱正金銀行。德華銀行。麥加利銀行。法蘭西銀行。渣打銀行。等爲最巨。此數家者。概有支店分置于我國各通商口岸。類皆外人投資。今就各銀行之資本金額言之。匯豐銀行。資本一千萬元。橫濱正金銀行。資本二千四百萬元。貯入額一千八百萬元。華俄道勝銀行。資本七百五十萬俄金。德華銀行。資本五百萬元。麥加利銀行。資本八千萬磅。以上各銀行之營業。若

自其設立之目的觀之。略有異同。有專注於商業上者。有別具方針者。卽如華俄銀行。於其本業之外。兼營運送及保火險。不甯惟是。且於我國內地。更有採掘礦山。敷設軌道。架立電線之特權。着着實行。節節進取。是以名雖銀行。實則經營凡百事業者也。

上海之銀行公會

從前未有銀行時代。各地錢業組織。一錢業公所或會館。爲連絡集合之機關。凡當日貨幣行市。均由公所協定。並受地方長官之委託。處理同業中之公共事項。亦有附設匯劃總會。以交換票能力。植有基礎。但錢莊公所之勢力。尙未能因之消滅。此亦盛衰代嬗之關鍵也。故論銀行公會之性質。實與錢業公所相類。但錢業公所因非法定機關。僅知在同業利害上着想。不顧當地全局之安危。今銀行公會則係法定團體。自當以國家爲前提。而爲金融界謀安全幸福也。自今以往。金融機關。惟在銀行。而銀行公會。實不啻金融機關之連合機關。則將來之于金融界。其應盡之職務爲何如耶。

規銀之由來

滬上市用銀兩。通行豆規。又稱九八規銀。（當因內含純銀九八成之故。）以一百九兩六錢。合庫平銀百兩。因中外未通商前。商市以豆業爲領袖。故有是稱。卽今日米麥行肆所用斗斛之較準。（在邑廟三穗堂內。卽俗稱較斛廳者是。）其權猶操諸豆業云。

馬蹄銀之概畧

銀兩之名目頗夥。票銀銀錠皆是也。然通稱之曰紋銀。以其形狀之大小而區之。有三種。曰元寶。曰中錠。曰小鏢。元寶俗又謂之馬蹄銀。言其形類馬蹄也。但歐美人則謂狀肖中國婦女之靴。故又有靴銀之名。其重量率計五十兩。中錠形如秤錘。重約十兩。小者形如饅首。重約五兩。此等貨幣皆以重量伸算。較及錙銖。不使稍爽。故云銀兩。至其所含之質量。造成之重量。向無一定準則。故民間恆得自由製造。上海新製出者。稱上海寶錠。其流行通用之原委。請略述其梗概如左。

按上海製造馬蹄銀之原料。多由外國銀行經手。各家銀行皆以此舉爲一好貿易。每年輦致英美銀條銀塊。售與華人。華人業此者。既得原料。則輸諸銀爐。鎔而范之。每錠以五十兩爲率。出爐之後。請公估局評定成色。加保證之記號。必須鈐以墨印。更以朱字塗其上。然後此元寶乃可流行。至公估局所憑以爲斷者。蓋取五十六年前之寶錠。奉爲準的。而比較其間相差幾何。非可逞臆而定也。市上所稱申水。即指其所差而言。由是合其秤量與申水。以九八除之。是爲上海普通寶錠。凡商界核計價值。結算賬目。咸以是爲推。例如。

寶錠一枚之重量 五十兩

申水 二兩四錢

合計五十二兩四錢

今以九八除之。則爲五十三兩四錢六分九釐。此卽上海銀幣之值。所謂九八規銀者是也。而紋銀一枚。亦以此比率申算。凡有授受悉準之。若詰其因何以九八折除。則視此爲一種牢不可易之習慣。蓋其原委極長。說亦甚多。莫衷一是。姑闕疑可也。以九八規銀與各地之銀兩比較。列表如左。

廈門	九十一兩三錢三分八釐	蕪湖	九十三兩五錢一釐
九江	九十三兩六錢八分九釐	溫州	九十二兩四錢六分
甯波	九十五兩	汕頭	九十八兩
北海	九十九兩二錢五分五釐	鎮江	九十三兩五錢一釐
漢口	九十七兩六錢二分一釐	淮河	百零二兩一錢一分八釐
宜昌	九十八兩四錢二分九釐	天津	九十四兩二錢五分五釐
牛莊	九十七兩三錢九分七釐	芝罘	九十五兩五錢一分二釐
福州	九十八兩七錢四分三釐		

更以各地通用銀百兩。與庫平兩海關兩及上海規銀比較。

廈門規銀百兩

合上海百零九兩四錢八分四釐

牛莊同 上

合上海百零二兩六錢七分三釐

芝罘同 上

合上海百零四兩六錢九分七釐

天津同 上

合上海百零六兩九分五釐

福州同 上

合上海百零一兩二錢七分三釐

漢口同 上

合上海百零二兩四錢三分七釐

庫平百兩

合上海百零九兩六錢

海關百兩

合上海百一十一兩四錢

又上海所用之馬蹄銀。日本大阪造幣局。嘗分析而考驗之。今據其所得之結果如左。

上海漕平 五十兩八錢七分

申水 二兩八分

合計 五十二兩九錢五分

九八歸除 五十四錢四分合上海通幣

造幣局試驗之結果

每重四百九十七錢三分合英量二八七七·八八

品位 千分中 九八五五

普通紋銀而外。尚有所謂碎銀者。全不備貨幣之形式。然亦可使用於市上。且亦視為紋銀之補助貨幣。

焉。其中約分二種。曰粒銀。曰板銀。粒銀者狀如其名。瑣碎之小顆及小塊也。板銀則用銀錠銀圓及鷹洋之歷時久遠。形質摩損。失其往時重量。乃翦之爲片。以彌縫秤量之差數。故交易之際。必須一手持衡。又因其細碎不便過手。出納皆用厚紙裹之。其包表常有公估局之筆據。否則不易得信用也。

上海之銀行

上海銀行。有匯豐麥加利花旗道勝正金臺灣中法等皆外人所設者。至我國人所辦者。有交通中國興業中孚四明等。外國銀行中。以匯豐爲巨擘。總行設香港。其分行遍於世界各大埠。其設立上海之時。在同治年間。行中辦事人多至百餘。其他諸銀行亦稱是。

中國銀行。初名大清銀行。總行設北京。去年籌備帝制時。不受停兌之命。營業於是蒸蒸日上。餘如興業四明等銀行。多屬穩健。偶有風潮。此數銀行常裕如也。惟殖邊銀行則以濫發紙幣。兼營他業。至今一蹶不振。可爲浩歎也。

我國人所辦諸銀行。名譽亦不弱。但達官豪富。多以外國銀行爲心理上比較的良善。金錢千萬。悉存於彼。外國銀行之發達。此亦一原因也。

中國銀行之概況

頃此間銀行週報有中國銀行之概況一則。言中國銀行之歷史甚詳。亟錄之以爲留心金融者之參攷。

據云。當辛亥改革之際。大清銀行相率休業。南京臨時政府。曾有中國銀行之設。未幾南北統一。南京所設之中國銀行。旋亦無形消滅。此爲中國銀行名詞之起源。其時惟有上海之大清銀行。因股東會之維持。兼又托庇於租界。未受外界之干涉。以故虧累無多。損失較少。猶能繼續。不致休業。於是將機就計。正式名爲中國銀行。此亦不過維持現狀而已。及至統一以後。國中秩序稍定。財政部即將大清銀行。正式宣告清理。中國銀行於時草創成立。同時任命吳鼎昌爲監督。當時銀行制度。尙未確定。監督一職。又無所根據而發生。加之界限不清。處理未當。以故大清銀行之債權債務。無從清理。而中國銀行營業上。又無從進行。於是財政當局。又另設國家銀行籌備處。未幾又由財政部合併。卽以中國銀行爲主體。附設籌備處。以主持行務。歸併清理處。以了從前之糾葛。俟清理完竣。再將名稱消滅。此爲民國元年之內部情形。其時則例尙未制定。至二年四月十五日。始將中國銀行則例公佈。凡三十條。當改組時代。既無實在資本。以資周轉。當局又意見紛歧。莫衷一是。以云股本。有主完全召集商股。有擬先由官家墊款開辦。至於資金究何所恃。有主撥給三千萬元公債。以充基金。有定先撥七百五十萬元現款。從事開業。故在則例未公佈以前。其事權紛擾。蓋可知矣。及熊內閣時代。湯明水任總裁。當此之時。政府因鑒於各省金融秩序之擾亂。亦知國家不可無強有力之中央銀行。以資調劑金融。兼爲收回各省濫發紙幣。及實行全國金庫統一之計畫。故對於該行之進行。扶助不遺餘力。前此大清銀行原有之各分行號。均次第舉

辦其他商業繁盛地方重要區域亦均陸續推廣。政府復又委托該行代理國庫經收關稅。兌換券亦漸得商民之信用。發行額逐漸增加。草創之功湯氏甚有力焉。未幾財政部呈請改歸部轄。薩福懋任總裁後。即將內部改組。及民國四年。李士偉任總裁。添派趙椿年爲會辦。李氏蒞任未久。卽請脩改則例。并請增加資金。召集商股。同時有担任公股籌設民國實業銀行之計畫。及兼辦貨幣交換所事。惜帝制發生。政局變動。未能假以時日。俾竟成功。民國五年。停止兌現。全體大受影響。京行尤爲牽累。但未停兌各行猶能堅樹信用。其營業尙有增無減也。六年梁任公爲財政總長。滬行副經理張嘉璈升任副總裁。張氏對於中國銀行之改革。久有具體之計劃。因於此時呈請修改則例。縮小股額。增加資本。良以中國開業以來。商股既未足額。官款復不認爲股款。是名雖爲股分有限公司。而其性質實無限之責任。性質不明。其危險孰甚。且當時制定則例之際。因中央銀行所關甚鉅。故資定額較大。原意藉堅信用。但時與勢違。徒成虛語。轉致信用未立。性質不明。反礙業務之發展。果使營業發達。信用昭著。續召股本。何患無憑。此次縮小股額。誠爲必要之圖。該行根本弊害。由於銀行隨政治爲轉移。總裁屢易。人才不能久於其任。因於此次改定章程。總裁限定由董事中簡任。俾得久於其位。不致受政潮之更迭。而得專力于行務。再則中國銀行受病之原。由於官廳積欠太多。內而財政部。外而財政廳。均視中國銀行爲府庫。以致鈔票停兌。周轉不靈。自張氏任事以後。卽通令各分行號。不得任意墊款。並於章程內規定。凡金庫墊款。非經

董事會議決。不得墊給之條。張氏又鑒于股東會未成立。股東名義不能確定。因於本年召集股東總會。董事會亦於時組織就緒。曩者中國銀行。因資本未確定。性質不分明。以致妨礙其發展。而不能建設爲一強有力之中央銀行。今既修改則例。明定資本。並規定總裁由董事中簡任。是則昔之因障礙關係。而不能進行者。今而後宜可以發展其業務矣。夫有人此有法。有法此有功。若謂法立則功必見。竊以爲收効無是之速也。威氏 (Hnithen) 有云。善良之銀行。不產生於善良之法律。而產生於善良之銀行家。旨哉言乎。

利民銀行

丙午春夏間。有美商愛德華氏等。在各界招集華洋股本十餘萬金。設一銀行。署名曰大利。蓋亦泰西積聚銀行之類。中國信成銀行亦有此項辦法。所謂零存蠶取是已。第利率章程。略有不同。按信成章程。蠶存零取。零存蠶取。蠶存蠶取。零存零取。一切辦法。皆可通融。而大利則僅定一種辦法。其法以每月存銀若干元。謂之一份。或一人而願多存數份者聽。惟每份少不得過一元。多不過十元。份給一單。以後按月照數存放。滿十年者。除照本算還外。每月加息半元。例如每份一元。十年後可還百八十元。蓋母金百二十元。而子金半之也。小本食力者。流謀爲積蓄。集腋成裘。俾他日養生送死之資。未始非利民之舉。惟資本太少。故經營不能持久。致利民者轉以殃民。殊可嘆也。

上海錢莊之概略

上海錢莊。因資本之大小。及營業之廣狹。大概可分爲三種。曰匯劃。曰挑打。曰零兌。所謂匯劃者。因加入匯劃總會之故。故亦有稱爲匯劃莊者。挑打較次於匯劃。業務大致相同。惟未加入匯劃總會。至於零兌。則專以兌換銀錢爲業。實際上僅能稱爲錢舖。不過上海習慣上。對於錢業。統稱莊家。所謂匯劃挑打零兌。乃內部營業等級之分。而外人則概稱之曰錢莊。此外尚有入園未入園及大同行小同行之別。

錢莊因營業上之關係。設立錢業公所。錢業會館。以爲連絡接合之機關。並議有同業規約。互相遵守。每日早午之市價。均由公所議決。如有涉於同業之利害關係。亦由公所會議辦法。同業之間。設有糾葛。大概先由公所判斷曲直。如關於債務債權之攤派。亦由公所商議調處。自有商會以來。錢業因與各業關係較密。故在本埠之商會上。頗佔勢力。至若公所經費。概由同業公同担任。歲舉董事以總其成。另推司月主持一切。大致錢莊設立較久。股東財力較巨。或當事人聲望卓著。並具有能力者。則在公所中必占優勝。新同業加入公所。例須經同業之認可。其未加入公所者。不得享其利益。公所亦不盡保護之責。但錢莊亦有除加入公所以外。另結團體。以爲營業上之扶助者。類似攻守同盟之性質。所謂大同行小同行新同行。則狹義連合機關也。自銀行一盛而錢莊日漸衰微。非公所之勢立。豈能存在。惟現在銀行公會成立已兩年餘。自今以往。恐不易相競爭矣。

(一) 錢業公所。爲南北兩市錢業公共會議之所。每年陰曆正月十三日。開大會一次。集議關於全埠錢業公共之事項。歲舉總董司理一切。至全體對外交涉。大概用公所名義。

(二) 錢業會館。爲南北兩市錢業各別之機關。凡關於本市同業之事項。均在此會議。歲舉董事司理一切。並由各莊輪流司月。

(三) 錢行。亦係南北兩市錢業共同組織之所。凡關於同業中輕微事故。大都在此集議。實際上則錢業公所係共同對外之機關。而錢行則係內部聚集之所。非遇重大事項發生。從不輕開公所。每日各莊均來參與。早午二市之貨幣行市。大都在此公決。不啻爲錢業之俱樂部也。

(四) 匯劃總會。匯劃總會之性質。無異於銀行家之票據交換所。實際上並非特設之機關。係附屬於錢行之內。所謂匯劃者。係同業各家交換票據之稱。每日午後二時左右。各莊匯劃應收之票。出一公單。交於付款莊。至四時前後。齊集總會。互相核算出入抵銷。如有結餘。互找現銀。實則僅對於零奇尾數。以現銀找清。餘則另行轉票。仍相授受。故非加入總會者。不得與於匯劃之舉。所出之票。亦不得注有匯劃字樣。以故加入於此會者。均稱爲匯劃莊。所以表明其性質也。

錢莊資本。諸無一定。蓋錢莊資本之性質。類似無限公司。不在資本金之多寡。惟視股東之財力信用如何。股東之財力。卽錢莊之財力。股東之信用。卽錢莊之信用。且開業之始。對於實在資本。從無確實數目。

以告諸外人。大都誇大其詞，以虛張聲勢。殊難徵信。而局外人對於錢莊，亦不深攷其資本內容。惟探其股東及經理人，以為往來之準則。大概錢莊之資本，分為成本與護本二種。成本即股東已繳之資本金。特以運用者也。若護本則似乎準備金。又似乎未繳之資本。簡言之，則成本係實收資本，而護本則為備用股本也。通例護本約等於成本。預懸相當款額。臨時由股東籌措。故錢莊不能以形式上之資本。定其大小。股東有若干之財力。即錢莊可營若干之事業。股東之財產與錢莊資本，有連帶之關係。且錢莊大都先有交易而後開業。所以資本金亦不求其多。當開業時，預攬一宗存款，以為運用。要之錢莊悉視股東素來之財力信用。及經理人平日之聲譽能力，以為無形資本。使股東及經理人素無聲氣，即備足若干巨額，亦不足以將事也。

報關行

報關行者，專為客商所購之貨物，代報海關，並代謀運輸之便利，為業者也。業此者甚多。最大之牌號，為招商、滄怡和、滄太古、滄。蓋是三家。其範圍直由滬達重慶。承攬之貨，自較他家止有一部分者為多也。組織報關行，亦需資本十萬金左右。如購備駁船墊出房膳等費，皆其大宗。其辦法則租一巨廈，如旅館然。各處號客皆寓其內。凡供給客商之房飯等費，例於每節算還。而客之貨物，即由其報關及運送。其程序如客已訂購某貨，自取得一派司（海關驗過之一種證據），即將派司交報關行，而行中將派司至海關。

再報。則知確有此貨矣。就後復由客商向賣貨者。取一棧單。交報關行。據以出貨。即將所出之貨。由自備之駁船。裝至特定之輪船。運至某處。並即時由行自填明一提單。送至輪船公司簽字。簽畢即交客商。寄至所謂某處之報關行。或委託人。據以提該輪運來之原貨。此其大略情形也。

上海金業之狀況

(甲)首飾業

上海首飾業。大同行如景福寶成慶雲方九霞鳳祥裘天寶費文元楊慶和等。其間以景福開設最早。而營業之發達。則以寶成慶雲鳳祥楊慶和數家爲最。其後支派蔓延。分店日出。如老寶成之外。有寶成德記寶成裕記。慶雲有南慶雲北慶雲。老鳳祥之外。有新鳳祥鳳祥和記。楊慶和有福記發記久記。今方九霞又有新店老店之分。猶憶民國三四年間。同業中以各家分店日夥。營業不無妨礙。乃公同議決。每家牌號。以三店爲限。不得有第四家出現。蓋預防競爭之意也。

存金之數目。首飾業開張時。必貯備存金若干。以作底盤。北市如寶成裕記楊慶和久記。均常儲金至五千兩。此外如老新鳳祥等家。亦各儲金二三千兩不等。南市以景福儲金最多。約有三千兩。至少者如鳳祥和記。亦有四五百兩也。

就所存之金而論。寶成德記於民國四年開張時。金價飛漲。底盤貨每兩作價四百二十兩。成本之重。令

人驚駭。景福開設最早。約已五六十年。底貨二千兩。內有五百兩僅作價十八兩。其易獲利者。職是故也。門市之情形。上海首飾舖日益增多。每開設一舖。資本須在十萬以外。上海富家既多。新首飾業之營業。亦日見發達。通計各首飾舖平均計算。每日兌出金貨可至千餘兩之鉅。上海繁華。卽此一端。已可概見也。

往時門市。向推寶成裕記爲第一。每日可兌出金貨一百三四十兩。前年楊慶和久記新開張後。寶成裕記每日短去約數十兩。而楊慶和久記。則奪寶成裕記躍登第一席。方九霞見而豔之。遂於大馬路相空地址。大興土木。建築四層洋樓。開張新店。故至今首飾舖。當推楊慶和久記與方九霞兩家也。

楊慶和福記。爲楊氏與蘇州邵氏合股開辦。自開辦以來。已十餘年。營業向不起色。上年更易經理。聘請前裘天寶經理鄭萃堂後。門市日漸興旺。一月間可先出金貨千餘兩。白貨一千四百兩。較諸昔日。陡增三分之二。可見經理之得人也。

城內裘天寶。向在大東門大街。是處市面蕭條。每日僅兌出數兩或十餘兩左右。前年遷移小東門後。門市蒸蒸日上。每日兌出之金。增至六七十兩。可見小東門自放寬街道。卽臻繁盛。於商業上有絕大之關係也。

同業之競爭。六七年前。自新鳳祥開張後。首飾業日形競爭。繼起者。爲寶成裕記與新鳳祥爲勁敵。（新

鳳祥資本約十萬左右。寶成裕記資本十五萬兩。房屋均自建。楊慶和久記規模宏大。其開張之日。兌出金貨三千五百餘兩。值洋十七八萬元。真可駭人也。若今年之方九霞。其聲勢不及楊慶和久記。故號召力亦較遜。（或云新方九霞係新鳳祥德記主人徐君。買方九霞牌號。出資計三萬餘兩云。）蘇州恆孚銀樓。爲陳氏創辦。開設有年。聲望甚著。深爲蘇人所推重。在蘇每金一兩兌出。較他家增加洋五角。上年設分店於上海。卽楊慶和久記舊址。經理人爲吳人張慶生。自表面觀之。雖不及寶成鳳祥楊慶和方九霞等。而實則金貨成色。較各家均過之。然此惟老於蘇滬者能言之。若客班則不知也。金價之低廉。三年前金價總在六十元以外。近數年來。逐漸低廉。今則通常僅三十餘元。其金價縮小。係受歐戰關係。交戰國需銀之用途漸廣。故金價日跌。然兌飾物者。因其價廉。額外添置。故兩年來之首飾業。莫不利市三倍云。

(乙) 金鋪金號

金業之種類。金業除首飾業外。又有兩種。一爲金鋪。一爲金號。二者雖均做期貨。而金鋪則又有現貨出售。如本標大條赤條赤沙子金條金葉金等。金鋪如大豐永裕豐永恆豐永等。則爲金鋪。正昌恆乾昌祥等則爲金號也。

金鋪之情形。金鋪所有金類。如本標乃爲一種之金條。每條重十兩。七條成一瓶。其色爲九七八。銷路

則爲內地各埠。至銷往外洋標金。每條重七十兩。成色九七八。是爲大條。赤條每條重十兩。成色自九九三四至九九也。其大宗銷路爲首飾舖。沙子金來自北地山東煙台一帶。成色自四五成至七八成不等。條金來自四川廣東。成色不一。自六七成至九成。葉金以廣東來者居多。成色九九。以銷門市者爲多。金舖金號營業之狀況。金舖金號。其性質係做拋盤期貨爲主。爲一種投機事業。除自做外。兼代客家做期貨交易。以取佣金。其佣金視所做條子多寡。一錢至五分不等。清光緒末年間。金舖金號。統共不過十餘家。至今已開至四十家以外。金舖所做之客幫。以洋貨棉紗以及官僚中人爲多。近兩年來。大概做空頭而望價小者。其獲利必豐。做多頭而望價高者。則多虧。此其大較也。

西式金銀首飾店

滬上西式金銀首飾店。均爲粵人所設。粵人稱爲打銀舖。最老者爲江西路之和盛。其次爲南京路之聯和鴻昌。又其次爲河南路之時和。他如聯生公司等。則開設未幾時耳。顧客以外人居多。滬上巨室姬妾。亦趨之若鶩。故營斯業者。無不利市三倍。所製首飾。異樣翻新。精細無比。有爲本埠各大銀樓所不及者。往歲銀樓同業中人。慕其製法之精。曾擬派人往各首飾店學習。多方央求。終未達其目的。蓋粵幫同行規例。學習打銀。祇限本省人。外省人則絕對不許也。

最老之書坊

上海書店之最老者莫不推掃葉山房。實則掃葉山房雖創業明朝。乃開設于蘇州。而分設上海。則歷年猶未久也。惟大東門外有一店號黃文正者。創自有明中葉。至今猶存。予昔寓滬南。嘗經過此店。局面之小。殊不足言。而資格則老於掃葉山房也。

石印書籍

石印法之輸入中國。最先爲點石齋。繼起者爲拜石山房。同文書局。一時鼎足而立。然今人只知點石同文。而不知拜石山房矣。點石齋爲英人某所辦。拜石爲甯人。同文爲粵人。而校刊印刷。以同文爲最精。今日得同文板者。尙可求善價也。

同文書局

中國之有石印。始于滬上之點石齋。爲西人美查所設。印造各書。均用上等連史。蠅頭端楷。精雅絕倫。而按句發行之時事畫報。爲吳友如等摹繪。每冊售洋五分。尤稱廉美。次爲拜石山房。而同文書局亦同時產生焉。同文創之者爲粵紳徐鴻甫。卽徐雨之之族弟。鴻甫有姊妹行某女士。曾削髮皈依三寶。然以門第故。於都中貴冑。極有勢力。時西后頗留心詞翰。欲翻印圖書集成百部。爲頒賞文臣之用。徐偵得之。乃倩女士爲介。得引進內務部承辦此差。初領內帑三十八萬兩。訂造一百零一部。其板圈字樣。按照原式。放大十分之一。用上等桃花紙石印。原有脫筆。均須描補。內一部用黃綾圖龍裝釘。備宸覽外。其餘百部。

僅普通道地而已。此書歷三載始竣。工料浩大。虧蝕不資。幾中輟。幸托有力者向府關說。加津貼十萬。始得畢事。此後兼印聊齋三國字典等書。亦極精妙。至今流行日稀。價亦不賤。其局址即今中虹橋東之元芳路師善里一帶云。

鉛印發軔小志

滬之有鉛印書籍。始於同治初年。西人創設之墨海書局。用鐵製印書車牀。長一丈數尺。廣三尺。旁製有齒重輪二。以二人司理印事。用一牛旋轉機軸。其書版或爲活字。或爲泥胎。繞成之鉛板。墨汁膠棍。大致與今式相同。當時人士引爲大奇。曾記某名士詠雜詩云。『車翻墨海轉輪圓。百種奇編宇內傳。忙殺老牛渾未解。不耕不隴耕書田。』後墨海廢。而美敦士江君。別設美華書館於南門外。造字製版。悉以化學。其後傳授工徒日衆。西人之續設者有別發。華人之自設印書館報館者。亦漸起。如著易堂。集成圖書局等。而轉運機軸之法。亦去牛而以引擎馬達代之。近今滬上印刷事業。日見發達。未始非物質文明之日進。今試向老手民老印工。其習業之出身地。墨海已如晨星。美華書館者。已足爲老前輩矣。

科學叢書之發軔

吾國人士之著述。在昔鮮有及於實業及科學者。試一閱四庫全書目錄。關於是項書籍。除農政全書幾何原本二書外。餘者有幾。二書均係明相國徐文定公所著。農政全書凡六十卷。於溝洫之制。桑麻之宜。

蔬果漁牧之利。燦然大備。幾何原本。爲西儒利瑪竇所譯。文定公所筆削。其籍爲歐洲算學之祖。原本十五卷。文定公取其論圓形、線形、三角、比例、圓內、外形等六卷。此二書實於科學上實業上最有關係。裨益後人。厥功非淺。吾滬人士。宜如何追溯崇拜也。

中華書局經過之歷史

中華書局亦上海數大公司之一。其經過之歷史。前因後果。頗足爲興辦實業者之法戒。茲分開創、失敗、恢復、三時期。縷列於後。

一開創時期 自民國元年至五年。爲該局開創之時期。該局發生於宣統三年武昌起義之秋。成立於民國元年元旦。創辦之初。資本薄弱。氣象狹小。嗣後因營業之發達。爲積極之擴充。資本額增至一百五十餘萬元。分局多至四十餘處。盤入他書局及印刷局數處。編輯辦事等員。以及廠所工人。一躍而至二千餘人。而福州路之總店。靜安寺路之總廠。經之營之。不遺餘力。高大巍煥。先後落成。規模宏廓。蓋幾幾乎與商務爲兩大之並峙焉。至其內容之組織。具有條理。仿立憲國之三權並立。分立法司法行政三大機關。所謂立法機關者。董事十一人之會議也。所謂司法機關者。監察二人之駐局監察也。所謂行政機關者。正副局長之執行局務也。法良意美。果能遵而行之。各盡其職。何至失敗之立見。無如我國積習。言之匪艱。行之維艱。而任人不當。一著之誤。累及全局。實爲該局失敗之由來。

二失敗時期 自民國六年正月至十月，爲該局失敗之時期。此時期內，歐洲戰事蔓延愈廣，各物原料交通阻塞，昂貴猝加數倍。國內南北交闕，書業生涯驟形清淡，金融又屢起恐慌，分局接濟不能時至。該局又因進行之太驟，開支之過巨，任事者之乘便挪用，經營他業，嫉妬者之多方謠誣，伺隙而起。遂至信用墮落，存款擠逼，周轉爲之不靈，不得已而有貸與新公司之舉。

三恢復時期 自民國六年十一月至七年年終，爲該局入於恢復時期。新公司爲某某等組織而成。接辦數月，不甚得法，遂於是年某月解約退還，仍由舊公司接收。嘗閱其七年分董事會報告書，仍行三權鼎力辦法，而害馬既去，積弊一空，痛定思痛，實力整頓，存項債款，分年攤還，核減局用，向之每月三萬餘元者，今則每月六千餘元，停止優先股，組織墊款團，以補造貨之不足，即就信用論，近日所出國民寶庫英文百科全書等書，預約出版，均能如期，銷路亦異常暢旺。據個中人云，營業之數亦已復故，出入相抵，綽有餘裕，核諸近況，或當不誣。此兩年來入於恢復之大概也。

野史氏曰：中華書局之勃興，武昌起義，利用時會，論者謂有天幸焉。雖然，其利用時會也，亦彼徘徊觀望，持重自誤者之有以啟之也。其失敗也，由於存款擠逼，連揮不靈，人事不善，萬難自諱。蓋亦有利用其失敗，從而下石焉。不然，豈無存款多於該局者，以彼易此，一經擠逼，吾不知其墮落當何如，以頹敗之中華，而今有回復之氣象，則所賴於人事之補救可知也。臥薪嘗膽，安知不一戰而勝吳耶？該局勉乎哉。

鴻文局之失敗

開設鴻文書局者。爲江蘇震澤人凌陛卿。孝廉家。世絲商。資本雄厚。與點石同文等局並駕齊驅。惟所出者。多科舉時代考場所用之書。如五經憂造、五經彙解、大題文府、小題十萬選等類。不下數百種。當時非不風行。士子輒手一編。迨科舉既廢。不值一錢。民國初立。亦嘗集合名士。編成初小教科書數種。而資本短缺。推廣無術。巧婦無米。自難爲炊。刊行之書。終亦束諸高閣而已。其初石印處。設於南京路恩慶里（今之大慶里一帶是）。規模頗爲宏大。後設發行所於棋盤街。乃將石印局盤與某某氏。繼又將發行所盤於某某氏。而前功至是盡棄矣。凌君學問淵博。性情坦白。待友接物。頗能相見以誠。絕非狡猾之書賈可比。該局所出之書。名人詩文集。亦復不少。而大宗以科舉書爲多。失敗之基。卽由於此。至其豫算欠精。用人欠當。則尤其一生之大病。論者頗爲惋惜。今間從事實業。營開墾於安徽郎溪縣。至老而精神不衰。偕其妻子。且讀且耕。自以爲人生之大樂。雖南面王不易也。區區書業之成敗。知不足以縈其念慮矣。

文壽記之發達

文某不知何許人。或曰南翔人。或云甯波人。小名阿壽。人卽以阿壽呼之。弱冠時。以賣報爲業。風雨不輟。克勤克儉。除衣食外。積有餘貲。輒印蠅頭小說數種。如三笑挖空廂十美圖等。隨報喚賣。當時紙價印工。均極廉賤。買客以其舟車攜帶最便。價又不昂。輒喜購之。福州路之書包。亦趨之若鶩。代任銷行之職。所

贏往往倍其資本之三四。種類既夥。生涯鼎盛。遂棄其買報之業。專心從事於此。初僅設一書攤於某某里口。以便書包之攜取。繼乃設行棧。購進印機十餘架。外埠之來批發者。不下數十餘處。凡舊小說之流傳於世者。幾於應有盡有。爲數五六千種。創業既竟。坐享其成。終日沈溺於烟霞窟中。個中人爲計其贏餘。今當不止十餘萬。惜所出之書。大半誨淫誨盜。蠅頭小字。又傷目力。受其毒者。不知凡幾。猶憶同時有戎某者。亦甯波人。同一賣報生涯。繼亦設書肆於四馬路之畫錦里。生涯頗覺不弱。未幾因入不敷出。身死而店亦讓諸他人。以視某某之左擁右抱。享有巨貲。其苦樂之久暫。又不侔矣。

文明書局之中興

教科之編纂。始於文明書局。實開商務書館中華書局之先聲。該局主任好尙風雅。延聘皆一時之選。所輯蒙小各書。雖華路藍縷。而亦頗適於用。該局之特色。爲各種珂羅板。羅致名人書畫不經見之本。主任一生之心力財力。畢萃於此。惜賞音不多。價又昂貴。銷行未暢。某某年讓與中華書局。實力整頓。添設進步編輯所。三年中出書至三四百種。營業驟增至二十餘萬。論者謂文明之中興焉。

商務印書館創業之歷史

滬上書肆。其營業最大者。當以商務印書館爲首屈一指。然考其創業之歷史。則成立之初。亦一藐乎甚小之書店耳。按該館經始於丁酉春正月。在上海之江西路。賃小屋三椽。辦印機兩架。爲印刷事業之初

基翌年夏六月遷於北京路。有屋十二楹。爲初步之發展。越五年當壬寅癸卯之交。始建印刷所於北福建路。設編譯所於蓬路。創發行所於棋盤街。而規模粗備矣。自乙巳以還。定名爲有限公司。股本已由三十萬遞增百萬。卽於今之寶山路。改建印刷所編譯所。復於棋盤街重造發行所。基礎始固。規模亦大擴張矣。各省添設分館甚多。京津兩處。又各設印刷廠。至甲寅秋。增收股本滿二百萬之額。益着力擴張。先後合併中國圖書公司。中外輿圖局數家。營業上之贏餘。歲有增加。由十五萬達至四十萬。此近今之進步也。俟有暇當再述其營業之現狀。以爲從事於實業者告也。

商務印書館事業之現狀

商務印書館創業之歷史。已在本報披露於閱者之前矣。至其事業之現狀。則分四大類。曰發行。曰印刷。曰編輯。曰製造。茲分別述其大略。

(一)發行 以上海棋盤街之發行所爲總機關。新造西式四層樓。高敞宏廓。內執事者分別部居。有二百數十人。至各省都會商埠。已設分館者四十四處。此外各地販賣處計一千餘所。南洋羣島及日本歐洲美洲各巨埠。亦特設售書處。一年營業之總收入。約在三百餘萬元之譜。

(二)印刷 印刷工廠。在上海閘北寶山路。基地五十三畝。建築倣歐美工場制度。有三層樓三所。二層樓九所。平屋六所。約占地二十萬方尺。各部職員職工。有一千五百餘人。印刷則石版鉛版鋅版鋁版銅

版珂羅版三色版等咸備。又有最新之膠版。凹凸版。專印精美之商標。及銀行鈔票。現在此項印刷。國中惟該館能爲之。此外若京津兩處之京華印書局。及天津印刷局。爲該館所分設者。其印刷工藝。亦能與上海總廠無異。

(三)編譯 編譯所設於印刷廠之右。爲西式三層樓。藏書樓附設于內。編譯人員。現有百二十人。已編成之圖書。計分教科書。法政。地輿。字書。雜誌。外國文。小說七類。有千八百餘種。近年新出共和國教科書。尤爲學界歡迎。內國民學校。國文一種。已疊百餘版。銷售三千萬冊。

(四)製造 一製造廠附設於印刷所之後廠。其製造分爲三項。(一)鉛字銅模。鉛字有新式鑄字爐。以鑄中西各種字體。銅模除造普通字體外。又有楷書行書隸篆書。及做仿宋楷書諸種。爲該館之創製。(二)機器之關於印刷用者。有石印機。鉛印機。軋墨機。切紙機。鑄字爐各種。關於普通用者。有車床。鉋床。刈草機。吸水機諸種。均能自行製造。(三)儀器標本。有理化器械。博物標本。地理模型。風琴。幻燈。體操運動器械。以及工場。農場。養蠶。製絲各種器具。均延專家監造。以質樸價廉爲主。此外如鉛筆。粉筆。墨水。墨油等。亦能自造。

說滬上書肆

從來名山事業。期乎傳諸不朽。雖學術思想。代有因革。然詞必已出。要之今古同揆。有清乾嘉之世。盛行

考。据。自。誇。淹。博。爬。羅。剔。抉。不。出。故。紙。堆。中。當。時。識。者。尙。譏。其。類。乎。抄。胥。今。則。巨。剪。事。業。日。益。發。展。兩。者。相。較。猶。覺。彼。善。於。此。矣。考。此。事。作。俑。之。始。由。于。戊。戌。變。政。競。言。富。強。上。以。是。求。下。以。是。應。干。祿。者。莫。不。以。報。端。論。說。爲。時。務。之。藍。本。於。是。奸。商。逐。利。裝。剪。成。書。分。類。彙。編。供。人。獮。祭。如。饋。貧。糧。不。脛。而。走。迄。乎。晚。近。著。作。律。頒。版。權。有。主。百。家。雜。說。益。覺。風。發。雲。湧。莫。不。欲。于。名。山。中。佔。一。席。地。而。利。用。糊。剪。事。業。者。亦。乘。時。紛。起。焉。間。嘗。默。計。滬。上。數。年。來。之。出。版。物。蔚。然。名。著。固。不。乏。人。而。移。甲。就。乙。斷。鶴。續。鳧。標。新。領。異。以。眩。世。者。實。滔。滔。皆。是。至。綺。語。豔。詞。虛。構。情。天。之。劫。描。寫。猥。褻。之。談。迎。合。人。心。以。達。其。敝。帚。千。金。之。享。則。更。品。斯。下。矣。嗚。呼。道。喪。文。敝。羣。言。龐。雜。黠。者。因。利。乘。便。以。貪。天。功。亦。風。俗。人。心。之。憂。也。

欸乃二字考

自唐人柳宗元漁翁詩。有欸乃一聲山水綠之句。後之小說家。形容舟楫搖曳者。輒用此欸乃二字。按欸從矣從欠。與唉同。如欸咳歎嘆等字。從口從欠。本可相通也。音近譌。惟憶幼時塾師授讀此詩。欸乃須讀如（奧愛）之音。作漁歌唱和聲解。詢諸曾讀唐詩者。莫不云然。但考字典。則（欸）音藹。而（乃）又作原音。且附註此兩字爲樞歌應答貌。總之欸確從矣。固無疑也。惟近年流行之小說。凡鉛印者。竟排作欸字。從無排欸字者。初疑或因冷僻字模未備。而然。昔年從事某書局。偶述及此。索閱原稿。實爲欸字。是非手民之咎矣。且他稿之用此兩字者。亦復如是。又漢司馬遷報任少卿書中。有（更張空拳）一語。拳音宦。無

矢之弓也。此函自吳留村採入（古文觀止）後。近多編諸名人尺牘中。然因傳抄之訛。竟作（更張空拳）。雖義亦可通。究失原意矣。上海印刷界。居全國首領。竊願繕校諸君子。隨在矯正。庶免承謬襲訛。亦藝林之隱德也。

上海棉花之狀況

上海爲棉花總集散地。輸出於日本甚夥。其種類除通州棉甯波棉外。以上海棉爲最著。上海棉概出於附近之地。如上海縣奉賢縣南匯縣及沙廳等處是也。其出貨常以竹籠或麻袋藏之。由小艇搬運。通州棉爲通州海門崇明等棉之合稱。占上海棉花中之多額。其航運至滬時。每因裝載之法不善。途中一遇風浪雨雪。則澈底浸溼。故通州棉含水氣獨多。不及上海棉之爲社會所歡迎也。至於甯波棉則不致是。買客購是項棉花者。恆審定上海之市況。乘汽船直往其地交易。卽以汽船運棉至滬。甚爲便利。上海棉花分南北兩市。每年所估價額。達五百萬兩以上。南市有花衣街。爲棉商集聚之處。該市之販賣。以內地爲大宗。日本次之。其市上所定計值之本位貨幣。南市主銅錢（今亦主銀兩）。北市主鷹洋或銀。棉之裝置法。有大小三種。大袋百八十斤（一斤合日本百六十目）或百八十五斤。中袋百二十斤。或百二十七斤。小袋六十斤。又實棉一包之量。目五十七斤或六十斤。市上所設棉花店號。有漢口莊廈門莊山東莊天津莊等稱。漢口莊主輸出通州產之上貨。廈門莊則運上海產之上貨。分投於山東天津諸市。所運

者多實棉。價格甚貴。至其交易之情形。則有經紀以爲賣買之介紹。且有專周旋日本商者。彼等之手數。料（行用）雖由賣手受一定之例。然遇買賣兩方面。或有不詳於事情者。則直乘其隙。逞譎詐。貪不當之利者甚多。亦棉業之一大弊竇也。

棉紗

我國棉紗銷場。以北部及長江一帶爲歸宿地。而其總聚散之區。則爲上海。顧各地所喜用之貨色不同。故由上海輸送於北者。以十手及十六手裝爲主。（十二兩結爲一束。卽名一手）輸送于長江一帶。則十六手及二十手裝居多。特與日貨競勝者。有印度紗及上海紗。至英紗概皆三十手裝。質良而色潔。縷細而力強。爲市面之上貨。雖其價格較高。與日貨亦不相妨礙。又日紗之輸入於上海者。十六手裝獨優。二十手裝次之。印紗則十手或二十手裝。上海紗則十手或十四手裝。長江沿岸之地。每喜十六手裝右撚。故近來上海紡績公司。專造此貨以爲抵制。卽印度紡績廠。亦做日貨所擅長之十六手裝右撚。運入上海射利。其物外觀頗佳。質量合度。價亦較日貨廉二三兩。但織工不善右撚之手法。往往於來貨中雜左撚者以充數。而受貨之家不知其弊。每立約定購。及上機使用。以向不習於左撚。動作之際。殆多窒礙。因此印紗之銷路遂塞。按上海各廠之織造土布。恆以紡績線爲經。而以右撚之手線爲緯。日本能投其所好。故價格略高。反能廣銷。是以對於上海各機房。儼有專利之勢焉。

米業

米爲我國輸出之禁品。其輸出日本者。係緬甸暹羅東京西貢米之一。先入於上海。再爲輸出。計輸入上海之米。爲江蘇安徽江西河南湖北湖南六省。六省中平年之收穫。約三億石內外。其中十分之三（卽九千萬石）產於江蘇。十分之二（卽六千萬石）十分之五（卽一億五千萬石）可視爲四省所出之混合數。此中自用之餘。多半運輸上海。再由上海南輸於福州廈門汕頭廣東。北送於牛莊芝罘天津諸港。今舉上海米之集散額如左。

一來自常熟崑山松江無錫太倉蘇州等地者。額百六七十萬石。

一來自蕪湖鎮江漢口九江諸港者。額六七十萬石。

一來自嘉興湖州嘉善平湖等地者。額七八十萬石。

總計約三百二三十萬石。其由此而分發者。

一轉輸於南洋。如廣東福州廈門汕頭諸港者。額百萬石。

一轉輸於北洋。如牛莊天津芝罘諸港者。額百五十萬石。

一上海食料。五六十萬石。

一北京漕糧。五六十萬石。

興華麵廠之成績

本埠北蘇州路之興華製麵公司。創於民國五年。主之者爲粵人蕭乃麟。首尾僅及三載。營業蒸蒸日上。發展之速。至爲可驚。近且於香港銅羅環購地建築分廠。推銷南洋一帶。爲就近供給之計畫。冀與歐美各廠並轡而馳。誠國貨界之好消息也。初蕭充法商機麵公司經理。稔知通心粉一物。爲西人日用必需之品。長年入口。以此爲大宗。歐戰起後。來源驟減。法商靳於資。待遇漸苛。會其兄楚楠。至自澳洲。悉彼方習慣。擬在滬辦相當實業。蕭亦以助長外貨非計也。遂決意自起經營。復聘留美某技師。購置最新式製麵機器。隨機來滬。悉心配製。以是所出諸品。均能駕乎舶來之上。且有三十餘種之多。於中西口味嗜尙。肆應咸宜。伍廷芳博士夙以衛生家見稱於世。嘗謂此麵不但香味適口。且含充分之滋養料。苟久服不輟。實勝於稻梁肉食萬萬云。

菜館之今昔觀

滬上菜館林立。山珍海味。極海內外之精華。茲就三十年來之變遷。分述如下。酒館業初惟有徽州甯波蘇州三種。後乃有天津金陵揚州廣東鎮江諸館。至四川福建館。始於光復後盛行滬上。徽館兼售湯麵。可隨意小吃。取價尙廉。租界中以法界之其萃樓爲最老。甯波館現尙盛行。揚州館昔日有淮陽九華樓。當時風行一時。現已歇業矣。蘇館如五馬路之得和館大慶館。生涯甚好。中下等社會多樂就之。以其價

廉物美也。天津館現存者以雅叙園爲最老。此外悅賓樓鴻賓樓會賓樓皆繼起者也。廣東館初惟大馬路有之。專售宵夜。每客兩熱兩葷。一湯一飯。祇需銅版二百文。且可兩人合食。其後則遍設於四馬路各處。現價亦增至二角五分。四馬路之杏花樓。四川路之會元樓。翠樂居等。均廣東館中之大者。設筵稱曰開廳。另僱粵中音樂吹唱。開廳之價。需數十金。金陵館以南京路之春申樓爲最著。鎮江館如新老半齋大雅樓。小吃開筵均可。價亦尙廉。四川福建等館。均於光復後始開設。蓋當時遺老叢集滬上。如樊樊山。易實甫。沈子培。李梅菴諸輩。文酒風流。均集於小有天。別有天。醉瀛齋。式軒。古榆軒諸家。而閩蜀菜館之名。因之大噪。士夫商賈之請客者。意非此種菜館。不足以表盛饌。每筵之價。需十金以外。今醉瀛齋。式軒已閉。蜀菜館之新起者。有都益處。錦江春。他如湘之桃源館。開設未久。卽閉。至中國人所辦之番菜館。始於一品香。設於四馬路中。每人大餐一元。小食五角。當時人鮮過問。其後繼起者漸衆矣。外國大餐館之始開者。爲法界之密采里。今已閉歇。餘如客利禮查。金隆。均旅館而兼售大菜者也。此外尙有別克登卡爾登諸家。午餐每客一元二角半。晚餐一元七角半。虹口日本人所設之料理館。如六三亭。松廬家。爲彼國之著名者也。料理每客三元。並有藝妓侑酒。但華人之不解日語者。須由彼邦人同去。亦有小吃。如吾國邊爐之類。分魚片。鷄片。牛肉片。諸食。每餐二三人食之。代價約一元許。此外飯店酒店諸類。變遷各異。他日當別論之。

泰豐之罐頭食物

吾國仿泰西製之罐頭食物者。始於泰豐罐頭食物公司。成立於光緒三十二年。初由粵商卓樂生王拔如合資試辦三年。繼乃集股二十萬。以王拔如爲總理。鄧瑞人爲協理。卓樂生爲總司理。設製造廠於小沙度。廠基十畝。廠屋百椽。內分割宰部、烹飪部、蒸物部、烘餅部、和粉部、冷氣室、罐頭室、罐頭製造所、蓄鴨池、養鷄房。井井有條。司事全係粵人。雖女工亦然也。營業部有二。均設於南京路。除售餅乾糖果葷素各食物罐頭外。近更添售罐頭西餐。取價每客五角至七角半不等。歐戰以來輸出國外尤夥。以故近年營業益形發達。是亦吾滬一大實業公司也。

飯店

飯店之名稱牌。在京津則牌子極好。多仕商集宴其中。若滬地飯店。則皆中下級社會人物果腹之地。營業者。分甯波廣東蘇州浦東本地各幫。大致在城廂南市一帶者。多爲浦東本地飯店。著名之菜。爲乾鹹肉、燉醃鮮、蹄膀、炒肉絲、紅燒肉、豆腐湯、血湯、三鮮湯。以及過時賤值之海鮮。惟王家碼頭之蔡家飯店。董家渡之某館。則日備鮮品。較別家爲生色耳。各菜取值以錢碼計。制錢七文爲一分。七十文爲一錢。至賤之菜。每饌祇三分。此外虹口一帶之飯店。有廣幫甯幫本幫江北幫。大抵專做碼頭小工生意。與楊樹浦之專做紗廠工人生意一也。至英界中心之飯店。則門面較大。饌餚亦稱講究。如大馬路二馬路中間

之佛陀街（俗稱飯店弄）有正興正陽春陽諸館。均爲寧幫燒手。吃客多。一般洋行海關執役人員。包飯者多。故每至正午。無不滿座。所備鮮品。亦皆應時。其拿手好菜。爲炒圈子、托肺、鯖魚頭尾、燒鱸背、大轉灣諸品。沽酒小酌。頗爲相宜。價亦酌中。不甚昂貴也。五馬路之得和館。爲蘇幫。地位較大。已近酒館一類。然一般老顧客。多爲其鄉人之供役妓院。領銜烏師者。故知者不入也。

客棧之今昔觀

上海客棧之多。奚啻千數。三十年前。惟長發、名利、泰安、長春、全安、萬安、等爲洋房。稱爲士宦行臺。羣推巨擘。每日每人房飯錢二百八十文。其次者自備飲食。每日房金只需一百文。其地點多在洋涇浜一帶。取其輪船上下便利也。其後五馬路、四馬路、大馬路等處。市面漸繁。開設日衆。取價漸自三四百文增至五六百文。棧中祇備榻架。被褥帳子。均須客人自備。頗不便利。迨光緒末葉。迎春坊之滬臺旅館開創。始有不供飯食而備被褥之旅館興焉。惠中、孟淵、繼之。行客稱便。而客棧之名字。至此時亦易用新名詞爲旅館矣。數年來。如新旅社、振華、一品香、東亞、各旅館。房屋器具。備極精良。每日房金亦自數角而至四五元。並自備菜。旅客可隨意點菜。開筵請客。此亦旅館之進化也。至外國旅館。以法界之密采里爲最先設。今已閉歇。其對面今尙有一家。餘如大馬路之匯中、三馬路之客利、虹口之禮查、靜安寺路之別克登。均著名者也。房飯金每日五六元不等。日本人之旅館。多在虹口一帶。以豐陽館、萬歲館爲最著。每日房飯金

三四元不等。其餘次等下宿。亦有數十家。此外法界東新橋。鄭家木橋。大世界附近之小客棧。類皆下流社會。藏姦納污之所。不足道也。客棧之沿革。上已略述之。尚有客棧之性質。茲摘述數則如下。(一)上等旅館。供政客商賈之食宿。(二)專做一定之客幫者。如各省各地人之在滬開棧者。其同鄉人往往投宿。其本鄉旅館。如名利全安之廣東幫。梁溪吳錫之常州無錫幫等。類此者甚多。(三)則爲專漁利勾引無恥男女奸宿者。此種臺基客棧。在在皆是。實社會萬惡之蝨賊也。

按當時之客棧。不備被褥。雖不便於行客。而登徒子之欲權作陽臺者。殊不易易。今既若是。殆所謂善惡俱進者非耶。

托力克眼鏡

近年盛行之托力克眼鏡。以其有迴旋光線之功。御之者神采煥發。弈弈動人。一般趨時之士。幾有非此不足顧盼之概。初爲高德洋行所創製。該洋人本光學專家。挾其所謂驗光鏡磨片機等來申。初造者邊與脚。僅鋼質或鍍鏤而已。其鏡片係一種人造明淨厚玻璃。故售價殊廉。繼以平平無奇。不足以動人觀聽也。乃一變而爲純金夾金等架。聲價頓高。閩動全市矣。蓋其本質至賤。不得不以烘雲托日之法出之。吾國人隨波逐流。惟以時尙爲轉移。初未審辨其爲晶片玻片也。行之數年。該洋人已盈橐而歸。當此鏡流行未幾。時有某茶役。服務該洋行。執役之暇。恆助其驗光磨片等事。日與洋人共同操作。久之得秘奧。

藉故脫役。自行創設精□眼鏡公司。購機仿造。一如其式。且以華商國貨揭藥於衆。雖步後塵。亦稱發達。今雖業此者日多。價亦日就低減。然緊接該洋人之後。首出於衆者。實惟某茶役也。以故至今獲利亦豐。說者謂以一茶房之微。而能心營手效。克底於成。卒杜漏卮於風靡之時。不可謂非有心人也。以視彼以數十年之巨商。仍逐逐於睡餘之末。轉以自欺其同胞者。相去誠不可以道里計矣。

日前趙觀梅君所談托力克眼鏡一則。推尊某公司之首先仿造以杜漏卮。可謂能見其大。惟言某君爲茶役出身。則與事實不符。蓋某君本略知光學。故高德洋行延爲助手。當夜間仍肄業於青年會。及得高等英文卒業文憑後。復向美國函授學校研究光學。甚有心得。該西人深爲倚重。月給薪資七十元。價值如此。自非茶役可知。因續數言。以昭核實。

詳誌托力克眼鏡

自托力克眼鏡流入中國。舊日之眼鏡店。遂如摧枯拉朽。一敗塗地。延及今日。水晶眼鏡。幾有滅種之虞。實則水晶爲天然產品。托力克係燒料。其性質與家居所用之玻璃。正復相似。質地脆弱。試置之几案中。偶一移轉。而裂紋累累焉。物質之不良。固不待智者而決也。而卒能戰勝水晶者何耶。水晶眼鏡。多平面式。托力克其形外向作凸式。鏡光似較平面爲勝。又配置托力克。必爲之驗光。舊式則無之。托力克之與水晶所異者止此耳。訖今風靡全國。卽以上海一埠而論。其銷數總額。已在百餘萬以上。况各外埠分店。

林立。是以一大漏卮也。試將各種詳情類誌於下。

昔日上海之兼售外國眼鏡者。有英大馬路之雙龍鐘表店。若專售眼鏡者。則有明品。亦在英大馬路東首。然所售者皆平片。至光緒中葉。而美人高德者。攜托力克鏡片及驗光器具來滬。寓居二馬路外國墳山之東首客利西飯店。爲出張所。上海之有托力克眼鏡自此始。其所以號召顧客者曰。眼科醫生曰光學專家。一時趨之者甚衆。厥後高德之名日著。托力克之銷路亦日廣。於是向外洋購辦磨片機器。並於英大馬路相定地址。正式開張。規模乃大備矣。光緒末年。高德忽逝世。繼其後者爲西人費德雷。費接任後。措置未善。華人之受職於高德者。相率解體。不數年而精益求精中華各眼鏡公司。乃次第興起。華人之受職於高德者。實繁有徒。若輩與高德相處日久。於採辦貨品及驗光磨片等法。研求有素。久已心領神會。又見托力克獲利之鉅。遂於勞合路之轉角處。組織一精益求精眼鏡公司。時在宣統元二年間。股東多高德舊部。復於股東中推舉張士德爲經理。劉鼎臣爲協理。繼之者爲華明。開張於天津路。以鐘表而並售眼鏡。又未幾。而有明明。經理俞聖祚。司驗光者爲金麗生。亦高德舊部也。其次爲精華。其次爲中華。經理周憲章。亦高德舊部。前年冬華明以天津路地處僻遠。遂遷徙於勞合路口。精益求精據東首嘴角。華明據西首嘴角。適成對壘之勢。於是精益求精嚮抵制之策。復於勞合路之對面。開一光華。此各眼鏡公司之大略也。今日者過大馬路一帶。眼鏡公司林立。儼然爲眼鏡業之市場矣。

當高德初至滬時。登報招請英文翻譯周憲章。周本尙賢堂學生。英文饒有根抵。得充是選。故論高德舊部。以周憲章資格爲最老。若張士德劉鼎臣（劉亦尙賢堂學生）俞聖祚輩。得受職高德。皆由周之介紹。自組織精益。諸人皆居股東之列。若以人才論。當推張士德爲巨擘。自驗光磨片裝配鏡。腳種種無一不精。本年提議出洋考察造片及光學諸法。其卓然遠見。擘畫精詳。尤有足令人欽佩者（說詳後）

精益以捷足先登。獨占優勝。營業最鉅。而分店亦最多。如北京天津濟南廣東香港武昌漢口南京無錫蘇州杭州等處皆有。其餘若精華明明中華等。雖各有分店。然不過三五處。不若精益之多。至如分店之營業。以北京爲最。京師首善之區。達官顯宦。雲集都下。營業既盛。售價亦較昂。故獲利亦最優。其次則推濟南。其餘平平而已。

論鏡片之種類。最著者曰托力克。其次克羅克。又其次曰鬧維爾。曰羅斯福。托力克已如上述。克羅克自表面觀之。雖與托力克無稍岐異。然燈下能發現紅色。據個中人云。能保護目力。雖處電燈下。不虞眩暎也。鬧維爾爲淡黃色。羅斯福爲深黃色。西國婦女最喜用之。察其意殆與吾國舊日之茶精墨精。同一作用。然中國人以其色黃。不甚雅觀。顧問者殊鮮。其中又有所謂雙光者。上下以兩鏡片鑲嵌而成。如近視如初花。尤爲適用。（譬如初花之眼。伏案作書。必戴眼鏡。若遠望則不需眼鏡。又上方可用平光鏡。下方用花光鏡。）最近又有無形雙光。其鑲嵌之法。真如天衣無縫。凡此皆外國眼鏡之特色也。

托力克來價極低廉。即最優等之貨。每打亦不過十元上下。配以金絲鏡腳。每副售至八元十元不等。甚有售至十餘元者。其獲利之優。已可概見。近年業此者日衆。故鐘表業之兼售眼鏡者。不惜以大廉價照本出售。相號召。且直標明價目。每副兩元。每副三元。核其成本。實不過如是也。惟費德雷處價值之昂。不減曩昔。每副幾近二十元。費特有高德牌號。吾國人之富有者。又奢侈性成。以價昂者物必佳。價廉者物必劣。故舍去各公司而就高德。若此者正不乏其人也。

托力克獲利之優。既如上述。然自外洋輸送來華。每箱碎片累累。即磨片時。破碎傷裂。致遭廢棄者。亦無日無之。故蝕耗亦至鉅。蓋物質不良故也。又各公司之開銷。亦甚浩繁。每月廣告費。幾與藥房相彷彿。鋪面裝飾。亦極華麗。餘可想見也。

精益一家。每年營業。約可得七八萬。蓋平均每日約二百元。此外各公司。自一萬二萬三萬不等。

高德自來上海後。獲利不可以數計。設無精益諸公司以分其利。則高德至今。真巨富矣。雖然。今日上海一隅。已無人而不有托力克眼鏡。營是業者。已漸成強弩之勢。竊恐過此以往。不能如前此之盛也。

精華經理張士德。鑒于眼鏡業之日益退步。逆料將來必無良好結果。又以鏡片來自外洋。究係漏卮。乃提議至美國研究光學。並考察造片之法。預備將來在中國設一工廠。製造鏡片。其識見遠大。誠高人一等。各股東中均踴躍其議。一致贊成。並公推股東嚴懷侯赴美。嚴精通英文。已於前月首途。大約明年夏間。

可以回國。此事于眼業前途所關至鉅。吾人拭目以觀其後可也。

尙有一事爲最不可解者。托力克爲舶來品。幾于無人不知。而曠觀各眼鏡公司門首。必懸有農商部註冊證書。巴拿馬賽會給獎證書。裝以鏡架。號召顧客。抑亦奇已。

求新廠

機器製造之發達與否。觀國者於是而判強弱焉。吾國藏富冠世界。乃民辦之機器廠絕不多見。以歐化最早之百粵。鑛產滿地之三湘。除十數極小資本之冷鐵店外。竟不見有高高之煙突。矗于空際。聊作文化之點綴。有之則自漢陽之揚子機器廠及上海之求新廠而已。然揚子廠略帶官辦之意味。不若求新廠之完全民辦。且完全爲私人產業也。故求新廠不但爲上海惟一之廠。抑亦獨步於中國。其可寶也。若是考該廠實名求新機器造船廠。成立已十四年矣。廠址在上海南市南碼頭。佔地甚廣。廠主爲朱開甲。字子堯。爲天主教中主幹人物。蓋私慾既無。故能專心於實業。創始之時。不過五十萬。今已推加至倍餘。資本既厚。機力極偉。吾人外觀其廠房之高大。煙突之崇峻。已不勝駭異。及入內參觀。考察之餘。歎爲觀止。回顧所謂國有兵工廠者。如無物矣。

廠之初建。不甚聞名於當世。近數年來。極爲全國所注意。民國三年前。大總統手書五材咸飭四字以獎之。廠濱黃浦江。內容凡分造船場。船塢。木工造船處。冷作廠。翻沙廠。火油引擎製造廠。車鉗工廠。木樣間。

打鐵廠。鉛鐵處。銅工廠。等十數部分。復設有藝徒學堂。以造就工人之高等知識。而繪圖房亦附焉。廠中所備母機。應有盡有。故無物不能仿造。實有驚人之成績。不知其內容者。以爲不過一冷鐵店之變相。多至如各項兵工廠中機器廠。略能修理機件。造小小之零物而已。孰知其大不然。茲略述其一。二於左。以介紹於留心大局諸公。使知此廠能力之偉大。關係之重要。萬萬不可坐視其受意外之損失。而讓莫大利權於外國人也。（按此事近日各報已喧傳。再詳論於後）略將歷年所造各機分列於下。

船部。淺水快輪。淺水兵輪。深水快輪。拖駁。快輪。躉船。燈船。鋼板駁船。方船。汽油輪船。挖泥船。

車部。公事車。頭等客車。頭二等混合客車。二等客車。三等客車。行李車。鐵蓬貨車。平面貨車。撒車。電車。拖車。貨車。拉圾車。石子車。糞車。掃馬路車。捉狗車。洒水車。煤屑車。救火梯車。水汽滾路車。水汽雙龍救火車。火油引擎拖犁車。

鍋爐部。廠用臥式鍋爐。船用臥式鍋爐。廠用立式鍋爐。火車頭鍋爐。三角多管鍋爐。四方多管鍋爐。

引擎部。臥式水汽引擎。二汽缸。立式引擎。三汽缸。立式引擎。煤汽引擎。船用立式火油引擎。臥式火油引擎。

抽水機器部。離心力抽水機器。運水機器。

紗廠機器部。搖紗車。漿紗缸。手搖打小包機。水汽打大包機。彈花衣機。

榨油機器部。榨床。軋床。蒸桶。油池。剝花壳機。剝花衣機。打油滂浦。吸鐵篩子。風箱。棉子。砂土篩子。機。棉子皮肉篩子。機。包餅機。升運機。清油缺水櫃。進水滂浦。磨刀機。

造幣機器部。銅元印花機。銀元印花機。銅元春餅機。銅元光邊機。

製鹽機器部。燒鹽鍋。篩鹽機。軋鹽機。

肥皂機器部。油池。皂缸。蜜糖缸。壓力鍋。打印機。

機母機器部。鑽床。汽刨。錘床。剪衝床。軋床。車床。羅絲車床。腳踏車床。鋸齒機。

工程機器部。水汽起重機。手搖起重機。生鐵滾路機。灣道機。軌道分路機。打樁機。

各種機器部。製丸藥機。手搖洋燭蕊子機。手搖九股雙龍打線機。手搖捲香煙機。壓力機。腳踏織布機。

染紗缸。軋衣機。軋石膏機。軋浮麥機。餅乾機。織襪機。洗衣鍋。鐵床。銅象。銅鐘。鐵橋。鐵房。以及他之種種。

以上皆求新廠之能力也。余豈好載此無趣味之名詞以厭閱者哉。考其造船之能力尤為偉大。近方為皖鹽公司造長二十五丈之大船二。其成績如是。乃竟以破產聞。此非朱氏一人之失敗也。上洋近來最傷心之事。當推中華書局及求新廠之失敗。而求新之失敗。尤關國本。上海之商人。苟猶有毅力良心者。當助朱氏。不使此吉光片羽。奪於外人。更不可棄之于惡政府之手。輾轉仍歸異族。則余此篇之揭發為不虛也。

保火險之發源

滬上之保火險。始於巴拉公司。附設在太古公司內。巴拉初無實在資本。不能取信於社會。故依附太古招牌。始略有信用。時方清同治之季。海上通商未久。商人之保火險者。寥寥數家。而遇火受賠者。百不及一。直至四五年後。巴拉公司積資稍厚。乃以計擴張其營業。如某處被火。各舖戶初未保有火險。巴拉則私托人運動。稍與以利益。屬爲登報頌揚。言巴拉公司賠銀若干兩。若何迅速。由是營業逐漸發達。而彼時火險公司。又僅巴拉一家。故每千兩年收費二成。較今之一釐三收費。又不知獲益幾許。且巴拉心計尤工。所獲餘利。悉以收買地皮。不數年間。地價驟增十倍。至今新沙遜老沙遜洋行地皮房屋之多。爲滬上諸商冠。皆巴拉產也。赤手成家。巴拉亦商界之傑才也。

仁濟和

招商局初辦時。各船所裝之貨。均由各客向外國公司保險。該局鑒利權之外奪。爰另招股份。設立仁和濟和保險公司。仁和專保火險。濟和專保水險。仁和遭棋盤街同芳茶樓背後之大火。賠款有三十餘萬之多。於是仁和濟和合而爲一名。曰仁濟和。專保水險。不保火險。賴紅提單及漕米之力。歷年以來。公積已達十餘萬。去年以安平普濟失事。公積蕩然無存。今年三月初一日發息。僅有官利而無餘利矣。

香煙小史

香煙行於滬上。垂二十餘年矣。初時吸者甚鮮。價亦甚廉。每支祇一二文。車夫苦力多吸之。故有馬路煙之號。迨後老晉隆洋行之品海牌。球牌。腳踏車牌。各煙用種種廣告推廣法。炫人耳目。於是吸者漸衆。然至貴。每盒不過三十文。其後品海衰而強盜牌興。日本人三井洋行之孔雀雲龍鳳牌繼之。不數年即滯銷。至光緒三十年抵制美貨事起。老晉隆以美貨故。大受打擊。於是改名稱爲英美煙公司。未幾國人五分鐘之熱度漸冷。吸者又日衆。香煙之牌子亦日多。如英美煙公司之大英三砲臺。崛起於一時。吸者亦惟新牌而價貴者爲上品。其次品如鼓牌。雞牌。稱人牌等。上流社會類皆恥吸之。稍次者如僧帽牌。鋸子牌。皆廿支錫包。彼時妓院中多盛行吸此種錫包香煙。其後綠錫包（卽三砲臺）勢力日盛。至近日而使館牌。前門牌。尤駕而上之矣。英美以外之公司。有協和貿易惠斯民振勝生生中華。煙牌有三五三三八九。土而其惠斯民總統白鴿各牌。指不勝屈。而南洋兄弟煙草公司。爲吾華人自辦之最大者。出品既美。銷行尤廣。推廣之速。不亞英美。其他如日本人喜吸本國之鳳梨白鶴牌煙。則爲愛國心所使然也。香煙一消耗品耳。乃銷行日廣。種種日多。現今市上所有。不下百數十種。何二十年來變遷若是其極耶。

東洋雜貨

東洋雜貨之來滬行銷者。已數十年矣。業此者亦有數十家。茲將其狀況略誌於下。

東洋雜貨行銷之初。不過磁器及小兒玩具。統計每年銷數。不過十萬左右。迨後逐漸推廣。至五六十萬。

迨洋傘通銷之後。營業更爲發達。歐戰之前。滬上一隅。統計各貨。已達一百三四十萬。歐戰起後。西洋來貨告乏。日貨乘間崛起。據個中人云。已將及三百萬。此中確數。雖未必纖悉畢合。然日貨與歐戰之關係。已可概見也。

非特東洋雜貨行銷我華。有蒸蒸日上之勢。卽近年以日本對於商工業上之研究。不遺餘力。西洋各國所有之物。皆能悉心仿造。故自歐戰之後。各國以貨物缺乏。亦仰給於日本。因是日貨之銷路更暢。在日之工廠。非常發達。工價亦因之增加幾一倍。有奇。工價既增。貨價亦較前更漲。

日本所來雜貨。名目繁多。不能盡載。而來貨最多及最暢銷者。以洋傘。毛冷。牙粉。皮夾。洋鏡等爲最著。其中尤以洋傘。毛冷二物爲大宗。洋傘約占十之五六。每年約有百餘萬。毛冷在近今兩三年內。最爲暢銷。前年又仿造洋針裝運來滬。以冀奪禮和洋針之利。（禮和洋行係德人其針最著名）究以物質不敵。限于長江一隅。所來洋針。其牌子爲飛馬。手槍狗等。本年鐵錨牌毛巾最缺乏。每打漲至兩元。

東洋雜貨在上海之銷路。爲長江及江浙二省內地。如蘇杭嘉湖一帶。以交通便利。藉小輪火車之力。均能運輸。故以另件爲多。至於北地銷路。則彼處亦有輪船直達日本。均直接在大阪定貨。不假道於上海。自歐洲開戰之後。業西洋雜貨店。以來貨缺乏。價格飛漲。前年竟家家獲利。而業東洋雜貨者。以日本離華甚近。定貨不過三四星期。卽能運到。因其來貨源源不絕。故在上海東洋雜貨一業。並無大伸縮可言。

然亦各視其營業之手段如何。其餘利可獲。自七八釐至一分不等。至去年金價日跌。日本大宗貨物。幣制上大占便宜。而本埠囤戶。亦無不利市三倍云。

西洋雜貨

西洋雜貨之行銷來華。歷有年所。其貨物及營業狀況。至為繁曠。茲擇其要略。紀錄於下。

來貨之情形。西洋雜貨。其來貨昔以德國為最多。法國僅化妝品一部分。英國全係紗織品。美國較各國為少。歐戰開後。德貨完全缺乏。來貨僅仰給於英美二國。以戰事關係之故。廠工缺少。不能如期趕製。上海定貨之家。到期竟無貨可取。法國化妝品亦不多。以貨少故。均託郵局寄遞。據現今上海各國所到之貨。美國已占十成之六。居最多數也。

銷路之情形。上海西洋雜貨。以銷往天津煙台牛莊為第一。長江各埠及川幫次之。內地又次之。上海業西洋雜貨者。約有四十家。每家以十五萬二十萬。平均計算。一年約可得六七百萬。大約北幫占十成之四。長江與四川之銷路相仿。內地以交通便利。藉小輪鐵道之力。以零件居多。然其數殊寥寥也。

近年之情形。西洋雜貨一業。於民國四年為最盛。其時因歐戰發生。一旦來源告匱。而存貨為數有限。銷場則較前大增。求過於供。故各家暗自無增價。及年終均大獲利。自二三分至四五分不等。若近一二年來。存貨愈少。而新定之貨。值又極昂。甚至無貨可定。即如某兩公司。其聲勢赫赫。而實則東拉西湊。有

向內地轉販得來者。以備門市顧客之需。故其進貨虧損不小。必俟和平議會告終。能向外洋直接定貨。始可稱雄海上。今尙非其時也。

西洋雜貨與東洋雜貨之關係。西洋雜貨。向恃德法英美爲大宗。歐戰既開以後。來貨既少。日貨乘機崛起。凡西洋貨所有之物。日本無不仿製。日人工商業手腕之敏捷。可羨亦復可畏。且日貨之價。較西洋貨爲廉。故人人樂於購用。日貨之銷路日繁。業西洋雜貨者。頗受其影響焉。

各號家營業之概略。上海業西洋雜貨之號家。其營業最大獲利最厚者。爲巨誠。次爲錦章源。巨誠。視每年約有四五十萬。錦章源亦有三四十萬金。其餘如餘泰。鉅康。同豐。源信。源義。隆隆。興昌等。皆稍稍知名。然其營業。不過一二十萬之數云。

西洋雜貨之種類。西洋雜貨。花色甚多。不及備載。其最著名而銷路最廣者。爲禮和之洋針。毛冷等。禮和洋針最高時。售至一千二百兩（小雜貨店零售每枚需價三四十文之鉅）其餘如紗巾。條頭肥皂。紗團。羽毛帶等。均爲大宗。

將來之情形。近一年來。歐戰議和之說喧傳人口。然卒未見諸事實。而西洋雜貨業。則已受其影響。凡客幫辦貨者。以歐洲有議和之說。不久可恢復原狀。價格或可減輕。或以議和之說。不成事實。有故意觀望存貨多者。有資本短促。不免心慌削價求脫者。故年來市面。往往漫無標準。今者德皇退位。歐戰已停。

此後雜貨業。當另有一番景象也。

橡皮股票之痛史

吾國人向有一種信仰外人之習慣性。任何事業。在國人言之。曾不足當一哂者。苟經他國人言之。即可靡然從風。毋亦愛國思想反比例歟。例如洪憲稱帝。必乞助於古德諾之一論。然後籌安會。勸進表。方敢如雲而起。當時梁任公駁議。有惜乎吾睛不藍。吾髯不赤。故十年前所著論說。宜不見重於世。云云。橡皮股票事。亦其例也。此公司就滬上而論。發起於光緒戊申之秋。以完全爲外人組織。吾國人遂不暇察其底蘊。其券面自三兩迄十五兩爲五級。植樹之所。爲澳洲某屬。該公司承辦此事。經皇家註冊律師證明。國立銀行代收股款。措詞殊覺動聽。且於事前數月。預撰中西文（今後之橡皮世界）長篇數萬言。洋洋灑灑。極言未來三十年中橡皮之需要日廣。業此者操券而獲巨利。可計日而待等語。實卽個中人先期鼓吹之計畫也。此文既發表於滬上各報後。一般投機家。腦海已有印像。於是該公司始出而應世。如駕輕車就熟路矣。其尤引人信仰者。卽滙豐麥加利等銀行。均願收賣抵押。照市核算。以故華人爭相競購。馴至親友晤敘。茶肆接談。以此探詢。視爲流行之套語。幾與今之托力克功用相仿。非此不足以誇耀儕輩也。券值三兩者。以次增至十七兩有奇。一若朝投資而夕卽致富然。對於本質之栽樹收獲製造運銷之若何手續。同業之公司及資本股額之若何規定。均付之茫昧。惟知如大氣泡之併力鼓吹。萬目睜睜。

以視其繼長增高而已。其結果計滬市之損失不下二千餘萬。而陳逸卿戴家寶等三錢莊牽連破產。不足且益之。以滬道蔡乃煌保借之洋債三百五十萬。幾釀交涉。蔡復因此而落職遠遁。一言以蔽之。則吾國人盲從濫附。實商事知識幼稚之故也。

瓜子銷場

海上北市。本墘間地。自通商以來。頓易山邱爲華屋。每日柴米。不計其數。即以瓜子而論。每日銷耗在四十石上。以茶樓酒肆菜館妓館爲最多。正月可銷至六七十石。按滬上自禁鴉片後。消遣之物。以瓜子最爲普通。其數殊可驚也。

商店之窗飾

窗飾者。亦商店營業上之一種廣告術也。泰西商店。視此甚爲重要。凡一店必有專司窗飾者。研究所出之品物。以種種美觀之形式。肆列窗間。務動人悠然生其觀物思購之心。滬上西商。若惠羅。彙司。福利。諸公司。皆有名之窗飾。其餘如西服店之蠟人。花草店之盆景。無一不足以觸人眼簾。此種窗飾術。我國巨商。惟先施公司。與商務書館尙佳。茲先述先施之窗飾如次。

一西式房間。此爲木器部所設。右張銅床。左置粧臺。中間傍案。坐一少婦。係蠟製者。衣裳楚楚。姿首可人。方在觀書。容態畢肖。其餘衣厨痰罐之類。無微不備。洵妙飾也。

一紗隔室。此爲綢緞部所設。由多種綢緞構成。紗格子四扇。外臥一鹿。依於窗下。鹿爲絲搶緞堆成。棕色而有點。望之儼然鹿也。

一洋酒肆。各國名酒羅列整齊。中設一櫃。傍立少年按瓶酒。背後巨鏡有三。映出諸影。遠望幾誤有一巨酒店。設心誠巧焉。

一雜類。會客室。西洋畫。自由車。電扇等窗飾。則與平常無異。不甚可觀也。

藥品之濫觴

昔有外人初至上海。見報紙上藥房廣告之多。遂予吾國以病夫國之微號。溯其濫觴。蓋在光緒戊戌前一年。時有孫鏡湖者。曾任徵秩。於官場稍有所接觸。乃異想天開。設京都同德堂藥肆於滬上。其唯一之出品爲燕窩糖精。利用廣告政策。大登特登。稱糖精之如何用。燕窩提製。滋養力之如何有效。並假官場有名人物之稱頌。申謝不數月。利市三倍。且定價極昂。每盒四元。購者亦深信其爲燕窩精。而稱值焉。實則糖精而附以雜品。藉燕窩之名以欺人耳。不數年。擁資鉅萬。作富家翁。滿載而歸。不復營斯業焉。其後買人鑒於獲利之厚而易。踵起者日衆。雖不能盡目之爲滑頭藥品。要爲投機事業則一也。如戒烟梅花參片。亞支奶。補腦補血等。馴至今日。車載斗量。不可勝數。舶來藥品。年見增多。昔之燕窩糖精。不過其發軔耳。

上海女子之營業店

上海女子之營業店有二。一曰女子植權公司。在福州路中市。清蓮閣樓下。一曰畢肖樓。在九畝地新舞臺之對門。植權公司創於民國元年。初開時專售國貨。後因營業不佳。遂加售洋貨。該店自經理至櫃夥。均係女子。女子多松江人。能筆能算。暇時則操手工。畢肖樓創於民國三年。其拍照人與司賬者。亦皆女子。營業尙稱不惡。惟拍照主顧多青年子弟。而該樓女子。不聞失德。是真可爲女界之先導也。

再誌上海女子之營業店

上流女子之營業店。日前予旣誌之。謂祇植權公司畢肖樓二家。昨日記者因事至南市。見久大馬頭之裏馬路。有女子美術公司。專售刺繡等物。其任事者亦均係女子。是與植權畢肖鼎足而三矣。特再誌之。以補前誌之不逮。

拍賣

拍賣者。先於何日何處。拍賣何種物件。登報或懸牌示衆。屆期一人搖鈴號召買客。而拍賣者即高立櫃上。手持物件。令看客出價。彼此增加爭買。直至無人再加。拍賣者以小木槌拍桌一下爲定。故曰拍賣。現在拍賣之所。有魯意師摩洋行元芳及怡和洋行等數家。凡委託洋行代爲拍賣貨物。貨價中每元取五厘爲酬。每於貨物拍賣三次爲限。三次尙無人要。以後不再拍賣。而酬金仍須照付。

凡委托洋行拍賣之人。大都外國人之急於回國者爲多。故多不計值之多寡。購者苟目光銳利。常可得便宜之物件。

押店利率之奇昂

滬上小押店一業。綜計三租界中。不下數百家。向止爲閩粵二幫。近則滋生愈多。他幫亦紛紛開設矣。其利率以十日爲一期。取息三分。月分三期。則九分矣。正息之外。復有另放費。每票扣取一二分不等。另放云者。向惟對於玻璃類之物品。易於毀損者。則然。謂須特別藏貯也。今則除布帛外。無論何物。均須納此費。其期限有六個月者。有八個月者。貧困之人。以質時得資較典肆稍優。恒趣押而避典。不知通盤計算。其利率乃高於典肆十倍。飲鳩救渴。亦可憐矣。更有一種心計較工之押店。爲招徠計。於招牌上聯寫押當二字。押字書作非隸。非篆之體。十八期爲滿之期字。塗去左傍。其字僅剩月字。目力稍遜者。或誤認爲典肆矣。從前遇有竊盜案。公堂查吊。本利例不追償。嗣經該業集議。要求預由捕房印發失單。通知各押店。俾便辨認。失單之外。卽不負責。捕房特設包探一名（俗稱典當包打聽）以管理之。惟華界方面。前清時曾奉左宗棠嚴諭勒閉。嗣經官廳定限以三十五家爲額。不准添設。至今猶遵守此制云。

冒名之商店

上海爲商業繁盛之區。每一營業稍有發達者。卽相繼效尤。輒取同名以混人目。其影射伎倆。視爲慣技。

如稻香村也。陸稿薦也。文魁齋也。觸目皆是。甚致比鄰開設。市招廣告。亦如一式。初臨申地者。幾無所適從。最可笑者。宏茂昌之襪店。因假冒訴訟。延滯數十年。訟費達數千金。亦不顧惜。去歲自遭回祿後。東首一家。始於昌字旁。加一金字。訟事始各告終。商店假冒外。若星相家王喬松。亦有一冒名者。惟喬松二字。側添一山字。區區一卜相。尙有射利之徒。無怪商業上之權利多者。有此惡習也。

法租界之獨業

本埠爲萬商角逐之地。無論何業。必有若干性質相同者。亦步亦趨。追隨競勝於其間。所謂有比賽斯有進化也。乃法租界區域內之棺木肆。祇入仙橋畔福緣長一處。竟無同業與之爭利。亦可異矣。記者初意以如此繁盛之市。人口之密。其死亡率之比例。何不相類。乃博訪其故。始知法捕房訂有特例。製棺者每具須納稅銀一兩。間月查驗。漏則有罰。業此者不勝其担負。故視同雞肋。卽該肆陳列待售之器。恆通年不變其狀態。喪家赴購時。卽導至華界棧房。別付以棺木。而本店之貨。不啻樣本云。

度量衡之概略

清初度量衡制。度有劃一之規定。載在大清會典中。令各省一律遵行。自同治後。漸失統一之力。於是東西南北。形式各殊。官民商賈。使用又異。上海爲通商之地。不可不有一定之標準。請畧述其梗概如左。

(一) 尺度。就縣志中所揭載之古尺。參考今尺。比較日本之尺度。列表如下。

古尺(律尺)一尺

合日本八寸五分五厘

今尺(營造尺)

合日本一尺五分五厘五毛

一弓(五尺)

合日本五尺二寸七分八厘里程

一步(五尺)

合日本五尺二寸七分八厘

一里(千八百尺即三百六十步)

合日本五町十六間四另八

一舖(十里)

合日本一里十六町四十六間四八地穆

一平方尺

合日本一二四二九一三六平方尺

一步(一弓平方)

合日本二七八五二二八平方尺

一畝(廣一步縱二百四十步)

合日本六畝五坪七八一五二

一頃(百畝)

合日本六町一段一坪五二

右所列舉者。爲上海近數十年來所通行之尺度。今更揭載其數種。與英尺日尺比較之如下。

上海一尺 裁縫尺

合英尺 自十四吋零五 至十三吋八五

合日尺 自一尺一寸七分七六 至一尺一寸六分零八

量地尺 十三吋一八一 一尺一寸零四八

工匠尺 十一吋二四 九寸三三七

稅關尺 十四吋一分 一尺一寸九分強

算盤尺 十三吋八分 一尺一寸五分五

疋頭尺 十四吋一尺一寸七分

小販尺 十三吋一強 一尺零九分

綢緞尺 十三吋六四 一尺一寸四分強

賣布尺 十三吋二五 一尺一寸四分

(一) 斗量就縣志中所掲載之上海量制。與日本比較之如下。

一 勺 合日本〇勺五七三

一 合 合日本五勺七三一

一 升 合日本五合七勺三一

一 斗 合日本五升七合三勺一

一 斛 合日本二斗八升六合五勺

一石(二斛) 合日本五斗七升三合一勺

又就上海斗量與各地比較。試以實物證之。如北部東三省之穀量一升。其容積比諸上海。不啻三倍。即持此與日本相較。其比率約溢多二合。又四川省之一升。恆以四斤爲度。則一石達於四百斤矣。取而與上海相比較。不啻加多四倍有奇。

(二)權衡。其制分三種。有盤而無鈎者曰平。有鈎而無盤者曰秤。定其中幹而兩端懸盤者曰天秤。至其所以分別重量之名詞。又厘爲九等。曰黍。曰累。曰銖。皆以十進位。又二十四銖名兩。十六兩名斤。二斤名引。三十斤名鈞。百斤名擔。百二十斤名石。此名詞祇施之於百物。若夫衡銀之稱。謂則又另有識別。曰厘。曰分。曰錢。曰兩。亦以十進位。惟商場營業。參差不等。凡十同行者。其用器亦不同。因而南北兩市。恆有十數種之衡器。茲按華英通商章程所載。例如上海一擔。與英百三十二磅三之一相當。今海關沿用之。若以較諸日本之量衡。則如下。

海關平一擔(百斤) 合日本十六貫

同 一斤 合日本六十兩

同 一兩 合日本十六兩

民間所用諸式秤。大率以庫平之制作標準。市上所稱九九秤。九八秤。九七秤。九六秤。九五秤等。皆謂較

之庫平而得此數也。例如九九秤之百兩。爲庫平之九十八兩。餘可類推。而民間又往往稱秤庫爲漕秤。其可不同。按漕平之一斤。合日本百五十八匁。

又考擔之稱謂。本爲百斤。然上海米每一擔作百磅。比諸廈門之作百四十斤。福州之作百八十斤。爲一擔者。又大不相同。因是之故。外人之貿易上海者。不得不專用一種秤以爲則。俗所稱洋秤是也。洋秤者行秤也。每百兩與海關秤百零五兩。及漕平百零一兩五相當。以上皆就其大略言之耳。

著名店鋪

滬上著名店鋪。如陳天一老萬泰之帽。陸翔熊之鞋。李鼎和之筆。曹素功之墨。汪裕泰胡肇泰之茶葉。王恆豫言茂源章東明之酒。四時春之點心。邵萬生之南貨。稻香村之茶食。雷允上之痧藥。皆有名於時。餘如商務印書館暨泰豐罐頭食物公司等。則人所熟知者也。

竹籬之告廣

廣告一項。爲發達營業之先鋒。凡稍具商學知識者。莫不知之。西人尤注意於此。鋪張不遺餘力。滬地有專營此業者。每遇翻造房屋時。例須預圍竹籬。業此者卽向造屋之工頭。承包此項籬竹。上黏貼廣告之權。他人不得侵越。一面復招攬各商號張貼之。一轉移間。獲利甚豐。雙方交受其益。而工頭所得之租金。以之抵銷籬工。有過之無不及。惟仍視地點之肥瘠爲衡。最優者且超過籬價數倍。此滬上獨有之事。他

處殊不多觀。營此業者以亨維東方兩公司爲最著云。

上海之度量衡

度類。(一)官尺(卽海尺)爲上海成衣布疋等項通用之尺。約九寸一分。合部定營造尺一尺。(二)木匠尺(又名魯班尺)合官尺一尺二寸。(三)木行尺。約合官尺九寸六分。(四)石匠尺。合官尺七寸六分。(五)綢莊尺。合官尺九寸七分。(六)步弓。以魯班尺六尺爲一步。專量田畝之用。(七)英尺。洋貨市通用。以八分爲寸。十二寸爲尺。每英尺一尺三分半。合營造尺一尺。

量類。(一)海斛。上海米業通用。約八斗八升。合部定漕斛一石。(二)廟斛。爲邑廟內荳業公所較準之斛。(荳業通用)每廟斛九斗強。合漕斛一石。

權衡類。(一)漕平。每漕平一百一兩八錢。合庫平銀一百兩。(二)湘平。餉銀用。每湘平一百三兩。合庫平銀一百兩。(三)荳規平(又名八銀)係上海通用之平。每一百九兩六錢。合庫平銀一百兩。(四)關平。每關平九十八兩強。合庫平銀一百兩。

(一)天平秤(豆油用)合漕平十六兩。(二)會館秤(上海通用)每斤合漕平十四兩四錢。(三)司碼秤(洋貨棧棉花業通用)每斤合漕平十六兩八錢。(四)萊陽秤(豆餅業用)以漕平十六兩三錢爲一斤。(五)部秤(牛籽蘇油用)以漕平十五兩六錢爲一斤。

製鹽改革之源流

瀕海之地。素饒熬波之利。其法以海潮沃汚曝日中。日將夕。刮鹹聚而苦之。明日又沃而曝之。如是五六日。乃淋鹹取鹵。然後試以蓮子。再用竹筒一枚。長二寸。取老硬石蓮五枚。納鹵洞中。一二蓮浮。或俱不浮。則鹵薄不堪用。謂之退鹵。蓮子取其浮而直。若三蓮浮。則鹵將成。四五蓮浮。則鹵成可用。謂之足鹵。每鹵一担。或鹽二十斤。而煎鹽又必加石灰爲酵。其味略苦。俗稱灰子鹽。煎鹽之器。有鍋有盤。皆鐵鑄。盤或以蔑編。然不如鐵之堅。每竈鍋四口。盤一面。皆有定制。自洪楊變後。鍋竈無存。有以飯鍋煎熬者。然不久卽復。後以岱鹽來源過旺。銷鹽不暢。溢而爲私。此私鹽所以盛。官鹽所以疲。貧民惟事肩挑易米糊口。而肩挑易米糊口。與船載私販不同。鹽捕每覘其孤單。指爲私販而截留焉。且近沙場一帶。土脈漸淡。不能煎熬。故其利亦非猶曩日矣。煮鹽以薪爲本。設遇久雨。薪價騰貴。鹵不能鬻。竈丁千百爲羣。聚而求乞。名曰坐販。往往聚衆滋事。近海居民。深以爲苦。自清同治初。始行曬鹽。其時鍋竈燬於軍事。於是仿岱山餘姚之法。以盤曬鹽。盤長九尺。闊三尺二寸。邊高二寸五分。成鹵於鹵板中。烈日曝之。每盤可得鹽五六斤。一二斤。日可曬一二次不等。即遇天雨。僅止不曬。非若曩時更有薪貴之苦也。其費既省。而鹽之味反愈於煎者。故價亦較廉。由是竈丁稍能自贍。坐販之風頓息。惟曬鹽有違禁例。屢經申禁。而利之所在。勢難改革。迄於今日。仍行曬鹽之制。當熬波時。竈戶載爲歌謠曰。鼠眼獐頭充竈戶。有鹽日向海濱煮。今年淫雨

何淋漓。十竈九傾。淚如雨。熬波昔日千艘多。豪吏抽捐喚奈何。付與場司輸正課。五錢一担交曲阿。奸民販鹽法網觸。良民煮鹽用不足。竈丁呼天訴積愁。遇雨如入泥犁獄。挈兒稱貸行前村。富家閉籬天爲昏。懦者死矣悍者掠。囚首纍纍懸城門。及改曬鹽後。又爲鹽板歌謠曰。鹽板復鹽板。其事起岱山。岱山四十里。四面大海環。地瘠石磽确。曬鹽層峯間。吾鄉爭效之。其法久自嫻。薪糧既無須。竈傾亦何患。奈何鹽場官。反爲居民姦。我曾告鹽吏。良法宜急頒。鹽吏不我應。愴然冒雨還。語雖俚俗。可見居民之喜曬鹽而不喜熬波也。

潮幫業土之由來

鴉片戰爭之役。始于道光己亥。終于壬寅。烽火相望者四載。其結果開五口通商之局。說者謂吾國開國際之新紀元。實鴉片爲之媒介。洵非虛語。考輸入之初。在廣東。早有所謂十三洋行。擅承銷轉運之利。而第一次隨洋商販土至滬者。厥惟潮州郭氏。郭嫻英語。人亦篤厚。抵滬後設棧領銷。華洋間極占勢力。業務大振。西人遂厚遇之。由此愛屋及鳥。業土者惟潮幫有特殊優先權。他籍人終遜一籌也。猶憶未施禁令之前。進口箱土。除完納正稅外。一經提岸。須另繳落地捐。以故必先停貯浦江水棧。待確定顧主。始按箱補納。而土之市價。尤須由大同行主政。大同行者。卽潮幫也。苟經該幫承諾。餘于馬首是瞻矣。今雖厲行查禁。然以七十年之潛勢力。根深蒂固。試就現勢比較。仍推該幫爲最。蓋由歷史上所取得而來也。

洋藥公司

中英禁烟條約。雖予限十年。而但書指定上海廣州爲最後肅清口岸。說者謂最後二字。引伸無疆。不難臨事操縱。豈其然乎。當袁世凱蓄異謀時。授意蔡乃煌開三省通銷之禁。攫二千一百萬金不義之財。以備御用。致使黑劫重演。毒霧再蔽。誠罔民之酷政也。於斯之際。洋商之業土者。在滬組織一種極大托辣斯。號洋藥公司。其主體爲信記洋行。該公司乘此時機。明知來源限於逐年遞減之約。遂由收買存土入手。自有此公司。凡滬上棧存與夫運到船貨。一一悉入網羅。實施其壟斷手段。因之向售每箱二千餘兩。竟增至萬餘兩矣。投機者復從而煽其餒。日進彌甚。土膏店苦之。於是私土充斥。僞料遍佈。該公司藉助禁名義。懲惡捕房。授以緝私之權。於是膏店所在。時有汽車停駐。凌晨排闥。深夜叩門。苟涉疑似。立予搜掠。頗滋騷擾。及去年三月三十一號。膏照吊銷。業此者漸入幽境。而洋藥公司之命運。亦於焉告終。聞與股者。均獲利益千萬。尤以廣置房產之某猶太人爲巨擘云。

江海關之今昔觀

江海南關。建自清之康熙間。初在小東門外。沿浦城內之海防廳。卽權使署舊址也。後歸滬道兼筦。其署始廢。關中主計者。例用浙人。有總庫舍人等職。所入甚肥。營斯缺者。非萬金莫辦。猶記光緒中葉者。有姚徐二姓。爭充涉訟。由撫而督而部。彼此層控不已。姚毀家以殉。而徐以積思成癡。雙目齊盲。其故可知矣。

咸豐庚申。關燬於火。乃移於大東門外救生局。卽今所稱大關者是也。北關設於道光庚寅。初時一切規制。悉受成於南關。司其事者。全係華人。然中西貨品之異。言語之隔。時起鉏鋸。癸丑紅巾之變。北關幾廢。駐香港之英使包倫。以按諸國際公法例。應納稅言於清當道。力請延西人充司稅則。於國課商務。兩有起色。當道據以入告。清廷許之。於是各口一律照辦。遂臻今日之盛矣。

海關概略

(一) 舊關

上海自明洪武間。始設市舶司于黃渡。定雙抽單抽之制。以權稅。未立關名。今華涇南三里許。土人輒呼關上。吳衝涇之吳店塘。有橋名關橋。其地近烏泥涇。意卽當日權貨之所。迄清康熙二十四年。特設海關。監督於縣治。專司海船稅鈔。以內務府司員監收。筆帖式副之。旋命蘇州巡撫管帶。雍正三年。巡撫張楷奏委蘇松太道監收。加兵備銜。移駐上海。名曰江海關。亦曰大關。在小東門外。東北面浦江。咸豐十年。關燬於長髮之役。移駐大東門外老白渡救生公司。統轄子口。計十八所。曰吳淞。離關六十里。在太倉寶山縣。曰劉河。離關一百五十里。在太倉鎮洋縣。曰七了。離關一百五十里。在太倉州。曰白茆。離關一百八十里。在蘇州昭文縣。曰徐六涇。離關二百四十里。在昭文縣。曰福山。離關三百里。在蘇州常熟縣。曰黃田。離關四百五十里。在常州江陰縣。曰瀾港。離關四百九十里。在常州靖江縣。有支口衙前天生龍潭三港。曰

任家港。離關四百里。在通州。有支口狼山大勝二港。曰呂四。離關六百里。在通州。曰黃家港。離關五百九十里。在通州泰興縣。有支口鄂家港一港。曰孟河。離關五百七十里。在常州武進縣。曰小海口。離關四百里。在海關。有支口官河頭一港。曰石莊。離關六百里。在通州如皋縣。曰施翹河。離關二百八十里。在太倉州崇明縣。曰溧缺。離關一百八十里。在華亭縣。曰新開河。曰當沙頭。離關各三百里。均在太倉崇明縣。統計江海關所管區域。自杭州灣沿海至舊黃河口。又自長江太倉州鎮洋縣至狼山水道。各子口皆在大關六百里內。由監督輪派書含分收彙解。稅額照定例每年解。正額銀二萬一千四百八十兩三錢三分。盈餘則儘收儘解。自監督視爲優缺。羣思染指。於是比較之例。清末時。竟有解銀六萬二千兩至七萬七千五百兩不等。而其取於民也。則多方勒索。一以中飽爲目的。至稅則本有一定之章程。凡安南商船貨稅。進口出口。俱以七折徵收。東洋商船貨稅。進口以六折徵收。出口不論貨物。概收銀一百廿兩。閩廣船貨稅。進口出口。自三月至八月以七折徵收。九月至五月以五折徵收。山東關東商船貨稅。並各子口貨稅。俱八折徵收。又安南關東山東商船貨稅。俱以加一優免。東洋閩廣商船雜稅。例免五分。優免五分。又凡銅鐵及銅鐵器皿禁止出洋。其衣食用雜物貨船料稅。俱由部頒則例。令監督詳刻木板。豎立關口。又定制民間日用器物。數不及則者。及零星貿易本僅十餘金者。沿海小船採捕魚蝦者。皆免稅。又凡海洋貿易商船。令報明監督。派員查明。確係殷實良民。將姓名住居及往何洋貿易。取具保結。並依式填

造船身絡號刊名填給執照。於出口時驗放。回日銷號。其從外洋進口者。亦必詳查註冊。或因風信不能回籍。請照即在經由該地方官具保給照。回日仍赴原衙門註銷之。至於船身樑頭丈尺。科征亦有定例。一丈以內。每尺征銀一錢五分。一丈以外。每尺征銀二錢二分五厘。每年分上下兩次征收。各商船應於季滿時。赴關繳銷舊牌。完納銀兩。換領新牌。行駛貿易。惟往東洋辦銅貿易洋船。應完樑頭銀兩。定例一丈以外至二丈。每尺征銀一兩。二丈以外。每尺征銀二兩。各船出洋一次。征收一次。彙入正稅項下報解。乃日久弊生。每當徵收之際。多不照章辦理。而上下其手。初無一定之規程。是以各物稅率若何。每年收稅若干。皆無由調查之。不若新關之有年終報告貿易冊也。

(一) 新關

清道光二十三年鴉片戰爭而後。開五口通商。上海居五口之一。於是有新關之設。關歸蘇松太道兼理。在北門外頭壩。南面浦。為巡道宮慕久建。專司洋商稅務。咸豐三年。巡道吳健彰以洋稅散漫難稽。於英法美三國中擇一人。責令在關幫同糾察。名曰司稅。八年。改司稅為正稅務司一人。副稅務司一人。同治元年。巡道吳煦設河泊所。派英國水師官司其事。專引各國商船在所定界內。指令停泊。自呂海瀛盛宣懷與英使馬凱氏改訂中英條約。內載免內地諸稅。增海關稅一件。而後上海港內一切商權。盡操英人之手。其所掌管之稅。種類凡五。曰輸出入稅。曰沿岸貿易稅。曰噸稅。曰子口半稅。即通過稅。曰鴉片匣金

稅。茲將各稅之概況略紀如下。

(一)輸出入稅。自南京締立條約以來。凡港內輸出輸入。無論何種貨物。徵稅皆值百抽五。其後天津條約及諸條約。雖稍有變更。分重稅品與無稅品。而稅率大概爲五分。至光緒二十八年。改訂條約。有值百抽六七之說。免除內地一切厘金稅。實際上仍與值百抽五無異也。

(二)通過稅又稱子口半稅。即舊關稅與釐金稅之抵代稅也。昔於舊關課之。今於新關課之。凡貨物之往來轉運。皆以逢關征稅。遇卡抽釐八字範圍。不論其復出口或轉口。一例照章徵稅。及貨物輸送至目的地。總撮其徵納之額。實不止值百抽五。英商多感不便。故英國特於天津條約改訂之際。更訂一附章。略言貨物之轉致境內者。祇須預納抵代稅。照輸出入稅則二分之一。則一切內地稅盡可豁免。自是以降。對於有稅品。則遵稅則納二分一。對於無稅品。則從原價納二分半。迨甲午一役後。日本亦援例訂中日通商條約焉。

(三)沿岸貿易稅。我國沿岸。商港林立。設有貨物欲由此輸彼。則除照納輸出稅外。尚須再納附則稅。此即所謂沿岸貿易稅也。其稅額與上所言之通過稅相當。至其徵收之方法。盡由新關經理。凡內地貨物之輸入上海境內。而轉內地之別港。則其所應課者。與一逕輸出外國之物。同其稅率。及運抵該貨歸宿受貨之地。該貨便視同入口。又當繳輸出稅之半額於新稅焉。此等稅實屬於額外增加之稅。而其名稱

則定爲沿岸貿易稅也。

(四)噸稅。依船舶之噸數而定。如在一百五十噸以上者。每噸課銀四錢。不及此數者。每噸課銀一錢。進口未開艙欲他往者。限二日出口。不征噸稅。逾限即須全數輸納。納稅後欲往通商別口。該船主稟明監督。發給執照。至別口時送驗。無庸納稅。以免重輸。仍以四個月爲限。如在四個月之外。另納噸稅一次。其舢板小船及僱浦江內船艇。每四個月納稅一次。

以上各稅。並無定額。歷係儘徵儘報。聽候部撥。所有收支各數。按年造具細冊。送部核銷。

海關

上海海關(俗稱洋關)創設於道光年間。與江海大關迥異。專司各輪船暨其他船隻之稅則。每年收入頗豐。辦事處設於黃浦灘。門戶甚多。初入者每多迷於歧路。其中科類各別。條理井然。惟大權多操自西人。華人悉仰其鼻息。不能有所建議也。

當我國未與德奧開釁以前。此兩國入亦甚多。今則德奧人之位置。皆代以英美諸國人矣。

海關辦事人員。除例假外。每晨九時即到。到後須簽名。晚間以四時爲率。然事多則需延長辦事時間。不能預定。辦事雖苦。薪俸則年有增加。(大率年增一兩之譜)服務年限久而勤。則可得養老金。辦事人有疾病。則關上代請名醫診治。而醫金歸海關支取。偶有死亡。可支撫恤金。優待如此。宜人多樂就也。

十年前海關每年招考辦事人員數次或一次。但能英文通達算術敏捷。即當其選。十年前風氣未開。應考者殊寥寥。故考取極易。現欲在海關辦事。皆須入北京稅務學校畢業後。量其才而派送各處海關上。不招考矣。

華商謀組交易所

我國企業心之淡漠。與夫募股之艱。論者恆歸咎於辦理公司之不善。實亦無證券流通之正當機關。有以爲梗也。此項機關。英國名曰（愛克司川治）。在日本名曰（取引所）。其宗旨爲流轉一國股票金。融上之樞紐。故資力雄厚。信用昭著。具有酌盈濟虛發展社會經濟之功能。非鉅商莫屬。滬上爲商市一大都會。近十年來。亦漸趨重於結合營業。乃此項組織。尙付缺點。間有個人紹介與客茶會之屬。畸輕畸重。唯力是視。殊不足以語此。民國五年冬。孫中山在滬。有鑒於斯。曾與虞洽卿謀設交易所。旅以政爭中止。部亦百計阻撓。越三年而有退股之事。竟讓日人擅自設立取引所。實可痛也。

衣牌

滬上錢洋碼之大小。上下以衣牌爲標準。考衣牌之由來。亦已久遠。按日由衣莊同業查照市情。核同錢行銀兩升縮情形而定。每日由衣莊公所發單通知。蓋在昔衣業營業。在滬上各業中。占有一部分之勢力。猶之豆規銀之創有豆業。是亦滬上金融界之一故事也。

書籍免稅之發起人

海關稅則。除列舉各品。訂有一定稅率外。其他概從值百抽五。益以漕浦捐（俗稱碼頭捐）千分之二五。共合爲五二五。換言之。卽每貨價價百兩。卽應納關平銀五兩二錢五分是也。書籍暨印刷品。向章每百斤估價銀六十兩。例徵稅捐三兩一錢五分。以每箱二百餘斤計之。約合九元餘。光緒戊戌之交。新學勃興。百科並舉。錫山廉君惠卿。方主上海文明書局事。編譯各級教科書。積極進行。復於京津各埠。設莊分銷。輸運不絕于道。常言書籍爲教育基礎。智識淵藪。宜別于普通商品之外。免予納稅。俾得流轉無阻。以副國家教育之盛。時袁世凱方握直督篆。且與廉君友善。聞之頗踴其說。遂令廉以書買名義。正式稟求。卽日爲之奏請。得旨報可。遂著爲定案。惟漕浦捐發生於奏案之後。未能援免。然二十餘年來。不特書買隱受其賜。卽莘莘學子。亦得減輕負擔矣。

一一 交涉

交涉四明公所

四明公所爲寧波人創立之會館。其團結力之堅固。有足稱者。當前清光緒年間。法人盡力擴充馬路。四明公所適當其咽喉。於是先拆其圍牆。方事工作。寧波人聞之大憤。公議卽日罷市。於是數十萬人立即如約。法人無如之何。公所及義塚。賴以保全。今四明公所屹峙路左。殊足令人迴想當日勇於公憤之情。

形也。

記法人擬遷四明公所案

清光緒二十三年冬。駐滬法總領事白藻泰。徇法界公董局之請。欲遷移西門外四明公所義塚。而就地建造學堂醫院及宰牲場等。備文照會關道蔡和甫（鈞）關道以公所爲寓滬甬人善舉。創立且百年。尙在法人開闢租界之先。且查同治十三年。法人曾擬遷此塚。致肇大禍。前法總領事葛絡幹君。頒發告示。已有令築圍牆畫清界限等語。事僅二十餘年。豈容顛翻舊案。備文却之。領事再申前議。謂此地貴國租與法國。卽應歸法國管理。且中外公例。地方有不便於民之事。官廳可以改革。四明公所義塚。逼近居民。人鬼雜處。易生疫癘。於民實屬不便。關道因飭公所董事。從即日起。領出舊柩回籍埋葬。不準再有新棺權厝。所董遵諭辦理。並在稽家橋畔。別購隙地。以寄新棺。一面仍囑前寄舊柩。陸續領葬。後法人以詳請駐京欽使爲言。關道則以具稟總署作答。延至次年五月二十八日黎明。突有法戰艦弁兵等八十餘人。各揮軍械。護以兩炮。至公所拆牆。甬人猝出不意。羣起大譁。所董飛稟到道。關道卽出城拜會白領事。以此案既達京師。務乞靜候示諭。不宜輕舉妄動。致貽後患。白領事許以姑從緩議。時寓滬甯班。可三十餘萬人。勢甚洶洶。而所董又創議罷市。徧發通告。寧人激於義憤。至二十九日。甯商一律停市。傭工者相繼罷工。覺端既啓。馬路遊民。復從而和之。或擲石以投洋人。或拋磚以毀捕房。或持械以擊燈桿。法捕均荷

槍梭巡。(時巡街捕無荷槍者)驅之不散。遽放槍轟擊。先後斃華人十五人。爲禍愈烈。且甯人相約停工罷市。不僅法界已也。英美租界。凡籍隸甯波者。亦一律停市。省中聞報。亟派藩司聶仲方(緝渠)蒞滬商辦。聶久權滬關。於六月朔日至滬。次日與甯人會商。先勸其開市。庶免波及局外洋商。(滬上商業。甯班實執牛耳。工人亦占多數。罷市四日。輪船上下貨物如山積)初三日市肆安堵如故。聶藩司與蔡關道迭次與白總領事會商。仍未得要領。時值溽暑。關道奔馳於炎風酷日之中。一面飭署中書吏通查舊案。忽檢得光緒四年。前法總領事李梅照會一件。內有議單一紙。又前關道褚心齋(蘭生)與李總領事會銜告示一紙。內有四明公所房屋塚地。水歸甯波董事經管字樣。較之葛領事告示。尤爲明確。當卽照送法署。於是法人氣奪。而此一大公案。遂和平了結。茲將李領事照會及褚關道李領事會銜告示錄後。

大法國欽命駐紮福州領事調署上海總領事事務李。爲照會事。照得四明公所義塚。前於同治十三年三月十八日。華洋互鬧一案。現在議辦完結。本總領事繕就議單一紙。移送貴道。請煩查收照繕送署。並將議償法璫意三國人民。被失房屋物件等項。關平銀三萬七千兩。移交本總領事。以便轉呈駐京大臣白查收分結完案。爲此照會貴道。希卽查收施行。須至照會者。計送漢法文議單各一紙。右照會大清欽命署理江南海關蘇松太兵備道褚。光緒四年七月十七日。

大清國署江南海關監督分巡蘇松太兵備道褚。大法國駐紮福州領事調署上海總領事事務李。爲立

據完案事。查上海前因四明公所義塚地內欲開馬路。於同治十三年三月十八日。華洋民人在法國租界互鬧。華人斃命七名。法界房屋被焚一案。兩國查辦。日久未結。本道現奉南洋通商大臣沈。蘇撫憲吳。飭知本總領事現奉駐京大臣白。飭知。經總理各國事務衙門與法國駐京大臣白面商。略云兩國律例。專論交情。彼此相讓完結。嗣後兩國。均不得援以爲例。所有法璫意三國民人被失房屋物件等。一并在內。由中國償還關平銀三萬七千兩。其斃命華人七名。由法國自願給恤銀七千兩。彼此交割完案。此後法國租界內四明公所房屋塚地。永歸甯波董事經營。免其遷移。凡塚地之內。永不得築路開溝造屋種植。致損葬棺。由本總領事轉飭公董局。令巡捕隨時照料。以全善舉而敦和好。爲此繕立議單一樣兩紙。彼此畫押蓋印。各執爲憑。詳明上憲立案。須至議單者。計附法文一紙。光緒四年七月十七日一千八百七十八年八月十五日。

記爭執推廣租界詳情

清光緒三十四年。外務部接駐京英使照會。謂本年六月間。駐滬各領事照會兩江總督。將租界北線。展至滬甯鐵路爲止。擬展之地。雖有華工部局（指開北巡警局）管理警察衛生各事。無不因陋就簡。二十五年推廣租界時。本擬將是處包括界內。前督恐車站包入。又因寶山境內租界事未議妥。故未允辦。今租界北至鐵路。幾成爲洋商園地。新界亦不包車站。而江督復稱二十五年推廣之舉。爲永不再展之意。

寶山非通商口岸。未便包入租界。警察衛生各事。將來必漸完全等因。本大臣以此事關係重大。未便就此抹倒。春間本大臣過滬時。更躬往查閱。極知華工部局腐敗各節。且此等事件。每每在外交涉。不足以證貴王大臣輯睦之誼等語。外務部接准此項照會。並未詳查檔案。卽照錄來文電詢江督。略謂此事案准貴督咨部。現在如何情形。前次展界案內。有無不得再展明文。希卽查復。以憑核復。英領云云。並謂該處警察衛生各事。應亟飾華局認真整頓。旋接江督覆電。略謂前據上海領事照請。將公共租界北面。推廣至鐵路軌道爲止。當以上海租界本極廣闊。廿五年劉大臣核准。由中國自行推廣公共租界二萬一千五百餘畝。較原定英美租界幾增兩倍。其所以格外從寬者。原欲一勞永逸。後此不必再展。不謂今甫數年。界內空地尙多。又復稱益。現新舊租界共三萬二千一百餘畝。無論日後洋商如何加增。斷無不敷之理。所請推廣之地。以租界與鐵路中間所夾之一段。劉大臣所堅持未允者。該處在寶山縣境。非約開口岸。洋商在彼租地。本係通融辦理。豈能據以爲例。遽請展拓。且寶山縣已在吳淞。自開商埠。儘可在彼借用等語。切實駁復在案。奉電前因。查前次展界。經劉大臣飭滬道李光久。作爲自行推廣。權操自我。與各領商定界址。並未另立新章及合同。其往來函牘中。雖未切實聲明。以後不得再展。惟其時爭論兩年。堅不允寶山地劃入租界。則不可再展之意。甚爲明顯。惟工部局久涎此地。上年擅填上寶交界之川虹浜。私拔界石。飭由滬道屢與交涉未了。八月中曾咨達鈞部。現在英使續請。蓋欲抵制前案。務求鈞

部力爲主持。除抄來信件照會。另函奉達。並飭將警察衛生認真整頓。外謹先電復。越數日。江督又續電外部。內稱飭據滬道蔡道電復。英使所藉口者。不外華局腐敗。遇事在外交涉。及洋商租地兩端。不知滬南北與租界毗連處甚多。南市及西門外警察。從未與法局巡捕齟齬。同一自辦之警察。何以闡北獨屢有衝突。此中交涉複雜原因。究由洋商。抑由華局。不難立判。況自汪道晉京後。職道督飭員司認真整理。凡事和平處置。迄今汪道回差。亦仍守和平主義。不事激烈。謂爲腐敗。毋乃太甚。卽以洋商租地論。其拓界內未用之地。固多荒僻。太晤士報嘗論其荒蕪不治。專肆意界外營求。斥爲無理。此可見公道在人。且新開橋南毗連租界。如梵王渡等處。歷以洋局早年在彼圍築馬路。華局未經設巡。可供洋商租用之地。尤廣。如謂華局衛生等事欠妥。何以西人不擇居於未設華局地方。而欲擇居於衛生欠妥之處。雖愚當不出此。況中國有保護洋商之責。闡北華商設巡。又爲地方應辦之事。無論租界處於何等地位。中國總不能不自設巡警。卽有事不能不與洋商交涉。亦豈能因藉口華局腐敗一語。一概抹倒。至寶山縣地。非約開口岸。從前洋商借作靶子場。卽今北四川路。一名靶子路。曾由黃升道與英總領事韓君哲君立約訂明。特別通融。此後不得爲例。本成鐵案。後雖經劉前憲准照租地雜居。亦議定由寶山縣給契。不給道契。以示區別。其謂當時不允包括界內。實與立約原案之意相符等語。當由外部據情酌覆英使。駁拒滬甯車站之不劃入租界。其詳情如此。

法捕房拆讓鐵欄案

吾國有言。只許州官放火。不許百姓點燈。蓋專制時代。在上者口含天憲。惟知以法律束人。對於自身。唯意所欲。一若超乎法律以外者。觀夫近日報載江寬被撞案。承審者投鼠忌器。枉法袒徇。益以見西人斷獄之公矣。因憶距今十餘年前。時法租界之公館馬路。不及現今寬廣。嗣見市面日繁。路政處提議展拓。乃師隣界成法。遇被災或翻造。請領照會時。飭令照章收讓若干尺。此章宣布後。迤西之市屋。三數年間。次第遵讓無異詞。惟捕房自身。沿路鐵欄。尚乃其舊。未幾捕房東首之屋。興工翻造。（即今謙益洋布號之處。舊爲福園茶肆）屋主爲某大律師。亦法國藉。路政處循例飭令退讓。屋主抗不受命。且上書公董局。大致謂讓私產以廣公路。固屬美政。所可怪者。捕房爲一方表率。乃徒斤斤責人。而於自身之鐵欄。初未移動分寸。如果敝產遵章退建。則該欄必凸出當道。不特無以服衆。且大礙觀瞻云云。經公董局諭以次事。須待年會決議後執行。無須貴地主越俎。仍請依法收讓。否則當勒令停工。屋主愈不服。促承造者循址架屋。毋稍餒工。頭介於兩大之間。左右爲難。嗣經雙方各備理由書。訴於西貢督署。（按該段視爲法國殖民地。（明明租借而視爲殖民地。地鳴乎上海之法租界））故不由駐京公使裁判。其結果判令捕房先將鐵欄收讓。該地主始無異詞。而所讓之尺寸。仍視鐵欄爲進退焉。此案自始迄終。達半載之久。承造者亦輟業以俟。泊判詞抵滬。人多服法蘭西官民之服從公理。不護己過云。

英義塚關路之交涉

當民國二年以前。北城九畝地。僅大境路一條通拱宸門。交通殊形不便。城拆後。北首仍有六十丈之英兵義塚阻隔。必須將該義塚東邊之地。讓出若干。方可將支路接通外達。由法界直達至新舞台。初與英領事磋商。未遽應允。嗣英工部局規劃租界馬路。欲使大通路與新闢路相接。因大通路路線上。有中國善堂義塚阻隔。要求遷讓。磋商數回。議定華界內北城基之英兵義塚。讓出東邊之地一分七厘四毫。歸我國築造公路（即今之露香園路）其公共租界內。大通路路線上之中國義塚。亦讓地一分七厘四毫。歸工部局。雙方各得其所。是年十一月議定。由縣知事會同交涉使。與英領事訂約交換。

討倭檄文之交涉

甲午中日之戰。湘撫吳大澂。自告奮勇。請命督師。吳本書生。以翰苑游任封疆。博學強識。文采斐然。所上平倭十策。中有七縱七擒十盪十決等句。極鋪張揚厲之致。德宗壯其志。奉旨治軍前敵。統率馬步各隊。以往軍容甚盛。迨師次牛莊。營門高掛投降免死牌。並榜示討倭檄文。歷敘天朝深仁厚澤。懷柔遠人。而於壬寅中英甲申中法兩次戰事賠款。諱言撫恤外夷恩威並用之至意。畧云玉帛干戈。醜類安知禮教。雷霆雨露。王者不外恩威。此文遂由申報登出。各西報亦譯其原文。英法領事見之大譁。謂賠費約章。具在。何得巧肆侮辱。遂致書詰問。幾釀開罪隣邦之釁。卒由滬道覆詞引咎而罷。然吳於臨敵之先。雖大放

厥辭。乃甫一交綏。全軍潰散。遺棄餉械無算。遁回湘任。旋奉旨開缺不究。僅斥其居心巧詐。言大而夸而已。亦幸事也。說者謂吳之爲此。殆欲效舞干羽以格有苗之故事耶。錄之以戒文人之輕言戰略而不謹於口者。

商口冒牌案

商品以鼓吹暢銷爲職志。苟有機可圖。有隙可乘。無不思利用之。以達一己之目的。此種策畫。無中外商人一也。近見報載日本仁丹。因滬上龍虎人丹。有同音之嫌。遂聳求中國官廳示禁。而憤騰之官吏。竟不求其實。貿然遂其所欲。以一紙摧殘之。不知該人丹固早經呈由內務部許可立案者。殊非僞冒可比。乃復天假之緣。湘當道以日本仁丹。冠有中華民國字樣。跡近僞冒國貨。移請滬關查辦。竟發覺類似國貨之仁丹。有四種之多。一筆鈎銷。葛籐悉斷。此舉不先不後。一若造物者巧爲安排。以矛盾盾。殊快人意。因憶二十年前。英公堂曾發生一外人控告華商冒牌案。原告爲祥茂洋行。被告肥皂廠主徐某也。徐無錫人。同光間其父供職製造局。有巧思。凡外洋新發明之機械。一經寓目。雖無樣本。構思片時。立能裝湊成器。以是會國藩深器之。錫以江南巧匠之號。因而致富。歿後徐璣遺產。就局畔設肥皂廠。時皂牌羣推祥茂爲巨擘。長江上下游。歲銷達數百萬。徐命名祥茂。貨亦不弱。而定價遠遜。商販逐什一利。咸舍彼就此。祥茂大受刺激。控於公堂。指爲象形影射。徐不服。反唇相譏。兩造律師。各具理由。解員無以難。時我國

尙無商標註冊例。原告詰徐。既爲華人。不應用西文商標。徐謂祥茂既爲洋商。亦不應於皂上刊印祥茂洋行漢文之字。辨難移時。徐袖出康熙字典。檢草部內茂字。謂此並非杜撰。華人用華文。有自由擇定之權。初不知某字爲冒。某字非冒。原告語塞。乃判祥茂爲敗訴也。

追紀拒約會之盛

光緒乙巳間。我國有排斥美貨之豪舉。風發雲湧。全國響應。旅華美商。索索無生氣。且有因是而輟業者。民氣之不可侮也如此。此事發起於滬上。倡之者爲曾公少卿。今雖事過境遷。而社會流行之（同胞同胞）口頭禪。實權輿於此。辛亥之役。且用以號召排滿之具。則斯舉又可謂爲光復之先兆也。初美國加緯尼省曠土甚多。彼邦資本家招工開墾。閩粵沿海之人。紛往應募。赴之如歸市。積久成一團體。頗占勢力。且以生活簡單。工價較廉。土人之勞動界。大受影響。遂生分我杯羹之感。積妬而成仇隙。至是要求彼政府下取締華工之令。一切皆從嚴格著想。設種種苛例。以快其忿。有裸身檢查。薰洗住屋。及用銅管於穀道。抽驗糞穢諸虐。華工不能堪。分頭訴救。我國駐美梁星使。爭之不獲。乃電告清廷。方交涉間。而該處（唐人街）之華人居留地。悉被焚毀。於是曾公聞之大憤。慮國勢孱弱。不可力敵。乃創不購美貨爲消極抵制之策。其舉止一出於文明。力戒暴動。翌年四月初旬。演說於商務總會。聽者累萬人。後至之人。至無可插足。曾本長於詞令。臨場宣佈原委。椎膺頓足。痛哭流涕。人心大爲感動。相戒遵約。至有歸家焚棄

美國物品以示深惡痛疾者。未幾廣肇四明各公所繼起。南洋各島華僑亦通電呼應。聲勢淩及域外。而老晉隆洋行經售之品海香烟。號稱老牌者。至是已完全絕跡。該公司乃改以派律脫（強盜牌）復冠英美兩字。始漸通銷。美最時亦易名好時洋行。當風潮洶湧時。吾國人既搜輯合衆國之貨品商標。刊印傳單。以爲去取之辨識。復於各家門牆上。榜貼（不用美貨）紙條。同時各洋行徧登告白。聲辨國籍。時新聞報館有裴理思者。確爲美籍。該報遂遭擯棄。無人顧問。原登廣告者。紛請停刊。嗣經該報聲明辭退。始罷是役也。交涉卒賴轉圜。民氣後盾。厥功匪細。而禁烟之動機。亦以斯舉所嚆矢。不知今日段祺瑞賣國之交涉。有無曾少卿其人。能使社會感動如此之速也。噫。

會審公廨之今昔談

上海租界之會審公堂有二。屬法租界者。向設於浦灘大馬路口。至去年盧家灣之新廨落成。始遷徙焉。英租界則最初設於南京路香粉弄口。先後四十年間。地凡三易。然均不離乎南京路。惟漸向西移耳。最後乃就北浙江路華界相近處。建築西式制度之公堂。適推放租界之議告成。乃確定名稱爲公共公廨。當在南京路時代。頭門匾額。於會審公廨四字之上。復冠以洋涇浜字樣。蓋根據同治七年所訂洋涇浜設官章程。故必冠此三字也。華人互控之案。凡罪應枷杖者。當自由中西問官判定。仍令犯者還押。次日早堂提案。歸華官單獨發落。西官不復過問。緣笞責必裸其下體。西人視爲野蠻之刑。不欲寓目也。職員

任職最久者爲陳寶渠蔡二源今關炯君視事均達十年內外陳爲始創之人。心極慈祥。曾捐資設棲流公所。人甚稱之。蔡則於判案之曲直。視外人爲轉移。雖有幹練之名。而聲聞稍遜矣。維今關君不亢不卑。頗爲中外人士所信仰。故能任職至今。卽如昔年粵婦某氏。因攜帶小孩多名。致捕房疑爲拐買。貿然逮捕。釀成大鬧公堂之風潮。華商至憤而罷市。幸關君力爭。隱爲後盾。得以無事。他如停止刑訊。在當時州縣衙門。恆多抗不奉命。獨公廨毅然撤除刑具。以爲之倡。使吾華人此後不再裸體受辱。亦關君幹旋之力也。故光復後再任斯職。中外歡迎焉。

光復時之公共公廨

洋涇浜會審公堂。初設在鄭家木橋。爲便於英法二界接近也。厥後法租界土地權。被滬道片言斷送。別成獨立性質。法公廨遂附屬於捕房。由是英美公廨。初遷南京路。復遷浙江路。然在前清時代。廨員由滬道札委。而內部組織。有籤押房收發處。有書吏差役。有押所女監。凡中國衙署之形式。莫不應有盡有。其訊案辦法。除刑事不滿三月。拘押捕房。五年以內。禁錮西牢。不受公廨節制外。其他及民事各案。有直接處分之權。辛亥之役。會審官寶子觀及德某。均以旗籍之嫌。挾款潛遁。男女押所。聞變譁噪。領事團乃公舉關炯之聶榕卿王崧生三君。主持廨政。事後雖請劉道襄孫加荊委任。然已啟外人干涉用人之端矣。未幾復發生一趣事於其間。卽領團自由雇用孫羹梅爲襄職員是也。孫湖南人。以縣令聽鼓蘇省。清季

曾佐理廉務。時甫交卸奉賢縣事。在滬賦閑。迫謀一缺。慮公論之不與也。竟挾美領事同事蒞事。至捕房干預之始。卽在光復之翌日。就廉內設檢察處。(西文竟稱監察處)爲西人辦公之地。裁革差役。而以巡捕代之。一切開支暨廉員俸給。悉由檢察處西人主政。一轉移間。華官亦仰承其鼻息矣。聞所定薪水。正審官月給八百兩。副者半之。竟與政府各部總次長相埒。此事一由於寶氏之席捲公款。再由於劉道之移交庫銀三百五十萬於領袖領事。兩者醞釀相迫而成。吁。可慨矣夫。

上海喪失治外法權之原因

吾國自開海禁之初(七十餘年前)當道者不知法權之足重。一遇外人犯案。視若非吾法治範圍內之所當理。而夷然置之不屑與較。甚或既拘其人。而復聽其索還。任彼治罪以了之。至其藉口中西法律之相異。則起因由於某西人初來華。視滬上演戲者。每見劇中有審訊情節。一案到堂。初不招。則批其頰。再不招。則杖其臀。復不招。則男子夾其腿。女子拶其指。而犯人招矣。而重案定矣。意謂此不過演劇然也。後入城見邑尊訊案。亦復如是。絕無稍異。乃馳書本國政府。詫爲未見。於是要求領事裁判權者踵至。吾國外交中人。無能折服其詞。而迢迢租界。唯租借國得完全行使主權。而主權國反退處於無權之地位。不敢過問矣。民國初元。江督咨外部。上海商埠擬設審判廳。後復據滬道稟陳司法獨立之必要。臚陳公共租界所設之會審公廨。爲行政機關之大阻礙。而以前總理衙門與各國所訂之章程。實外部與公使力

爭收回之樞紐。詎各公使及各領事。以爲違背條約及定章答覆。至於不允聞命。噫。不意一戲劇耳。自入外人之目。遂鑄成大錯。永留租界上之一污點焉。

公廨華案預審之原因

吾國罪犯。逃避租界者。向由華官簽差持票。至奉值總領事署簽字後。即可直行捕拿。歸案審理。自清光緒二十六年二月初九日。江海關道余晉珊觀察。接奉上憲行文。防拿康有爲梁啟超二犯。及其黨羽。訪悉逃匿滬上。卽札飭英美租界公廨職員翁笠漁直刺。簽差至總領事署。時總領事爲華德師君。允之。康梁等大恐。急稟求英領事。設法保護。因是通飭各捕房。嗣後公廨提人無論何案。須先管押捕房後。解送公堂。訊明實情。再交華官辦理云。蓋認康梁爲國事犯也。而奸徒犯法。遂視租界爲逋逃藪。亦自此始矣。

濬浦局之權限問題

上海之有濬浦局。始於清光緒中葉。當庚子拳變後。明年辛丑與各國訂和約。卽以濬浦爲附件。載在條約。註明以二十年爲限。厥後改爲四年。責我所有濬浦情形。以及工程等。隨時報告上海領事團。然仍由上海道會同稅務司。稟承江督辦理。其權限固未盡失。詎期滿後。工未及半。稅務司及工程師。又以續辦爲藉口。經江督咨部轉知使團。並飭滬道將濬浦局改爲善後養工局。查照合同。隨時辭退洋員。至辛亥各國復提議修改以前條款。時臨時政府內閣總理唐紹儀。以迫於勢。遂承認之。乃照原繪圖內第一段。

自製造局起。至吳淞口爲止。及修改後。工程師海德生續繪之圖。則且越松江。直至西太湖爲止矣。其章程雖係暫行。而載有該局所轄之境。由長江處起。至潮流停止處止。其越界不可以道里計。初濬浦範圍。不過限於黃浦本身。濬治通暢。與內地水利無涉。今則漫無限制。水道主權。又將繼領事裁判權一去而不復返。嗚呼。不知今之水利局。果能抵制之而挽回之乎。

濬浦局

濬浦局爲上海一大工程。設局開工。歷十餘年。其中糜款侵權之處。國人多未之知。民國八年春。有蘇省議會錢淦朱祥紱等。提出議案。言之詳盡。錄載於此。以存故實。提案云。竊按濬浦局之設。原根據於前清辛丑公約。其時各國以還我故都。示恩要挾。致所訂濬浦條約三十七條。種種喪權辱國。誠迫於勢之無可如何。然且卒賴前兩江總督劉忠誠公署督張文襄公之力。不允派員開辦。相繼堅持。建議修改。內外協助。越前後四年。得以收回自辦。聲明並不抽捐。由中國國家每年認出經費四十六萬兩。以二十年爲期。嗣又縮短年限。提前籌款。宣統二年大工告成。前兩江總督張安帥卽擬撤局竣事。外交團乃藉局於籌款養工。提議認抽貨捐接續辦理。於宣統三年另訂濬浦暫行章程十一條。糜款侵權。更甚於辛丑公約。外部初未承認。迨往返磋商。於原擬辦法多所糾正。祇以第一條局員人數。彼此爭持。迄未就緒。適民國肇建。領銜英使乘我南京政府崎嶇成立之際。復申前議。再三要求。當時辦理外交人員。未遑考查中

央成案。遽允照辦。舉前外部所業經商改者。至此亦歸無效。於是民國三年。該局遂有海工程師擬請給照測量湖及隔省港河之舉。並管理沿浦升科灘地。侵涉內政官產之權。前江蘇省長韓國鈞曾提出修改濬浦暫行章程意見八條。分別電呈政府。旋即以調皖去職。力爭未果。上海交涉員楊晟。又以濬浦局員之一。碍難抵抗。復由局員會議。藉口于暫行章程第八條所載。爲清理黃浦江岸出賣公地及應升科灘地之辦法。續加條款附訂爲第十二條。而沿浦所收灘價及規劃港埠主權。悉入其掌握矣。六年七月間。濬浦局乃猶以攫我港權爲未足。更進而謀我沿浦路權。於是復有授意上海工巡捐局借款築路之事業。經本會於上屆提出緊急動議。咨請省長勒令工巡捐局。迅向濬浦局取消口頭討論。停止工作。一面派員嚴行查辦。濬浦局卒以屈於公理。讓還路權。顧於測量內港潮流。爲擴展航權計劃。則迄今駁駁未已。近且有測至浙省平湖乍浦之信。其爲踰越濬浦權限。昭然無疑。原濬浦初意。無非以黃浦江日就淤塞。專就沿浦及浦口入海處。從事疏濬。屈便出入商輪。故辛丑公約。于該局轄境。祇限自江南製造總局起。至揚子江中紅色浮標處爲止。爲其工程範圍。今濬浦工程。如填築石梗。開挖淤泥。所以爲刷深浦口入海計者。早經蕞事。目前實無工程可言。該局即無存在之理。乃復無中生有。節外生枝。轉而于我灘地內港之權。侵及內政。國家歲耗四十六萬兩鉅款。更益以關稅。蓋以灘價名雖我國自辦。而權不我屬。不啻專爲外人增殖勢力。養虎以自傷。按諸國際公法。港權之得失。卽關係國家之存亡。今幸歐戰告終。

我國得列席和平會議。凡從前損害主權之條約。各國既容許提出。予以相當之保障。及此時機。似宜亟電中央政府。請令飭外部查明濬浦檔案。提交歐洲和平會議。將辛亥南京政府成立時所訂暫行章程。及四年續訂之附件。一律廢除。另議養浦工程切實簡單辦法。免再虛糜鉅款。損害主權。是否有當。伏候公決。又致北京政府電稿云。北京大總統國務院總理鈞鑒。上海濬浦局自前清光緒三十一年依據辛丑公約設局開工。由中國國家每年認出經費四十六萬兩。以二十年爲期。嗣又縮短年限。提前籌款。宣統三年業已竣事。外交團乃藉口於籌款養工。提議認抽貨捐接續辦理。於宣統三年另訂濬浦暫行章程十一條。乘我南京政府崎嶇成立之際。要求承認。復於民國四年增訂附件九項。繼續執行。於原撥經費四十六萬兩之外。並須加抽關稅代收灘價。悉供該局用途。於是干涉我沿浦升科灘地及內河測量。近且測至浙省平湖乍浦一帶。按諸公約原訂濬浦界線顯軼出範圍。國家歲耗四十六萬兩鉅款。更益以關稅。益以灘價。名雖中國自辦而權不我屬。不啻爲外人增殖勢力。養虎以自傷。在國際公例。港權之得失。卽關係國家之存亡。今幸歐戰告終。一切國際上不利之條約。各國既容許提出。爲公道正義之主張。矧章程本號暫行。絕非永久性質。國會未經通過。尤有餘地磋商。應請飭令外部查明濬浦檔案。速電專使。提出歐洲和平會議。將辛亥濬浦暫行章程暨民國四年續訂兩件。一律廢除。另議養浦工程切實簡單辦法。免再虛糜鉅款。損害主權。無任迫切跂望之至。江蘇省議會叩。

日人搜購藏書案

吾國開化最早。數千年來。前者著述。汗牛充棟。徒以喪亂頻仍。存者百不逮一。因視爲藝林珍秘。就滿清一代之論。藏書最富者。除四庫秘笈外。以江浙之文瀾文匯文宗爲巨觀。洪楊之難。三閣悉燬于火。承平後。惟浙之文瀾。稍復舊觀。其他已不可復觀。私家所儲者。莫如甯波范氏。杭州丁氏。湖州陸氏。陸卽潛園主人。號存齋。曾任某關道。黨附李鴻章。時論頗不直之。然蒐羅海內孤本。雖千金不恤。其儲書處號麗宋樓。百城坐擁。滿目琳琅。實巨寶也。陸于光緒中葉物故。後十餘年。家道式微。會日本靜嘉堂文庫主人岩崎氏。攜巨金蒞滬。收羅中國古籍。陸之後人。以十萬元割讓于彼。其事甚秘。外人無知者。岩崎旣得。星夜運歸東瀛。由島田彥楨作麗宋樓藏書源流考。印成巨冊。誇示中外。事始大露。時陽湖呂景端氏。在滬首得此信。走告盛杏蓀。擬倍價贖回。然已無及矣。嗣爲江督端方所知。乃發公帑七萬五千元。盡購杭州丁氏藏書。建金陵藏書樓以貯之。惟宋槧本不及陸氏之多耳。民國二年。甯波天一閣藏書。爲奸商盜賣於日人。事發控於英公堂。得截留大半。然逝者已隨流水而東矣。所望有力者。設法呵護。庶國粹所關。不致斷喪以盡。則藝林之幸也。

記萬國禁煙大會詳情

清宣統元年正月十一日起。二月初七日止。在法界滙中旅館。開禁煙大會。各國均派代表蒞會。計先後

會議十四次。其所議定草案。由各國代表。各交其本國政府察閱。如可發表。則將決議印行。茲就當日公決九款。分條列左。

(一) 中國政府。以禁除全國鴉片煙。出市行銷之事。視為重大。實力施行。且與情協助。得以日見進步。故本會會員承認中國之堅誠。雖各處成效不一。然已獲益不淺矣。

(二) 因中國政府。有實行禁阻吸煙之例。他國亦同有此舉動。故本會敦請各代表。陳請各該政府。於其本境或屬地內。體察各國情形。逐漸推行吸煙之禁令。

(三) 本會查得鴉片煙之用。除作醫藥外。在會各國。均視為禁物。有頒行嚴密條例。使之逐漸銷滅。因此本會承認。各國情形雖有不同。惟應敦促各國政府。借鑒別國辦理之經驗。考訂其取締規則。

(四) 查各國政府。均有嚴厲法律。其宗旨或直接或間接。以禁止鴉片煙。暨鴉片質提製之品。私運入國。用此本會會員聲明。凡與會各國。均有責任訂立相當之規例。以禁止鴉片煙。暨鴉片質提製之品。私運入國。因此本會會員聲明。凡與會各國。均有責任訂立相當之規例。以禁止鴉片煙。暨鴉片質提製之品。運往已頒上開禁例之他國。

(五) 查嗎啡之製售流布。漫無限制。早釀成巨患。嗎啡痼疾。已露蔓延之象。因此本會甚願力請各政府。制定嚴厲規則。於其本境或屬地內。以取締此項藥物之製售流布。及由廢片中提製雜和之品。研究其

質。倘若妄用。與嗎啡毒質藥相近者。一律限禁。

(六)本會會員於組織上。礙難按科學之理。研究鴉片煙。及戒煙藥品之性質功用。然深悉此項研究。極為重要。故本會甚望各代表。將此項問題。陳諸各該政府。酌定辦法。

(七)本會極力敦促。凡在中國有居留地。及租界之各國政府。倘於各該居留地。及租界之內。尙未實行。關閉鴉片煙館者。須仿照他國政府。已經施行之禁令。參酌情形。迅速舉辦。

(八)本會會員敦促。凡在中國有居留地。或租界之國各代表。須陳請各該國政府。與中國議定條例。禁止製造販賣內含鴉片煙質。或鴉片提製品之戒煙丸藥。

(九)本會會員勸勉各國代表。陳請各該國政府。凡在中國有居留地。或租界者。施行藥商專律于領事裁判權限之內。俾該國之民有所遵守。

會議告終。美國代表白蘭脫。丁嘉立。兩博士。暨芮特君。均於當晚乘車赴北京。英國代表斯密斯君。及其餘各員。亦先後入都。會議之結果如此。吾人所當永矢勿忘者也。

紀日嫠歸宗事

當陳寶渠太守視事英麻時。有日本嫠婦。攜子來滬。請求移轉國籍。隨子歸宗。旋以格於彼邦定例。日領出而否認。事不果行。僅令留子而遣其母。庭判之日。陳太守以該日婦關心宗胤。不負故夫。其行可嘉。其

情可憫。特捐廉獎給百元以贖其行。溫諭再三。觀者莫不感泣。亦東瀛形管史中之美談也。先是有贛人徐業良者。弱冠赴東京習公輸子業。嗣受雇于神戶某西人處。所入殊微。然徐頗勤于事。寸儲累蓄。日與郵便貯金爲緣。凡五載積數百金。而年事已二十有五矣。顧飄零身世。渺焉寡儔。欲占風於彼邦。托同儕爲之物色。會有橫濱女郎葉氏名德者。椿萱早謝。依伯氏以居。雖綠窗荆布。而貌德兼賅。遂由徐友陳春浦一言撮合。兩姓締姻。既娶。伉儷甚篤。先後七載。育二雄焉。兩年前徐得瘡療疾。藥爐茶竈。噓寒問暖。氏躬侍之。無怨詞。無怠容。徐本食方之流。客中無可緩急者。典衣鬻釵。悉由牀頭人撐持其間。窘可知矣。疾革時。徐執氏手泣然曰。余累卿矣。室如懸磬。孺子尚幼。卿將何以爲計。第徐氏宗祧。賴有此耳。且貴國火葬之俗。余實懼之。倘得歸正首邱。免罹此厄。感且不朽。氏泣誓天曰。既歿。殯斂悉仿華制。復挈同二子扶觀來滬。訪其夫兄徐三平。要求伴返贛州故里。三平以事涉外人。不敢遽允。乃稟請公堂發落。卒以與例未符。事遂中止。有見之者。謂該日婦練裳布衣。二子瓜帽袍褂。悉遵中土服制。泊三平奉諭領姪歸宗。母子分途之際。該氏戀戀不捨。淚焚雙眸。觀審者莫不爲之酸鼻也。

司法權喪失之由來

民國二年。徐寶山購買古磁花瓶。由上海古玩鋪。倩人送至江北軍署。甫啓匣。而函彈爆裂。寶山死焉。被嫌疑者。爲管復初。李文清。尤小溪三人。皆上海之業骨董者。案發皆被逮。江蘇高等檢察廳。致函會審公

廨欲將管復初等引渡內地歸案訊辦。英領不允。職員關爛作書復之。函中述租界設官章程及歷年成案頗詳。錄之可知租界司法之喪失主權所由來者遠矣。其函云敬復者接奉鈞函以英領對於徐案嫌疑犯管復初李文清尤小溪不允移交。囑敝廨按照函開各節檢示英領。以免悞會而息爭執。正在遵諭轉達英領。藉籌對付。惟念事關國際交涉。雖在下愚。苟有可知。正不妨陳述意見。共籌對外之良策。查上海會審公堂之設。本以前清同治七年上海洋涇浜設官會審章程爲根據。按照章程開各條。領事官然不能有所干涉。惟日月變遷。事實遂不無更易。檢前清光緒三十一年滬道上外部文。對於領事推犯簽字之條款語有云。此項習慣。租界行之已十餘年。不若由條約逕與訂明等語。是領事簽字。在光緒三十一年以前。各條約外之引動。而自三十一年續訂補充之條約。則此已爲正當之辦法矣。此對於領事干涉提人之不得不申言者也。至英領對於徐案。非俟證人到庭。不能交解一節。查此項辦法。本無章程條約之根據。惟檢查敝廨歷辦舊案。其在前清時代。已有此等辦法。（卽如前清宣統元年七月二十日慈谿縣協提槍斃戎才富之凶犯陳蕙亭周阿五後由屍親戎才伯戎德大及見證陳阿四等到廨證明。又宣統三年七月十二日嘉定縣移提拐犯楊生林經該縣地保韓順泉到廨證明）論作俑之何人。固不勝放棄主權之慨。而在敝廨職司審判。於業經辦有成例之案件。欲藉無後盾之口舌。以與之爭。無論來廨陪審之副領。每成推諉爲無權過問。黠者且以事非今始。爲反唇之譏。論國際之原則。本無習慣之可言。

論事實之發生。則已積非而成。是善後乏策。媿惡交加。此對於預審一節之不得不申言者也。至上海商埠。稱曰租界。與我國內地自行開放之商場。性質畧有異同。雖在我認為祇有租地蓋屋之權。而在彼已不認為民法租借之例。租界二字之名義不明。雙方之見解愈誤。種種窒礙。非從根本解決。必不足以挽已失之國權。而固將來之領土。此又不能不仰望鈞廳之力與維持者。又有進者。論者每謂租界喪權之舉。大半發生於光復以來。在敵儼同人。奉職無狀。正宜深自引咎。惟念民國成立以來。各項官制。尙未正式釐訂。故統系淆而辦事之困難愈甚。即就敵儼而論。在前清時代。為完全審判機關。遇有聲明條約。及其他交涉事項發生。均由滬道提出於領事團。故得力多而收効速。若以敵儼當外交之衝。不特於交涉上難操勝利。且於本案上易起決裂之端。此又敵儼光復以來辦案之困難情形也。

一三三 宗教

青年會

上海青年會。為中國基督教青年會之總會。即世界基督教青年會之分會。此會之大本營在美國。分會遍於地球。乃世界最大會社之一。其目的在以基督教之教義。陶冶世界青年之身心。其會徽為一圓圈。由圓心以三個半徑線劃此圓為三部。而以「德育」「智育」「體育」三辭。分寫於三部中。其會之略號為 Y M C A 蓋 Young Men's Christian Association 四字各個之冠首字也。上海之青年會。在四川路中。建

於一九〇八年房屋闊大。爲申江有名之建築。共計四百間。略分之爲二部。曰成人部。童子部。詳分之有數十處。曰辦事所。曰殉道堂。曰閱報所。曰會議廳。曰寄宿所。曰藏書處。曰附屬中學堂。曰會食堂。曰學生寢舍。曰屋頂花園。曰西餐館。曰理髮所。曰浴池。曰游泳池。曰彈子房。曰體育場等等。其中事務亦分德育。智育。體育三部。德育部。智育部。常請名人演說。又常開演戲劇活動演戲等。每一星期皆有數起。又有半夜學堂。造就商界青年。體育部。教授各種練身之術。凡係會員。皆可自由學習。會員分爲四種。一曰贊成會員。二曰贊助會員。三曰特別會員。四曰普通會員。蓋以納費之多少而定。而在會中所享之權利。亦遂由之以分等差。大概爲特別會員最便。蓋納資不過多。亦不過少。而各種權利。皆可享有也。該會之功用不一。而在繁華之上海。則能使一般青年子弟。度其閑暇光陰於有用之地。以杜邪逸之念。譬如會中各種舉動。如游泳。沐浴。體操。會餐。講演。與及德育。智育上之影戲等等。固較他種遊戲場所內之事。爲有益也。會中執事。屢屢易人。今年（一九一八年）主任會務者。則爲曹雪賡君。又駐會之執事。每晨皆有祈禱誦經之事。而每星期日。殉道堂中。尤必有牧師講道。蓋不離基督教三字之本旨也。

上海之青年會

基督教青年會。發起於英人衛良佐。治衛一布店夥耳。鑒於同業道德之墮落。慨然創設祈禱會。初僅就臥室中。邀集二三同志。虔誠禱告。出而勸人。信從者衆。乃賃咖啡店之一室。爲會所。每星期租金祇一元。

二角。時西歷一千八百四十四年也。今則青年會普及全世界。統計會所之價值。已逾數千萬。常年用費。達三千餘萬萬矣。

至中國之有青年會。則始於上海。上海之有青年會。則始於一千八百九十八年。設於蘇州路。時僅賃屋數椽。會員十餘人而已。後遷南京路。又遷四川路。日漸發達。今則塘垣峻偉。百凡俱備。距初創時才二十年耳。而會員已達二千一百餘人。日校學生四百八十人。夜館學生四百九十人。商業班學生一百二十人。體操班學生一百八十三人。童子六百二十一人。寄宿舍會友六十人。學生一百六十人。聖經班學生五百九十二人。童子六百八十七人。中國幹事員二十三人。美國幹事員三人。

內部組織。有大演說廳。聖經學校。各科學專修科。各國語言補習科。藏書樓。閱報室。器械體操室。遊戲體操室。游泳池。彈子房。球房。浴室。儲蓄銀行。西餐室。中餐室。寄宿舍。理髮處。及其他種種。皆為會員享受之權利。(非會員照須定價付值)

一千九百十八年(即民國七年)以原有之會所。尙不能容三千餘會員之活動。乃建築新會所於香港路四川路轉角之地。與原會所接近。除較原會所四層增為六層外。其上更有屋頂花園。佔地一萬二千八百英方尺。屋高八十英尺。可容萬餘人。建築費二十五萬。皆由募捐而得者。

新會所之內容。有臥室二百五十間。上下七層。用電梯升降。除最下一層外。餘悉為課室。餐室。會堂。寄宿

舍等用。每層有浴室、便所、火爐、風扇。布置均極精雅。

各處青年會之繼起

上海青年會既著成效。北京、天津、保定、奉天、岫巖、吉林、濟南、威海衛、煙台、開封、太原、南京、福州、廈門、興化、杭州、漢口、長沙、西安、成都、廣州、香港、雲南、汕頭、台山、安東、南昌等處。接踵繼起。所得會員。共有十餘萬。青年人士。因之進德修業。怡心養性。造就尤衆。官吏其能竭誠保護。知爲世界最高尙之社會也。

學校青年會

以上所述。世稱城市青年會。爲一般人士而設。更有學校青年會。附設於各大學校。爲學生課餘交換知識。砥礪道德。遊戲娛樂之機關。此種機關。用費甚省。故在中國學校青年會之數。五倍於城市青年會。美國更有陸軍青年會。海軍青年會。礦工青年會。鐵路青年會。工人青年會。消防隊青年會。雙啞青年會。伐木夫青年會等。我國尙未能備也。

青年會之功效

青年會二育並重。故能使人靈魂、身體、知識。均臻完美愉快之境。中國青年會養成人才。亦已不少。今日朝野名人。品學兼優者。大半屬於青年會矣。

中華民國第一任大總統孫中山先生有言曰。欲建設完美強大之中國。其責任何在。即在我青年會所

造成三育並美之青年。

衆議員議長吳景濂君有言曰。中華之改造。得青年會之助力爲獨多。

日本伊藤親王曰。青年會者。鑄造人品之惟一團體也。

美國前任大總統塔孚德君曰。青年會所用之財。皆爲人羣謀增進幸福。世多行善之富翁。其以贊助青年會爲先務乎。

美國現總統威爾遜有言曰。欲知一地方風俗之厚薄者。但觀其人對於青年會之熱心如何。

上海之天主教勢力

耶教之入中國。始自上海人。故天主教之勢力。根深底固。有不可忽視者。徐家匯一地。殆全國天主教之策源地。有可容萬人之禮拜堂。每遇主日。各級社會之信徒。皆來頂禮。西國士女。亦多加入。有教無類。共集一堂。所辦學堂。有徐家匯公學。震旦大學及孤兒院等多處。女學亦有啟明崇德兩校。有天文台以測氣候。有藏書樓以饜學者。有月刊週刊以通教中消息。近更以國中信仰舊教者。多中下流社會。因組織公教進行會。以期普及於上流人物。成效雖鮮。亦足見苦心也。巨商如求新廠主朱子堯氏。電車公司經理陸伯鴻氏。皆該教中中堅人物。近馬湘伯氏。脫離政海。仍回徐家匯。熱心教務。不改當年常度。吾人嘗考察該教所辦各種事業。皆足模範全國。而信徒之見義勇爲。堅忍不拔。亦爲普通人士所遠不及。因決

天主教之勢力。仍有蒸蒸日上之望也。

徐家匯天主教之事業

徐家匯天主教之勢力。有蒸蒸日上之勢。已約略言之矣。因其關係於國之主權及教化者至巨。故屢往調查。漸有所得。以此記之。幸國人注意焉。

(一) 湖原

徐家匯者。明徐文定公光啟之故鄉也。其子孫亦世居焉。而肇華浜及法華涇二水於此匯爲合流。因名曰徐家匯。清道光末年。天主教始建堂於此。修院及育嬰堂附焉。光緒初。拓舊地廣建西式樓房。於是規模宏敞。漸臻發達。以迄今日。內分耶穌會修院。聖母聖心修院。耶穌聖心修院。徐匯公學。類思初等小學。天文臺。藏書樓。博物院。聖衣院。聖母院。土山灣等名目。大道如砥。林木純碧。置身其間。一種尊嚴肅靜之氣象。有非筆墨言語可形容者。內容更井井有條。無一不備。豈特天主教之策源地。亦中國之模範村。略述一二。以策國人。

(二) 天主堂

舊堂建于道光之末。光緒三十二年。於其右另建新堂。宣統三年落成。堂之鐘樓。高百六十九英尺。長二百五十尺。最闊處爲百三十七尺。狹處爲九十一尺。可容三千人。祭臺十有九座。大小楹柱六十四。悉用

金山石精刻壘成。堂建六年而成。工程之巨。實冠遠東。每日致祭。以昭誠敬。禮拜誦經之候。彌散大祭之時。一堂穆穆。有教無類。真他教所遠不如也。

(三)博物院

創自清同治初年。發議由法國神父韓伯祿氏。韓氏爲理化及博物學大家。故院中搜羅極富。珍禽異獸。裝成模型。栩栩欲活。而以麋鹿一門。尤爲豐富。韓氏曾著鹿學專書。得國家之審定給獎。其價值可想。現由柏神父主任。柏精禽學。每年遠足獵珍禽以歸。心得極多。院附藏書樓一。專收中外博物學書。內有華文古本之書。極有價值。每日午後。准人參觀。無遊資及入場券之例。入門投刺。卽有人招待導觀也。

(四)天文台

徐家匯之天文台。一亞東之公共氣象台也。航海者於此以定趨避行止。居處者因之而準氣候時刻。科學家往焉。游歷家集焉。受其賜者蓋不知幾何人。幾何事矣。彼所謂中央觀象台者。何足道哉。何足道哉。台創於同治十二年。法神父高鎬鼎氏爲發起之第一人。台本位於今聖心報館之編輯所。光緒二十七年。新天文台告成。遂遷移焉。現勞神父實主其事。馬田兩氏副之。司事者十餘人。塔門之左。有機曰賽基風機。記風度遲速大小者也。並記風雨表升降之度。無藉人力。自記於紅格之紙。紙每八日一易。正廳東壁有風雨表一。極捷便。承以紙。自轉成度。無少差異。

正廳西北隅玻璃櫃內。藏有風雨表及其他天文之儀器。內有窺星午鏡。窺時必在夜間。用以校正時鏡。旁有二時鏡甚準。約十晝夜僅差一秒鐘。一年僅差三十六七秒而已。台中卽用此鐘以報上海午未。及夜間九時用。自千八百八十四年以來。及今已三十年矣。廳西有藏書樓。專貯天文算學等書。外洋涇橋之報風塔。每日由此台宣示一切。又台之東南隅。有方廳一座。內設磁石測驗所。各國之問訊者。有四百餘處之多。可見此台之價值矣。

(五)藏書樓

上海號稱文化之先導。乃無公共之藏書處。而徐家匯反設有此樓。樓分中西二種。上層屬英文。下則爲中文。西書多古本。爲不可多得者。人皆賞之。中文書部分列經史子集。悉遵四庫書目編制。志書一門。最饒價值。廣搜至千餘種之多。佛經及古錢古碑等類。琳琅滿目。歎觀止焉。

(六)聖衣院

院在土山灣慈雲橋之東。創自同治初年。專備守貞之教女。超世絕俗。修道至於最高之地位。中西女子均有寥寥二三十人耳。會旨專以克己修身祈禱爲主。列入天主教中至高之級。會規極嚴。雖與家人晤見亦不得久談。終其身不肉食。例自陽歷九月望日起。至明年耶穌復活瞻禮日止。各守嚴齋。惡衣糲食。寡慾清心。日間作工或祈禱。無時或息。卽中夜亦須起身祈禱。雖無傳教之直接。而以禱祝等功程。祈求

也。天主賜福國家社會。其操身之堅苦。旨趣之高潔。功業之悠遠。教中人均歎爲望塵莫及。致十分之敬禮也。

(七) 徐家匯公學及其附屬

創自道光之季年。現分中學。高小。及附屬三種。學生達四百餘人。歲費百二十元。執事者三十餘人。校長爲翟神父。法人華語之利便。幾駕吾人而上之。事無大小。悉親處之。不收通學生。課堂臥室飯廳等百數十間。近方添築四層高大之洋房。操場廣逾二十畝。功課之高深。管理之嚴肅。吾國學校莫得望塵焉。畢業後。或送震旦。或送出洋。絕不致造成中等之遊民。附有類思初等小學。學生在二百人外。大好青年。吾人不能教之。而使操教育權於外人之教會。其裨益於青年者固非淺鮮。其如國體何。此豈僅士大夫之差耶。

(八) 聖母院

游徐家匯者。莫不知有聖母院。聖母院者。天主教大事業之一。佔地百畝。二橋橫空。兩水潌潌。女牆之內。崇樓傑閣。不知西東。創自咸豐初年。始在王家堂（徐家匯東南一里）。同治七年遷至今址。內實分女修院。崇德女校。啓明女校。聾啞學堂。幼稚園。育嬰堂。刺繡所。花邊間。裁縫作。洗衣廠。等種種。部勒精詳。秩序劃一。容人計千數百人之多。誠教育工藝及慈善事業之偉觀。近人侈談職業教育。其實何必取法於

遠。卽聖母院已足橫範一切矣。

(一)女修院 分拯亡會及獻堂會兩部分。拯亡會之修女。專掌女界教育。及傳授刺繡花邊等美術。兼管育嬰堂事務。現有中西修女五十餘人。分任一切。獻堂會則係係中國貞女。凡二百餘人。分發江蘇安徽等省。耶教已普及之地方。任事。留院供職者。亦二十餘人。吾記此女修院之內容。有一事不可不兼及者。前蘇報主任陳蛻慶先生之次女公子。前年亦捨身入會。此爲吾黨之大光榮也。(按陳先生與吳稚暉章太炎蔡子民三先生並爲大江下流革命之先覺。而陳先生最不得志。貧死於癸丑年間。子死孫夭。一家遂絕。彌留時。惟次女某某女史侍側。先生最後之痛言。惟耶教可以救亡一語耳。女史曾游學日美。長數國文。感懷身世。遂入聖母院守貞。殉國殉教。忠孝一門。非吾黨之榮乎。)

(二)崇德女學 專收已入教之女子。無通學例。程度係高小。兼授英法文。及重各種高等之手工學生二百餘。

(三)啟明女學 專收未入教之女子。有中學科。並設有英法文及美術各專科。程度之高。校風之美。足爲全國模範。試卷例送英國阿克福爾大學閱核。畢業證書亦由該大學頒發。學生約二百人。方新建校舍。預備擴充也。

(四)豐啞學校 學生十一人。有女修士一人。專授豐啞女生以口講筆寫諸法。遊客見之。歎賞不已。

(五)育嬰堂 男女兒一併收入。男童滿七八歲。送入土山灣育嬰堂。女童則教以文字。書算刺繡。花邊等藝術。隨材器使。長則爲之擇配。既嫁之後。仍賃居於該院附近。日間作工於院中。自食有餘。且有一事。余不得不大書特書告中國人之自辦育嬰堂者。夫育嬰堂徧於中國。保護之不周。設備之不善。無論矣。最可痛之事。卽嬰兒一入此堂。則終身不知其身之何自來。長表終爲流氓爲婢妓而已。此等爲善不終之事業。不是無之。若聖母院之育嬰堂則不然。嬰兒入院。卽爲之記其姓氏。親生之父母。仍得以時相聚也。故四鄉之貧民。感激至無地。且辦法既備。亦寓兩利之意。斷不至使院中大困。現在堂中之兒幾四百。自初創至今。共收萬一千四百六十四名。造福於兒童也如是。可不敬哉。

(六)幼稚園 以修女及保姆等掌其事務。教以書寫誦讀游嬉等事。幼童百餘名。極天真爛漫之致。

(七)刺繡所 花邊間。裁縫作。洗衣廠等女紅。共四百數十人。刺繡花邊等品。爲吾國各處所望塵莫及。每年銷出外洋之數極鉅。

余述聖母院之大概既畢。敢贅以辭曰。聖母何人。耶穌之母瑪利雅也。以瑪母之高潔絕世。實足母萬世。今吾國女子之離高潔漸遠矣。教育不足以救之。反以賊之。宜乎全國有身價有眼光之人物。多以徐家匯之聖母院爲惟一養成女子人格之地。而此院之發達。遂日日千里。中國幸有此院。得以養少數之高潔女子。且以愧死提倡不良教育者。(外間人多謂此院一切均好。惟規則太嚴。嬌養慣的小姐。恐因不

慣而逃學。事誠有之。然處此狂瀾欲倒之時。更不能不用嚴格主義。若岑西老之女公子。未必不嬌養。處之泰然。可知事在人爲。習慣則成自然耳。

尙賢堂

本埠法新租界石牌樓之尙賢堂。爲美教士李佳白氏所創。李旅華最久。長於漢文。著有（約章述要）（籌華芻言）等書十餘種。均經驗心得之論。締交徧中外。卽我國公卿士夫。亦多以一接其聲。欸爲榮。革命時於清帝遜位條件。多所盡力。民國元勳。亦器重之。尙賢堂創於光緒末葉。其職志在貫通世界各國宗教。治真理於一爐。嘗謂基督教雖經緯萬端。然挾其要。不外三德。曰信心。愛理。願力。譬之築屋。信心基址也。愛理材料也。願力棟樑也。又以已往當前將來喻之。願覺言簡意盡。以中國之儒釋道精義。亦殊派同源。無所用其主奴。遂有教務聯合會之設。堂中緇流羽士。兼容並涵。互相發揮。期悉納於大同之域。列名者除歐美領事外。如伍廷芳。梁啟超。輩諸名流。都參與其間。崇論宏著。載諸月刊。尤以姚菊坡君之孔教演說詞爲精。擊透闢云。中外多士。攜手一堂。吁盛哉。

按李佳白氏去歲因反對對德宣戰。致觸彼政府之怒。遷謫某島。堂領因而中輟。然日月之蝕。固不久。旋復其光明也。金子望之矣。

廣學會之畧史

廣學會創自英人。李提摩太以歐美名人著述。遂譯中文。以餉中國人士。其人其事。至爲可敬。初設編譯所於虹口之三元宮。後設發行所於四馬路老巡捕房之西首。其時中國墨守成法。故會中所出書籍。罕顧問者。清光緒甲午中日役後。我國人士始漸覺悟。人人皆知讀西書之可貴。會中所出之萬國公報。多紀載泰西各國地理歷史。及社會風俗等。我國人多讀而善之。每月行銷至四千餘冊。（萬國公報係月報）又泰西新史攬要一書。內地學堂多有用作課本者。萬國公報主筆政者。爲美人林樂知。光緒末林忽逝世。會中欲繼續出版。林之子要求給予三千金。不之許。林子不可。會中遂取銷斯議。另創辦大同週報。然銷數無幾。乃函請各直省督撫認銷。故報中所載。多諛美官場之詞。閱者多腹誹之。至民國後。又改爲大同月報。然亦不能風行。歐戰既興。會中經費多移撥作戰事經費者。而報亦停刊。今會中雖仍譯述各書。然範圍已縮小。李提摩太亦歸國。皆戰受事之影響也。其編譯所之房屋在虹口時。本賃屋而居。清宣統初。有英人某（伏其名）遊歷來華。至上海視察教育商務及各種地方公益事宜。大加讚賞。歸國後忽病故。某富於財。道囑以五十萬金撥充上海地方各公益事宜。而廣學會亦分潤得兩萬金。遂於北四川路之北新靶子場附近購地造屋。計洋樓四層。崇樓高聳。地雖僻遠。然頗岑靜。當明窗淨几。伏案著書。狀亦甚樂。余曾一度入其中。略舉所知。紀之於此。

中國聖教書會創於前清光緒五年。由上海中西名人。丁韞良。范約翰。林樂知。詠顏經。吳虹玉。鮑華甫等。提倡成立。迄今已四十年。專事編譯書籍報紙小說等類。補助傳道家演說家言語之所不及。期以道德感化人民爲宗旨。數十年來。始終不變。故歷年所出各書。不下數百餘種之多。（惟舊約聖經新約聖經二書。係上海英國聖書公會。美國聖經會兩家專賣之書。不知底蘊者。往往誤以聖教書會與彼等爲一會。）統計每年發行總數。恆在數十萬卷。或以文言。或以官話。內而二十餘省。外而各國華僑。一紙風行。雅俗共賞。誠感化人心之要著。亦改良社會之利器也。至歷年會中用款。向仰給英美兩國之聖教書會。自民國成立。人民信仰自由。道德程度。日見增高。不惟教會購買書籍者絡繹不絕。卽政商學界中人。亦多採購。會中人有見於此。因思籌畫擴充之法。於民國三年夏間。約集中西董事。公開會議。推舉王正庭。曹雪麇。王亨統。高鳳池。丁斐章。徐維繪諸人。爲募捐委辦。議定印發捐冊。寄發各埠。以爲實行擴充勸募捐款之計畫。開幕伊始。卽有政商學界名公鉅卿。贊助巨款。旋因歐戰發生。捐事不免阻滯。然計自開幕起。至民國四年九月三十日。第一期結賬。已收至三千五百七十七元四角三分。已超過開議時所預算二千元之原額。其中上海富商及諸教友捐助者二千元。各省教友及海外華僑個人捐募者一千元。共五百餘元。則爲國內外六十五處之教師牧師所募集者也。所收之款。悉數存入商務印書館。以二千元爲長期。八釐行息。餘爲短期。五釐行息。充作書會之印刷費。及長年經費。憑司庫高學海自由支用。民國

四年而後。各埠之認捐繳款者。仍源源而來。已達二萬餘金之譜。其售書之進款。亦歲有增加。營業之發達。與上述英美兩書會大相懸殊。事務所本設在青年會。嗣於民國四年四月十四日。遷至美華書館。正會長麥樂義。副會長潘慎文。編輯主任斐有文。發行所經理周培行。此其大略也。

一四 教育

江蘇省教育會

省教育會。在西門外萬生橋南。發生於光緒三十四年。至宣統初方成立。設有會長評議員等額。今會長爲南通張謇。餘若王任之沈信卿諸先生。對於該會亦欲有所盡力。關於教育方面。如職業教育國語教授等。皆鼎力提創。雖任命爲教育廳長。亦不就也。

羣學會

羣學會在中華路。有地五畝。洋房五幢。華式房屋四幢。日本式屋一幢。球場運動場花園浴池。均設備完善。爲華界所絕無。而僅有者。藏書約三千餘冊。閱報室則日報月報。應有盡有。音樂社員十餘人。崑曲社社員二十餘人。夜校分中學高小二級。又有通俗講演社。則時請名家講演。月一次或二次。上年設小學教員講習會。成績尤著。主其事者爲王燮功。本法律專家。曾任市議事會議員。會長爲蘇筠尙。本滬上鉅商。副會長爲高硯耘。與王同爲該會之發起人。會員五百餘。每員每年僅納會費二元。該會成立在清光

緒三十年。初設小南門外倉橋濱羅宅。發起人爲張棟雲高硯雲郁屏周王璣詰丁仲英周子品胡益甫沈耕義沈仲芳羅祝平。旋遷談家弄王宅。三遷至郁氏宜園。卽郁屏周別墅。明年創設義務小學校。（卽今之倉基小學校。）因呈准學部督撫暨蘇糧道蘇松太道撥用倉基地建築會舍。其時地方紳董如會少卿李平書輩亦與有助力焉。

廣方言館

滿清太平之役。奏膚功於洋槍小隊。於是先覺者知火器之足恃。如會惠敏李文忠輩。遂力排羣議。一以提倡西學自任。乃創廣方言館於滬城舊學宮之右。此舉尙在設招商電報等局之先。洵老成蓄艾之碩畫也。初主館政者爲馮桂芬中丞。（馮榜眼出身。篤信西法。著有校邠廬抗議一書。戊戌變政之始。奉旨頒發各省參閱。）手定館章十二條。肄業文童以十四歲以外穎悟端方者爲及格。額設四十名。以西國語言文字爲主要課目。旁及算術格致等學。每三月一考驗。優者以次升級。畢業後得派充繙譯官。迨同治八年。應敏齋任滬道。拓地於製造局旁。建書院。門外植竹萬竿。綠蔭夾道。其內則樓閣綿亘。掩映入畫。翌年春落成。館亦移附於此。其後廂設繙譯館。人各一室。分擔撰著譯述之西士。傅蘭雅林樂知輩。均湛深學理之流。筆受者則有徐雪村華若汀諸君子。治中西於一爐。集格致之大成。鋟版行世。約二十餘種。研求新理之士。皆藉是爲入德之門云。

格致書院

六馬路廣西路之格致書院。初自清光緒乙亥九月間。發起者爲駐滬英領事麥君。西董爲偉烈亞力。及傅蘭雅。華董爲唐景星王錦堂徐雪邨與其子仲虎。捐貲贊成者。爲總理北洋通商大臣李伯相。總理南洋通商大臣李雨亭。天津關道孫竹堂。上海關道沈仲馥。九江關道沈品蓮。上海製造局總辦鄭玉軒等。落成後。將中西有關格致之書籍。以及日報物產器具。均陳設於其中。俾吾國人有志西學者。得縱觀焉。時天南遯叟王紫詮先生由粵回滬。當道延其掌教。每歲四季由南北洋大臣命題課士。而由王紫詮評閱之。一時都士嚮風。人才輩出。國人之有志實學。雖謂於此開其先河可也。庚子而後。院務廢弛。幾同虛設。今由工部局拆卸。改建格致公學。業已竣工矣。

復旦公學

復旦公學。與震旦學院。本爲一校。震旦係法人所辦。後因學生與主事意見不合。乃拆開自起爐竈。聘外洋留學生辦之。別其名曰復旦。是爲十二年前事。校址時在吳淞某衙署內。先後任校長者。有馬湘伯嚴幾道等。是時周馥總督兩江。每年許由海關關稅中。抽提若干。以爲補助。故經費不虞竭蹶。辛亥一役。校舍焚毀。學生星散。復旦二字。幾乎中斷。年餘。有該校畢業生與前教員數人。提倡恢復。乃請前教員李登輝爲校長。以徐家匯路之李鴻章祠堂爲校舍。於是復旦又復恢復。李公祠地僻氣清。風景幽美。當中樓

屋兩幢。平房數十間。恰足用爲教室寢室等等。兩旁有東西二園。西園稍荒落。東園猶新。有李公銅像。湖心亭。四角方亭。荷花池。假山。曲廊。諸勝。比之徐園豫園。竟無多讓。校中本有中學四班。大學預科三班。中學與他校同。不分文實。專授普通學科。大學預科分爲文理兩班。自遷徙後。由民國二年至民國七年。每年皆有畢業學生。而由其大學預科畢業者。且能直接入美國大學本科。或更插入其二年級三年級中。現計在東美者三人。中美二人。西美九人。在西美者。皆在加利福尼亞大學。故此校中之中國人。以復旦畢業生爲最多。以上所述。蓋爲其校遷徙後五年間之略史。至於一九一八年該校又增設大學本科文科一班。商科一班。於是復旦公學之名。遂變爲復旦大學。教員西洋學者與中國留學生各半。校長仍爲李登輝君。校長雖有全權。而其上尙有所謂董事會者。解決最要之問題。其中董事。有唐少川。聶雲台。王正廷。王寵惠等數君。蓋皆嘗與該校以經濟上之補助者也。

南洋中學

南洋中學校。原名育才書塾。前清光緒二十二年。由王維泰發起。在大東門王氏家祠內隙地上。建樓數楹。不敷則租用祠屋。其時定章分正備二科。科目爲經史詞章。算學化學英文等。創設之始。來學者約五六百人。迨庚子年。王培遠於是夏接任校長任務。乃訂立中學課程。並易名爲南洋中學。就外日暉橋購地二十餘畝。自建校舍。於清宣統元年遷入。自創辦迄今。已二十五週矣。畢業者二百餘人。現有學生四

百餘人。教員二十餘人。將來發達。正未可限量也。

聖約翰大學

聖約翰大學。創設於西曆一千八百七十九年。初僅一普通西文之學校。迄今已三十八年。而人材之盛。名譽之隆。課程之備。乃爲吾國學校所莫及。其間經五度之擴充。由中學而升爲大學。且經美國政府註冊。凡大學之高級生畢業者。得援美國大學例。一律給予學士。碩士。博士等學位。辦理之善。可想而知。茲將其經過之歷史。分誌於下。

(一) 校址之推廣

一千八百七十九年。上海美國聖公會。以先有之培雅與度恩兩校。合併一校。改名爲聖約翰書院。購地八十畝於上海西北鄉梵王渡。閱十年。乃建四角形之洋房爲校舍。於一千八百九十六年。又建校舍一所。曰格致室。一千九百零二年。建同學廳一所。藏書室。寢室。皆隸焉。閱六年。又建太學校舍一所。閱三年。以銀十四萬兩。購比鄰兆豐花園。又得屋一所。卽今之校址。於是校基三面濱蘇州河。一面可直達馬路矣。

(二) 經費之募集

該校經費。多出美國聖公會之捐助。如有不足。則募自我國及美國各大善士。一千八百九十四年。籌得

經費四萬餘元。內六千募自中國。餘皆募自美國。是爲首次之募集。一千八百九十九年。募得美金一萬五千元。規銀四千兩。是爲第二次之募集。後由本校學生自行募得銀元一萬三千元。規銀一千一百兩。是爲第三次之募集。更七年。又募得美金一萬五千元。規銀六千五百兩。是爲第四次之募集。一千九百十三年。募得銀元二萬一千九百餘元。亦爲校中各生徒捐募而來。是爲第五次之募集。計歷次所獲。共美金三萬元。規銀一萬一千六百兩。又銀元七萬四千九百元。觀其募款之鉅。足見中美士紳之熱心教育矣。

(一) 學生之增加

該校初成立時。僅學生七十人耳。閱六年始有首次之畢業生三人。(胡濬康君。曹福廣君。吳任之君。)嗣後來學者日衆。校舍亦日增。近已達六百餘人。內大學學生二百五十餘人。中學學生二百二十餘人。附屬青年會學生一百二十餘人。可云盛矣。

(二) 課程之完備

該校程度分大學中學及附屬之青年會等三級。學科中西並重。青年會畢業。得升入中學。中學畢業。得升入大學。大學分醫科、理科、文科、道學科。大學院科。醫科五年畢業。可得博士學位。理科文科各四年畢業。可得學士學位。道學科三年畢業。欲更求高深者。可入大學科。肄業又三年畢業。可得碩士學位。

滬江大學

滬江大學原名浸會大學。創辦於清宣統初年。亦美人教會。在中國創辦大學之一也。先是美國浸禮會。在滬東楊樹浦購地數十畝。設一神道學校。以供教中人研究道學之用。其時限於神道。各種科學均未完備。故來學者亦無多。後乃兼收教外生徒。增設英文及科學等門。來學者於是日衆。復又在校外購餘地百畝。並在各地設立預備學校。中學凡七。高小二十。初小一百九十九。於是負笈來者益衆。今則大二學。約三百餘人。合各附屬學校。約五千四百餘人。大學正科。係分科制。共分五科。爲文科、理科、社會科、神道科。以及國文專修科。大學畢業後。均授學士學位。蓋其得美國威其尼省教育部之承認也。校產共計金洋三十萬二千元。今分錄如下。

項目

價值

原有校基 (一百六十五畝)

八萬元

新購校基 (一百二十五畝)

六萬元

晏堂

三萬九千元

斐堂

二萬二千元

體育館

二萬二千元

寄宿舍

五千元

膳堂

五千元

校門

一千五百元

梅堂

六千元

醫院

六千元

教員住宅
(六處)

四萬元

藏書室

九千元

科學用品

六千元

學生生活亦殊活潑。有軍隊兩隊。童子軍一隊。軍樂一隊。此外尚有體育隊、演劇團、英語演說會、歷史研究會、科學會、國文會、聖道班等。校中每月又發行月報一冊。每年終又有年刊。蓋已有歐美各大學之雛形矣。

滬江大學校爲中國各大學中年齡之最穉者。十年之前。校基僅一蘆蕩。前任校長柏高德博士暨萬應遠博士等。竭力經營。始克漸臻完備。至魏馥蘭博士任校長時。則已由開創而入於發展時期矣。茲略述其十年中校務之擴充如后。

(一)學生 當一九零九年該校開辦之時。大學學生四人。中學四十五人。本年大學學生七十八人。與前爲二十與一之較。中學一百三十五人。較前可三倍。按十載之中。學生年有增加。惟一九一〇年。曾較上年度減少一人耳。

(二)程度 當開辦之時。中學之科學。悉用中文教授。自一九一〇年迄今。中學除一二年級以外。均用英文原本。大學於一九一六年。採取分科制。其目凡四。曰宗教。曰文學。曰科學。曰社會學。(國文專修科於下學期開辦)六年前大學一二年級所用之科學。今則中學三四年級。於一學期中畢之。(自下學期起大學修業年限改爲五年)

(三)課外作業 學校生活。與歐美大學相仿。天籟報於一九一二年出版。年刊爲一九一六年。畢業生產生青年會。感親會。英文辯論會。中學辯論會。體育會。各種球隊。社會服務團。科學會。德文會。劇社。學生販賣部等。凡此種種。均足激發學生之自動。而使校中之生活。益濃厚有興趣。

(四)經費暨附屬學校 校產(原有校基一百六十五畝。本年新購校基一百二十五畝。校舍十六幢。及藏書室。科學部實驗室。體育館中之器皿)約值三十萬二千餘金。經常費每年九萬一千一百金有奇。以學生二百人計算之。每人應納費四百五十元。始足出入相抵。今則每年學膳費。統計不過一百二十五元。約占校用四分之一。有強。他如附屬該校之小學。共一百九十九所。高小二十。中學凡七。學生總

數。達五千四百有八人。

同濟德文醫工大學校

同濟德文醫工大學校。開辦於一千九百零七年。成立之功。當歸於德國前任駐滬總領事威廉克乃伯博士。蓋建設此校之計畫。乃博士與東方著名醫學大家寶隆先生所定。維時在德國教育界最有勢力者。爲內閣總理阿而托夫君。厥後博士回國。經營校事。亦得其助力。此三人今皆物故矣。時校舍未建。先在寶隆博士等所創設之同濟醫院（後改名寶隆醫院）對門。僦西式三層樓房三座。卽白克路二十三、四、五三號也。當時功課。惟德文。漢文。及醫預科。德教員三人。沈德來。博士任德文。大學教授諦部君及阿門君任醫預科各種科學。後阿門博士回國。未幾卽得德國學校工廠書肆無數贈品。如掛圖。標本。顯微鏡。器械。書籍等類。其中最可貴者。爲解剖與生理之掛圖。乃摹繪自柏林大學。故此圖除柏林與上海外。爲他處所無。惜教室甚不合式。因門戶既窄。窗牖又少之故。至空曠草場。則更闕如。學生課餘。非在室自修。則徘徊戶外而已。幸此時於寶昌路南。金神父路西。華界法華路。購得一隙地。面積十二畝。堪以建築校舍。惟其地荒蕪殊甚。無路可通。江海關道。特爲築一石路。始可出入。開學之始。兩江督院選派陸軍小學及陸師學堂學生十人來學。至一千九百零八年。學生人數大增。報名逾額。錄取者。僅得其半。蓋無地可容也。於是而教授精神亦爲之一振。德文科頭班十二人。無二班。而三班人數甚多。遂分爲二。威多

福君授三班之德文。用陪來朱氏之教授新法。化學家那薩安君。担任德文科化學課程。亦採用此法。又聘陳巽倩編修(補)宗伯高教諭(嘉謨)來授各班漢文。兼長齋務。駐滬領事館書記官。前軍艦曹長尺梅爾君。則授體操。唯教習人數。尙未能敷。不得已。每星期五時。將醫預科及德文科頭班。合上一堂。而諦部與阿門兩博士教之。阿門博士授博物及顯微鏡學。諦部博士授實驗化學及物理。其中撥出一時。用爲造就學生普通知識者。乃初桃談論之鐘點也。所授者。爲術語學、行星學、地質學、礦物學、地理學、氣象學、天文學、結晶學等。其餘鐘點。則沈德來博士任之。如德文、平面幾何、植物、歷史、地理等科。雖人少課多。然學者均孜孜不倦。足使教者心悅也。開學之後。兩江督院續送學生十五人。山東撫院亦遣三人。中國紅十字會資送十人來學。學生人數爲八十二。當一千九百零九年之始。方興之學校。忽遇困難。克乃伯博士籌款於柏林。邊遣不愈之症。總理寶博士。甫自德來。又一病不起。於是一切進行爲之停頓。幸而福沙伯博士至申。繼任總理。苦心維持。竭力推廣。至一千九百十年暑假內。校舍業已落成。凡授課之堂。辦事之室。藏書之樓。閱報之處。寄宿之舍。接待之所。以及膳堂、浴室、廚房、病舍、操場。無一不備。沈德來博士與諦部博士。遂督率校役。將書籍儀器。及一切什物。運入其中。完全無缺。假滿開學。除醫正科生在寶隆醫院實習。並住宿外。凡醫預科及德文科諸生。與德教習二人。漢教習二人。在法華路校舍住焉。一千九百十二年。又增建房屋二所。一爲醫預科課堂。教授解剖學及生理學。兼貯教科標本圖書等類。一爲第

二宿舍。可容學生六十人。寶隆醫院旁。亦購置西式樓房一所。專備醫正科生寄宿。一千九百十三年。校中增設工業一科。該校之進行。其大者。厥有二端。一卽工科與醫科所設之德文科相聯合。二則由校董會議決。於原有三級之德文科外。增設一級是也。經此擴充。又增購地基於校舍之旁。爲工課堂及機器室等。建築用地。合之德文科醫科原有之地。共三十一畝。德文科堂之南。增建教授室四楹。爲化學課堂。化學實驗室。兼應後日增設德文課堂之需。又將第二宿舍。向南接築。使足容生徒百廿人住宿焉。醫院內。建築病理學與衛生學之課堂。落成而裝置X光線之室。因須增建第三宿舍。及雨中操室。與運動場。又購入大宗地基。以是全校基址。遂有四十七畝五分之廣。適法人新闢一大路於校東。而該校交通益甚便利矣。六月。德文科監督林不雷博士辭職。柯樂維康博士繼任。暑假時。二次革命軍進攻滬南製造局。校中雖不免有流彈墜入。而屋宇器具。並無絲毫損傷。醫正科病理學及衛生學課堂。於一千九百十四年告成。其翌年。監督柯樂維康博士辭職。以費提克博士繼任。暑假時。歐戰發生。實爲該校進行之一大頓挫。蓋多數良好之教習。均因此而去校焉。所幸德人之留滬者尙多。一經聘請。如大學教授密勒博士。誦部博士。庫洛士博士。惟爾開君。發利敵立虛君。寶爾君。何士德君。無不聯袂偕來。故離校者雖多。假滿仍不至於停課。後青島開戰。青島之特別高等學校停辦。生徒悉轉入該校。是年承中國紳商名人。慷慨助。得建第四寄宿舍。有裨於該校不尠。如貝潤生。周宗良。邱渭卿三君尤最。一千九百十六年。生徒

又增。數約八百左右。德教員四十餘人。漢教員十人。於是德文科班分爲四年卒業。時該科生徒極多。故每班分甲乙丙課堂面授。如由德文卒業。欲入醫科者。須於醫預科學習二年。然後入寶隆醫院實習三年。欲入工科者。無預科。惟正科四年。即可卒業。該校內設有工廠。各種機器俱全。工科課程。有電學。機械學。槍砲學。土木工程學等類。去歲中德絕交。法人會以他故封閉該校。乃遷至吳淞。改名中國公學矣。

澄衷學校

澄衷學校。於光緒二十五年己亥九月。由葉澄衷捐地二十九畝。規銀十萬兩。創設於美租界塘山路。至二十七年辛丑正月。校舍落成。定學額一百四十名。不收學費。後因經費不敷。始酌徵之。至二十八年。設尋常小學五班。高等六班。翌年始設中學班。學生增至二百八十餘名。至今則有初小八班。高小五班。中學預科一班。中學六班。學生多至七百餘人。教法完善。規模廣大。成績卓著。該校又注重體育。故運動甚佳。籃球。足球。三項。爲海上各中學之冠。今年滬屬高小聯合運動。又得第一。聲聞愈著。葉公之惠園。可感。而承其事者。亦可佩矣。

江蘇省立第二師範學校

江蘇省立第二師範學校。舊址爲龍門書院。係蘇松太道所建。湯塾先壽潛任校長時。徇滬紳之請。始改爲師範學堂。經費由蘇松太道任之。故三屬人士。咸得與於弟子之列。設監督一人。初爲沈信卿。恩孚。繼

之者袁觀瀾希濤夏琅雲曰。初設正科三年畢業。簡易科一年畢業。光復後改制。以賈季英豐臻爲校長。設本科第一部四年畢業。第二部一年畢業。惟中學畢業生入之。入第一部者。須經預科畢業。預科僅一年。須高等小學畢業者入之。然每屆招考。投考者輒三百餘人。故入校極不易。校設附屬小學。本名二十二舖小學堂。在劉公祠內。今移於尙文路者。稱附屬小學校。第一部係守備署舊址改建。而于劉公祠內設第二部。以師範校長統轄一切。另設主事一人。以專其責云。

上海公學

白克路上海公學。係民國六年由金驥臣陳漢卿等發起。並由滬商邱渭卿榮宗敬及前安徽都督柏文蔚之贊助。公舉前寰球中國學生會日校校長楊德鈞主持校務。慘淡經營。不遺餘力。內分中學高小國民三部。創辦之始。卽有學生三百餘人。遠如南洋羣島之僑商。亦遣子弟來學。所請教員如錢印雪李碩林許松雲輩。皆一時名宿。嗣以學生人數較前更多。蒸蒸日上。將與民立南洋諸中學並駕齊驅矣。

留雲學校

德宗季年。清廷以豫備立憲詔全國。其所列清單。首以籌設初等小學爲先務。蓋爲普及教育計也。各地地方官。迫於功令。多就原有神廟祠宇。懸一額。僱數人以塗飾耳目。紳士輩復揣合上意。視祠廟公產爲砧上肉。繙流黃冠之儔。羣起自衛。於是分途歧趨。各設學校以相抵抗。實則興學其名。權利其實。固不值

識者一哂也。惟滬南留雲蘭若則異。是該寺住持僧密通。在家時本薄有資產。披剃後俱以之助寺中。丙午冬。羣議紛起之際。密通率其徒印廣。東請滬上富紳周金箴。朱葆三。虞洽卿等。述其素志。願破產興學。並聲明課本悉遵部章。不參釋典。惟托跡方外。未便擔此重任。致招物議。故求諸檀越主持。至開辦費歲出。約以千金爲率。由該寺獨任。不需外求。周董等嘉其熱誠。乃爲之訂校章。聘教員。定名留雲學校。稟於邑令。轉詳提學使立案。初定生額爲六十名。所聘校長。爲汪錫增。教員管肇奎。戴兆熊。王師曾。張耀陳。因吳衡汪志達諸君子。悉係學界明星。化雨春風。至今猶稱頌不置也。

工部局之教育

上海一隅。自闢爲租界。外人經營。不遺餘力。若道路警察火政飲水等事。無不爲各埠之冠。惟教育一途。尙未十分發達。自西歷一千九百零二年。由工部局發起。經納稅西人之董事會議決。在租界分四區。設立四公學。教授租界中華人子弟。旋於一千九百零四年。首先開華童公學。是爲北區公學。校址在愛而近路。克能海路轉角。一千九百十二年。開設育才公學。卽 Ellis Kadoorie Public School for Chinese。因其地基爲西人嘉道理君所捐贈。故西文名嘉道理公學。是爲西區公學。校址在卡德路。山海關路轉角。一千九百十六年。開設聶中丞華童公學。因其地基爲聶中丞緝渠所捐贈。故名聶中丞公學。是爲東區公學。校址在培開而路。一千九百十七年。開設格致公學。因其地基爲格致書院之舊址。故名

格致公學）是爲南區公學。址校在北海路。四公學學額。每校均以四百名爲限。學費每年四十元。章程悉照英國公立學校辦理。內容大旨與西童公學相仿。程度自國民小學校至大學預科畢業止。中西並重。每星期授課五日。兩日半授中文。兩日半授西文。四公學之校長。均西人任之。華童公學爲康普君。育才公學爲陶偉君。聶中丞公學爲推納君。格致公學爲雷那君。四公學以華童開辦最早。故考入英國開橋大學（Cambridge Locals）者。已有三十餘人之多。自去年起。改考香港大學。華童與育才各考取五人。聶中丞與格致二公學。因開辦未久。故尙無人投考也。

洋文書院

洋文書院。爲西人藏書樓。所藏各書。均歐籍。院在南京路之市政廳。藏書有三萬餘卷之富。各科俱備。會費每年十六元。半年九元。每季五元。每月二元。華洋人均可入會。已入會者。入覽借出均可。會員換書時刻。每日午前九時至午後一時。午後二時半至七時。星期休息。其附設之閱報室。備有英美月刊週刊。華洋人均可入覽。不須納費。

博物院

一徐家匯博物院。徐家匯天主堂之廣庭中。蓄動物一二種。樓下貯魚鳥獸類之枯骨。樓上陳列者。有蟲蛇等類之皮骨數種。蛇類中有四足蛇。一長六尺餘。全身作灰色。其卵酷類鷄卵。浸於酒精中。又有一

鳥。自湖北飛來。被教會中人獵獲者。羽毛淡黃。燦爛有光。首小身修。而尾可長三尺許。又有方磚一。中央有石影作山峯狀。又似石塔。聞得自宜昌。如有介紹書。由教士允許。可入覽也。

一公共租界博物院。院設在博物院路五號樓上。室凡二間。右貯獸類。如犴貓。狼。豹。猴。豬。刺蝟等。及貝介。蛇。魚。類。左貯禽類。大半中國產。蛾。蝶。鳥。卵。鳥。巢。之所。有一怪獸。長約三尺許。高二尺餘。體似牛。毛作黃灰色。鹿頭無角。蹄如馬。尾尖細。芄鬆如獅。此獸自北京來。西名大關鹿。又有一魚。失名。長尺有半。體扁色灰。足有四間生蹼。嘴扁如鴨。尾短若狸（編者按即鱷魚）又有一鳥。名華麗鳥。西人稱天堂鳥。高不及五寸。喙尖。遍體作墨色。惟胸前略帶翠色。尾似孔雀而小。兩翼緊闔。背上別生一翼。如摺扇之高張。胸前又有一翼。稍小。略帶翠色。此鳥得自爪哇。又有木製模型。首象身豬。且有長鼻。為一千八百九十四年。產於江都者。入覽並無售券。唯星期日停止觀覽。

童子軍

童子軍始於十九世紀末葉。南非洲英國陸軍中將貝敦保氏所創設。滬上之中國童子軍。則始於一千九百十二年。發起之人。為工部局華童公學校長康普君（英人）即以校中學生。編一模範隊。初僅六人。旋學生投效者漸衆。始組織一小團。即今之上海第一團。亦中國第一團童子軍也。其後繼起者有青年會中國學學生。即今之第二團也。聖約翰大學生。即今之第三團也。滬江大學學生。即今之第四團也。聖

約翰青年會學生。卽今之第五團也。一千九百十五年。遠東運動會。舉行於滬上虹口公園。內有童子軍大操之節目。（所謂大操者。僅以上五隊耳。）及務服於會場中者。一星期。精神活潑。招待周到。由是國人始知有童子軍三字。後服務於各大會場（如哈同花園等）大爲國人所贊許。於是各校繼起。現經總司令部認可者。滬上有二十團之多。滬員約一千五百餘人。分城內租界兩大區。租界又分東西二區。西藏路以東爲東區。西藏路以西爲西區。總司令部設於某校。總司令爲英人羅賓孫君（卽第一團團長）。去年十一月。因津直水災。童子軍籌款助賑。特開大會於張園。全滬童子軍。自黃浦灘經南京路。整隊直達張園。工部局定章。凡四人之橫隊式。滿百人者。除萬國商團外。不能過南京路。童子軍因名譽甚嘉。爲工部局所特許。同時盛氏出殯。以總商會之名義。費十萬元之代價。竟不可得。童子軍毫無憑藉。乃昂然列隊而過。亦研究上海掌故者。不可不知者也。

學界燃犀錄

滬地教育。素稱發達。然亦有專藉以牟利者。卽以新開路一帶而論。資格最老者。如白克之競雄女學校。靜安寺路之寰球學生會附屬學校。大王廟之和安學校。以及派克路之養性女校。皆開辦多年。成績亦多可稱。此外則多屬無業少年。覬覦上列各校學生之衆多。遂亦假辦學爲生活。如某校某校者皆是也。某校辦學者爲曹姓。實一羽士。右手瘋癱。人皆以拐手呼之。某日夜學校。則爲某行西憲應某設立。此輩

之學識經驗。無庸贅言。究其能如此大膽。則必爲小有才者之經營。詢之三校。皆以黃某對。黃蓋本城學前街某高等小學未卒業生也。粗通文理。心術狡滑。或唆此校攻訐彼校。更由彼校破壞。或使一校而分裂數校。皆黃之力爲多。余曾至各校參觀。並索閱章程。其中謬誤甚多。傳單韻言。多不歸韻。卽語句亦多不通。其程度實在普通商人之下。據葛君修甫云。此項章程紙貼。尙係倩人捉刀。若令此輩行文。恐字未成行。卽笑話疊出矣。誠如葛君之言。則此輩誤人子弟。尙堪問耶。所稱某爲師範畢業生。某爲女子師範畢業生者。皆如前清捐班例。憑空虛銜也。因恐人受愚。故言及之。求學者其稍加意焉。

學校之注重運動

十餘年前上海各學校。多新開辦者。各有不可一世之氣概。極注意運動。春秋佳日。各開盛會。校旗招展。軍樂洋洋。士女傾城。觀者若堵。興高極矣。年年如此。久而生厭。又朝旨煌煌。方以變相的科舉。消磨人才。致文弱書生。還彼本來面目。甚至有終年不過上操場一二次者。運動之會。一時無聞。民國創始。人心厭亂。亦未注意及此。不料近來因感遠東運動會之潮流。省立各校。年年會於金陵。各以奪得錦標爲榮。於是各校之預備競爭。極爲劇烈。聘請專師列入正課。真有枕戈以待之氣象。卽市立鄉立各校。亦年開聯合運動會。軍國民教育。遂普及於滬上各校。最奇者。徐匯公學爲天主教所立。而獨注意於中國之拳術。此亦快事也。

一五 報紙

發行日報之開始

吾國向無報紙。祇有邸抄。卽王荊公所謂朝報。識者卽指爲報紙之濫觴。然其內容。第及朝政。不涉民事。僅有實錄。並無引伸。不足云有益於社會也。有之自上海之申報始。該報創始於前清同治十一年三月二十三日。是爲出報之第一號。至光緒二十六年十二月二十六日。已滿一萬號。迄今又將念載矣。自該報出。遍傳各省。風氣遂開。於是若廣州。若漢口。若天津。若福州。若甯波。接踵以起。流行益廣。至民國而滬上報館愈盛。然忽起忽滅。未能久立。存者皆屬晚生。其足以略窺吾國四十餘年來之故實者。舍該報莫屬。卽今日一般無知識之婦孺。不問何報。皆呼曰申報。亦其開創獨早之故也。

報紙之體例變遷

我國之有報紙。自以上海之申報爲鼻祖。雖稍後。又有字林滬報。與之對峙者。達二十載。然滬報消息。陳舊印刷。惡劣。遂有難語抗衡之勢。光緒癸巳。新聞報出世。價廉而取材新穎。後來居上。幾奪申報之席而有之。至今商界廣告。以此報爲中堅者。職是故也。報紙體例。亦有可言者。在戊戌以前。二十餘年。陳陳相因。完全不改其常度。封面所刊之論說。大都不外尊王攘夷之宗旨。百日變政期內。德宗提倡輿論。諭准指陳得失。始各昌言無忌。而泥城橋且有昌言報之設矣。迨西后復政。革新返舊。瓜蔓及乎報館。當時上

論中有上海報紙、莠言亂政、係斯文敗類、云云。雖未克實施封禁。然詞鋒頓斂矣。又科舉時代。每屆鄉試之年。各報於揭曉前。必延聘科甲老手。擬作江浙闈題文。刊登封面。以代論說。相沿成例。放榜之日。題名錄先由電局錄示門牆外。當晚已排登報端。此際凡與試之戚友等。亦必購閱一份。銷數陡增。價亦較貴。亦一投機性質。而舉國之沈溺於科舉夢者。亦可見矣。其他所刊。多委巷瑣談。本外埠雖略分層次。然逐段標題。多帶文學意味。如（春明夢語）（虎阜鐘聲）（歇浦秋潮）等。日日翻新。隨地點綴。在中流以下之人。驟讀殊多費解。不若今之直稱某地本埠。較易尋閱也。

報界雜述（一）

上海為全國第一通商大埠。又為全國輿論之中心。凡諸改革。皆視此為發源地。蓋目數十年來而已然矣。至前清末葉。報紙勢力。漸呈偉大之象。清室竟因之而亡。袁世凱稱帝。報界不贊成。卽至傾覆。此其最著者。以故收買報紙及賄通主筆之事。時有所聞。或竟獨出巨資。創辦一報。為一人或一派之機關者。亦所在多有。國人不察。任閱一報。卽曰此輿論也。真象也。則未有不為所蔽者。茲將歷年報界之概略。述之於次。亦談故實者所不可不知也。

（日報）上海有日報。自以申報為首創。今已四十餘年矣。繼之者除太不著名者外。則為同文滬報蘇報及新聞報。同文滬報亦歇業多年。當時亦於國家社會上。無何種關係。蘇報則含有革命意味。不久卽被

封禁。新聞報則注重紀蘇滬浙最近各處之事。蘇浙風氣較內地開通獨早。以鄰近易於接觸之故。多欲購閱。此報之印象。遂久含於多數人之腦中。至今凡茶樓酒館浴室理髮店以及各商號。並與滬上各業之有關係者。莫不有新聞報一份。其遠因蓋如此也。後以告白日多。遂不啻以告白爲一種正式公布之機關。較新聞爲正確。人以有利害關係。尤不能不閱。至申報則以資格獨老之故。凡婦孺之稱說何種報紙。皆名之曰申報。近則凡登告白者。動曰曾登新申兩報。爲固定有效之名詞。民國元年。後進之民立報。以革命有大功。銷數驟增。直駕新申兩報而上之。癸丑隨民軍而失敗。至今仍爲新申兩報。執報界之牛耳。時報則於庚子唐才常等失敗後。以辦糧台餘款。創設之。後康有爲辦保皇黨。遂以該報爲機關。至今亦幾歷二十年矣。其間之中外日報輿論報南方日報神州日報天鐸報。及光復後之民權等報。無慮數十家。今除神州尙存外。餘皆消滅。護國一役。以新設之中華新報爲最有力。時事新報次之。但至今銷數亦不多。以人多以黨報視之故也。

(雜誌)變法維新時代。有時務報及代銷之清議報。(日京出版滬地發行)皆爲革新政治之報。至梁啓超之新民叢報出世。改革思潮。爲之銳進。後因宗旨一變。而與之對抗者。有日京出版之民報。第滬上不多見耳。後梁氏復辦國風報。名亦頗著。總之上海銷行之雜誌。以言勢力。當屬新民叢報。以言持久。則爲東方雜誌。外此率出數期即停。無甚關係。就中惟在滬發行之甲寅。尙有引人注視之點也。

(號外)凡日報遇有特別緊急專電之新聞。不及待至翌日印出。而即時刊售者。曰號外。蓋日報於出版第一日之報。曰第一號。故其間不按日而增出者。謂之號外。沿用日本之名詞也。此項號外。在昔則謂之傳單。送人閱看。至號外則必取銅元一枚。由報販躉購而轉售。沿途叫賣。所入甚豐。後奸商常以影射報館之名。刊數條已見之新聞。亦充號外以騙錢。致號外之信用頓失。警政不良。抑可慨已。

(小報)三十年前。即有一種所謂小報者。專紀風月。為名士之消遣品。篇幅約占今日報四分之一。後以繁華報為最有名。自是小報常有十種左右。至南北議和。始有一種變相之小報。篇幅如小報之大。而紀事評論。則專為平和。全張無告白。派人贈送。不取報資。蓋純係北方一派人之政法作用。又係一時的而非永久的也。創始者為平和日刊。主之者為閩人林萬里。以其形式精形。與大報異。故謂為變相之小報。

(通訊)前無所謂通訊之組織。有之自戊午編輯社始。蓋前之路透社。東方通信社。中孚社等。皆以電報通信。此之所謂通信。則指印刷物而言。日以消息送交報館。只望其登載。不求其酬金。而勢力常較日報為大。例如甲乙兩報。各銷萬份。苟兩報均登其消息。則該通信。不啻銷至二萬份。雖該兩報所銷有重複之處。不能即以二萬份計。然決在萬份以上。可知。况他埠報紙。亦多照登。其傳播之力。自大社之組織。又較日報簡單甚多。故聯合通信社。平和通信社。國民通信社等。皆繼之而起。亦報界最近發生之利器。至

不取酬金。自屬一時例外。非常軌也。

(小說報)以雜誌體裁而專載小說者。以繡像小說爲最著。以禮拜六(卽週報)銷行爲最多。以小說月報爲最久。其餘報名甚多。不必備述。

(畫報)畫報最爲婦孺所喜閱。清末曾有人行之。不久卽停。繼之者亦無甚聲望。近則惟世界畫報有持久之性質。但係冊報而非日報也。

(白話報)最先主張用白話作報者。爲李辛白之中國白話報。中隔八九年。曾一度廢續爲之。惜亦不久。近則新青年專提倡白話矣。

報界雜述 (二)

十餘年前之申報及新聞報。皆用有光紙。其篇幅適合商業櫃台之大。商人就櫃台展閱。甚爲便利。卽此一端。可見當時新聞家之智識。專注重於商界。凡政治上社會上之事。不甚措意。故此兩報之銷行及廣告。以商家爲多。其歷史之關係。蓋已久矣。

廣告之術。本係專門。而吾國報紙上之廣告。則從無延專門者任之。故登廣告者。非出絕大之廣告費。則收效甚小。幾等於未登廣告者。然實不經濟之甚也。惟光復後之太平洋報。以廣告雜於要聞之中。配置合適。爲廣告界開一新紀元。此後不聞有嗣響矣。

西文報

上海報界至爲複雜。文字有華文日文西文。國籍有英美日德。自對德宣戰後。德文報已消滅。而刊印華字之報紙。亦有爲日本及他國之機關者。茲將西文報紙。敘其概略。度亦留心輿論界者所欲知也。

字林西報。The North China Daily News。此報出版於上海有年。純爲上海英商之機關報。並工部局之機關報。故工部局之報告。皆每期附送。持論偏於保守。其意見有非吾國人所能全贊同。然其內地之通訊。報告內地之消息。較滬上諸報。尤爲靈捷。後部關於金融經濟之狀況。報告詳細。頗有價值。每年報費廿四兩。

字林西報週刊。North China Herald。此報卽字林西報取日刊材料之重要者。每週刊行。以便閱者存儲參考之用。每年報費十三兩。

文匯報。Shanghai Mercury。此報係晚報。英人主撰。在上海西字報界資格頗老。持論穩健。批評吾國事情。尙能持平。惟內地通訊較少。并無專電。是其缺點。每年報費三十元。

大陸報。The China Press。此報係上海惟一之美人機關報。出版迄今七歲。行銷頗廣。對於中國事情。頗能持平立論。材料豐富。通訊專電。應有盡有。每星期發行增刊一次。載各種有趣小品文字。平時插圖頗多。尤爲特色。報費每年念三元。

最初之告白費

偶閱同治壬申年申報。載當時該報告白刊例。凡足五十字或五十字以內者。刊一天取資二百五十文。第二天一百五十文。如多十字。照加錢五十文。一禮拜後。每字照第一天減價一半。西人之告白另議。當時登者寥寥。以視年來廣告之發達。刊資之增昂。已有天壤之別矣。

報界之今昔觀

我國之有日報。實發源於澳門及香港。然所刊係西文或中西合璧文。若以純粹華文論。自以上海之申報爲開山祖矣。當其初。摹路藍縷。日印數百份。每份僅一紙。售價五文。除洋行及有拍賣與先令磅價關繫之華商訂購。長年外。剩餘之報。逐日雇人挨戶分送。受者亦不歡迎。甚有厲色峻拒者。比月終收取報資。多寡不計。唯唯承顏。幾同沿門托鉢。當此時期。父老且以閱報爲子弟戒。視爲玩物喪志之一端。故館事簡單。兼印書籍。所稱申報館聚珍板者是也。卽新聞報肇始數年間。亦有祥記書莊之設。蓋亦視此爲副業之出品也。甲午而後。中日交涉。人人先觀爲快。雖所載亦多浮誇（如劉淵亭夜壘陣等）。然究勝於街談野語。銷數既增。廣告因而發達。戊戌之際。鼓吹新政。已隱操輿論之權矣。庚子拳亂之變。江鄂二督倡東南互保之約。卒免騷擾。實報紙持論嚴正。斡旋於無形之中。厥功尤足多焉。然南北梗阻。消息隔闕。百貨停滯。廣告衰歇。閱者因而銳減。報界於此際。最感苦痛。卽戊戌以迄辛丑。四年間。旋起旋仆之短期。

報亦記憶不全矣。(按梁任公著有各報存佚考)至傳播革命者自蘇報失敗。民呼民吁。前覆後起。鼎革之交。言論大昌。海上報紙如雲。有清遜國。實文字先驅之功也。而尤以民立民權二種。立論既深。恢乎人心。卽小品短評。亦縱橫恣肆。有泛應曲當之妙。惜癸丑以來。一落千丈。乙卯秋。始有討袁之中華新報。嗚呼回首前塵。愈增抑鬱。所喜報紙一項。已成一種專業。以視二十年前之陳迹。不可謂非與論機關之進步也。

報紙評劇之溯源

中國戲劇。昔日士大夫多鄙不屑道。晚清以來。國人醉心歐化。事事皆摩仿西人。又以西人以戲劇爲社會教育之一。於是中國改良戲曲之說。漸次勃興。上海之時報。首先登載劇談一門。此爲上海各報紙評論戲劇之濫觴。主筆政者。爲徐半梅。報中署一(呆)字。每日僅一則。寥寥百餘字。或僅數十字。其地位在第三張新聞之末尾。略如今日之時評。自是而後。作者踵起。然各小報優爲之。而大報則未之見也。民立報全盛時代。日出畫報一紙。內載戲評一則。皆出鄭正秋之手。正秋善屬文。其以評劇獲盛名。自此始也。

報窟

十餘年前。英租界廣西路寶安里。一報窟也。屋宇軒廠。几窗明淨。小有花木之勝。自來報館之僦居於其中者。不可以縷指計。吾儕旅滬日淺。見聞較隘。僅就所知者。如笑林報。如花世界。如上海報。如風月報。如

國華報。如陽秋報（以上皆小報）如官商日報。如娜嬛雜誌。如醫學報。如國魂報。如浦東同人會報。如春申報。即最赫赫之民呼報。亦發軔於此。人傑地靈。洵當之無媿矣。宣統末年。當有陽秋花世界兩報。陽秋光復前數月。因案被捕房發封。繼而花世界亦遷移。（光復前亦停刊。說見捕房懲罰小報文內）偌大之報窟。至民軍起義。竟與清室之大好山河。隨與俱滅矣。

寶安里與小花園。望衡對宇。於繁華世界中。別有曲徑通幽之勝。小花園舊爲西人住宅。馬路紆迴屈曲。古木陰森。畫檻層樓。高矗林表。是塵俗中之一片清淨土也。自西人他徙。而滄桑爲之一變。酒館累累焉。碰和總會累累焉。旅館累累焉。妓院累累焉。（其時妓院雖多。然皆在小花園內。且不若今日之多）光緒之末。小花園茶館開。而其地愈臻繁盛。於是書畫研究會。雅歌集票房。相繼發生。遊人如織。洵一時之盛。寶安里報館之綿綿不絕。實以小花園地理之勝而然。惜勝地不常。烟雲過眼。今則過其地。但聞鶯聲燕語。已成混濁世界矣。

望平街之有報館。自新聞報始。今番菜館之北。鑲牙店鉛筆畫照等店。是其舊址也。時在光緒甲午中日戰役後之一二年。其次爲中外日報。其次爲神州日報。其次爲輿論時事報。（輿論時事本兩家。蔡乃煌任滬道時。上海報紙收買幾盡。而兩報遂合併爲一。後又改爲時事新報。）若時報則自四馬路移入。老申報雖報界先進。光緒間猶在三馬路之東首。最後始移入者。若天鐸太平洋。皆後起之秀。民呼民吁。經

兩次惡潮。而價值益增。最後又改爲民立。咸陽一炬。可憐焦土。光復以後。又有共和報發見。其地址雖在四馬路。然距望平街。不咫尺也。其後又有商務報。不久即滅。今新申報又巍然崛起矣。今日者過望平街一帶報館。鱗次櫛比。每晨曦初上。報販肩摩。紛至沓來。勝於寶安里遠矣。望平街地位狹隘。辦報者勢不能不另擇一適宜之地。以爲尾閭之洩。民立報自被焚後。遷居法界之三茅閣橋。法界之有報館自此始。其大刀闊斧之手段。卒以造成中國之革命。民立報實有力焉。今日法界僅有一中華新報而已。江西路三洋涇橋附近。光復前。先有一大陸英文報。光復而後。遂有民權報之發生。繼之者有民國新報。然如曇花一現。不久即隱。餘如英大馬路春申樓之隔壁。光緒末。有一民議報。兩三月即停刊。又山東路之轉角處。袁皇帝時代。辦一亞細亞機關報。後被人擲以炸彈。且袁皇帝壽命既不長。報亦旋逝。麥家圈之國是報。係康聖人所創辦。隨張大帥之復辟而俱亡。棋盤街之民國日報。今復遷居鄭家木橋。要之望平街既無地位可容。不得不另遷。亦事理之所必然也。

七年來之雙十節與報界

▲民國元年 是年此日。革命始告成功。一切建設。均在草創。報界對此莊嚴神聖之紀念日。尙鮮注意。間有出紅報者。然爲數不及半。餘皆不過陳華綺喬皇之頌辭而已。

▲民國二年 是年南北統一。大本粗安。雖南北要人尙多隔閡猜忌。然表面上。固如兄如弟。無分彼此。

且先期由政府頒布以是日爲紀念日。故上海之報紙。無論何黨何派。皆一律慶祝。其典甚盛。

▲民國三年 時袁世凱專國。異己漸盡削平。上海民黨報紙。封閉殆盡。怨戾之氣。溢於四字。報界對於此日。皆頗抱絕對之悲觀。其有慶祝者。亦強爲歡笑。不足代表上海報界之心理也。

▲民國四年 彼時籌安會方爲袁氏鼓吹帝制。各省區皆得停止慶祝之令。上海報界之視此日。無異民國之末日。弔之不遑。賀於何有。故皆消極異常。毫無動靜。唯中華新報於是日發刊第一號。頗震動一時。

▲民國五年 是歲袁斃。黎繼國。國會再集。海上各報。皆興高采烈。慶共和之復活。各報多增刊數張。以示慶祝。且有增刊至七張者。可謂盛極一時。

▲民國六年 去年此日。值張勳復辟之後。段氏竊發號令。以誅鋤異己。對於護法各省。以武力相待。故上海報界亦甚沈寂。唯梁啓超等新得志於內閣。故時事新報。獨放異彩。

▲民國七年 是年此日。南北已成峙立之勢。非法總統徐世昌。以三朝元老。點污首座。上海報界。自無歡迎之表示。間有增加小品。以點綴令節者。想亦無甚意義也。

嗟夫。已往之雙十節。其變態如此。未來之雙十節。又將何如。不禁令人默然以思矣。

記時務報之始末

初康梁設強學會於京師。至光緒乙未九月。又設分會於上海。湖北張南皮制軍。首先捐銀三千五百兩。爲開辦費。滬上諸當道。亦有捐助者。會所設王家沙。既而京師強學會爲言者所讒。被封。滬會亦停辦。康乃議由滬改辦。一報以續會事。時汪康年梁啓超及黃公度京卿遵憲。均強學會會員。憤會之停散。謀再振之。亦以報館爲倡始。於是三人日夕謀議此事。當滬會解散。會中尙餘銀七百兩。（卽張南皮捐款之餘）又將房租已交去一年之租價。收回半年。得洋三百五十元。會中書籍器物等。變賣得洋二百餘元。至是黃京卿復慨捐洋一千元以爲倡。並云我輩辦此事。當作爲衆人之事。不可作爲一人之事。乃易有成。吾所集款。不作爲股份。不作爲墊款。務期此事之成而已。同時鄒殿書部郎凌翰。亦強學會同事之一。志願與公度同。復捐五百元。吳季清大令德瀾。亦鼎力贊襄。事乃大定。丙申四五月間。草訂公啓一冊。廣爲分送。其列名五人。卽黃鄒吳汪梁是也。康年欲與天南遞更爭短。長主辦日報。公度與啓超力主旬報。乃定議。並推康年總理館務。啓超專主撰述。並聘請張少塘爲英文繙譯。古城貞吉爲東文繙譯。至七月初一日出版。報中論列朝政。語多透澈。且極痛快。故風行一時。不逾年銷數達一萬餘份。駸駸乎極一時之盛矣。惟張南皮以語多過激。迹近謗毀。屢非斥之。於是梁啓超遂去滬。繼之者爲雲孟華。亦粵人也是時德宗方力行新政。許人民上書言事。萬機餘暇。披覽各種報紙。見時務報大加褒揚。至戊戌六月。遂有改歸官辦之旨。並諭令康有爲馳往上海督辦報務。汪康年以時務報改歸官辦。不啻被人驅逐。權利剝

奪殆盡。乃改爲昌言報。是年八月。適有頤和園之變。德宗被拘瀛台。六君子被殺。而康之辦報。亦同作無形之取銷。而昌言報不久亦卽停刊云。

蘇報案

蘇報實一革命機關報。主筆政者。爲山陰蔡元培。武進吳敬恆。陽湖汪文溥。衡山陳彝範。因光緒戊戌政變以後。監謗益嚴。國中志士。知非從根本改革。不足以救國。於是有昌言革命者。而蘇報實其先聲也。故華陽鄒容。餘杭章炳麟。所著革命軍及廬書。皆載諸蘇報。爲之鼓吹。適某日該報社論。有載活小醜四字。大吏遂商諸上海領事。列名逮捕。仁和葉瀚。知其事。密告之。蔡吳汪陳皆逸。章獨不行。遂被捕。既而又以書誘鄒至。同受審訊。侃侃自承。不稍諱。外人以其爲國事犯。不允引渡。但以有背租界治安律。判禁西牢三年。鄒體弱。瘐死獄中。章則談笑如平時。期滿得釋。

蘇報案佚聞

光緒季年。滬上蘇報。以提倡革命。排斥滿族爲職志。是報主人。爲陽湖陳夢坡先生。相與周旋。而擔任撰述者。爲章炳麟。蔡元培。鄒容等。後以指西后爲淫媼。德宗爲民賊。獲大不敬之罪。遭清吏封禁。且捕其主任。案發時。陳蔡出亡。章鄒判禁西牢。得免引渡者。領事團之力也。鄒蜀人。年僅弱冠。身羸瘠。竟瘐死獄中。此人人所知。世所稱蘇報案者是也。然其間李代桃僵。頗足資爲談助。當查辦時。清吏稔知爲陳君所設。

務欲得而甘心。密飭偵探喬裝往訪。適該館會計程某出而應客。陳程音同。偵探以爲是矣。遂報捕拘程以去。夢坡乘間得脫。走東瀛。辛亥後始返滬濱。韜光晦迹。不聞外事。而程章已早出獄矣。

華商聯合報

上海之有華商聯合報。起自清宣統元年。創辦者爲甯波人陳頤壽君貽。當報未成立之前兩年。陳以參議中國華商銀行創辦事務。渡海而南。至香港上溯廣州。由廣州回香港至新嘉坡。遍歷南洋羣島。適值荷蘭爪哇一帶巴達維亞。慕月諫里。義文都魯。蘇馬浪。及泗水華僑學堂。均派送學生隨葉子安歸國就學。陳與之同行。由泗水起程。往仰光。安南。緬甸。叻。吉隆坡。霸羅等處。又至派克浪。井里汶。三寶壟。巴達維亞。迄新嘉坡而止。旋由新嘉坡起程回上海。統計所至之地。爲埠十餘。每至一地。與其地之華商開會集議。彼此均以吾國人在海內外者。均未能聯合一氣。未免爲外人所笑。因擬發起一報。以爲聯絡機關。以上海爲交通便利之地。議就上海擇地設立。請海內外各埠商會學堂會館擔任義務。隨時將商學實業分別緩急函電通報。當場之認可贊成者甚多。陳既歸滬。乃告諸李雲書兄弟集貲創辦。並以謀諸金雪賸。陳文甫。張渭占。江覺齋等。以期規畫盡善。而報遂成。發行所在上海四馬路小花園三號。宣統元年二月十五日第一期出版。月出二期。命名爲華商聯合報。其原因有二焉。一以上海各業。若錢絲茶藥布船及米麥魚鹽等業。皆有會館公所。爲聯合機關。下而至於肩挑負販之流。托業雖卑。獲利雖細。亦各有

同行以自相聯合。一則以光緒二十七年嚴筱舫在上海發起創立商業會議公所。二十九年政府特設商部。改上海商業會議公所爲上海商務總會。後此海內外各埠相繼設立。或稱總會。或稱分會。或稱分所者。統計已達百數十處。光緒三十四年上海商會特開大會。召集海內外會議商法提綱。所到一百餘處之商會代表。有欲盡行聯合海內外所有商會。創設華商聯合會之議。陳氏往南洋時。曾將上海商會所擬華商聯合會簡章。攜帶分布。經各埠僑民全體贊成。綜此兩狀。故定名如此。該報之內容。共分十四門。列上諭第一。海內外圖畫影片第二。海內外時事社言第三。海內外紀聞第四。海內外半月大事表第五。海內外要電第六。海內外通信第七。海內外公牘第八。海內外學務第九。海內外商情第十。海內外實業第十一。海內外調查叢錄第十二。海內外比較雜誌第十三。海內外社會小說第十四。此其創辦之緣起及內容。至其銷滅之原因。姑俟異日述之。

小報誌略

上海初未有小報。自申左夢曉生。高窗寒食生。暨現在希社社長高太癡等。評花品葉。倉山舊主鼓吹西部。於是始有小報。而最著者。爲南海吳研人。毘陵李伯元所主持之繁華報。一時有花國春秋之譽。時下名人。如潘老蘭。陳巢南等。亦曾辦過小報者。彼時小報勢力甚巨。妓院戲園。咸視之爲蜂薹。一字褒貶。有華衰斧鉞之概。非若光復以後之小報。價值一落千丈也。辦小報之獲利。一言以刮之曰。敲竹槓。而彼時

之敲竹槓。手段縝密。索價甚巨。今之敲竹槓。咸抱合偷一牛不如獨偷一狗之念。於是每况愈下也。即以開花榜論。昔剛齋主人。取李巧林爲狀元。代價七百番。今人美其名曰花國選舉。而一總統之選出。僅不過百元左右之運動費。且主事者分肥不勻。致自相攻訐。未免爲剛齋等竊笑於地下也。然小報敲竹槓。亦有幸有不幸者。常熟人龐病紅。主持某小報。爲揭破口口補口汁之滑頭。該藥房主人銜焉。翌日招龐病紅宴於一品香。席次出百番爲壽。求其更正。病紅初不慮其有他。欣然收受。盡歡而散。殊不知某藥房主人。已網羅四布。所付之番佛。咸有暗記。既給龐後。卽以被盜報捕。且稟明番佛上之記認。龐尙未知。越三日。龐在晝錦里購物。爲眼線瞥見其洋。卽拘留之。幸龐乖覺。且賴友朋之助。會訊時。龐直認敲詐不諱。始以不應藉詞索詐。罰以重鍰。逐出租界。否則不知伊於胡底也。自後又有登載淫詞。小報被封。主筆被逮者。三四案。於是捏筆流氓之名。大噪滬上。小報之價值。一落千丈矣。

捕房懲罰小報彙誌

小報始於光緒丙申（二十二年）至光緒末年。已成強弩之末。迨至今日。更無價值可言。小報中所載。大都不外游戲諧談。且間涉穢褻語。卽敲詐之事。亦屢見不鮮。故凡側身小報界者。每爲正人君子所不齒。而捕房之對於小報。取締尤嚴。特加干涉。宣統末年及民國初元。小報之被捕房封禁或懲罰者。不知凡幾。茲就所知。彙而誌之。辦小報者。可借鏡焉。

一陽秋報 陽秋報爲任董叔所辦。時吳人有張二者。雄於財。父甫死。卽挾資來滬。狂嫖。陽秋報特贈以綽號曰七裏完。言七裏卽蕩其家產也。未幾其弟張三亦來滬。難弟難兄。同出一轍。陽秋報復贈以綽號曰要緊完。張二見而惡之。倩人說合。願以五十金爲壽。董叔不允。意謂張二之富有資財。區區五十金。又何足云。乃日事詆毀。有加無已。張二亦大怒。乃請各包探。逕訟公堂。董叔聞報。卽先期遁去。新署遂將陽秋報發封。時宣統三年夏間事也。

一笑林報 笑林報至宣統間。爲新舞台伶人夏月珊所有。後月珊以報紙之與舞台。並無何等效力。轉送與邑紳沈縵雲。縵雲組織民立報。而笑林報遂爲民立之附屬品。日出一大張。主任編輯者爲劉東軒。報中有笑話新聞一欄。大都剪錄外埠各報。本不甚注意。用以充篇幅而已。有陸某者。爲笑林報之編輯人。漫不經心。一日竟將淫穢語編入其中。有（我從你前門進來後門進來）等語。不數日而捕房之傳票至。傳主筆到案質訊。劉東軒適丁內艱。回籍。捕房催傳數次。不得已令某君代表前往公堂。以報中登載淫詞。判罰洋三十元。並諭令停版。此宣統三年夏秋間事。

一采風報 采風報主人俞達夫。其形式精神。與今日之飛艇報圖畫劇報。正復相似。不過紙張及印刷之費。告白尙可相抵。編輯者爲俞之弟子湯鄰石。（達夫善畫。鄰石在達夫處學畫者）無一字不剪錄舊報。蓋完全敷衍性質而已。一日又有登載淫詞之事。最奇者其所登淫詞新聞。與笑林報一字不易。蓋

兩方面皆係剪報。故彼此不約而同也。自笑林報案發生。而采風亦遭波及。捕房傳票至。湯則恐懼萬狀。達夫溫諭慰之。謂捕房拘傳。又安可逃。不如放膽前往。如有意外。自有余在。無畏也。既至公堂。判令報紙停版。主筆押一月以儆。時距笑林報案。不過一月餘事耳。

同時尚有花世界花天日報。亦愈達夫之物。其辦法與采風報同。自采風被懲。兩報遂自行停刊。湯鄰石期滿開釋。瘦削不可言狀。彼言在捕房。亦無他苦。惟每日三餐。皆有限制。苦不能一飽。飢腸轆轤。令人難受耳。此鄰石親爲余言者。

一國華報 國華報主人吳大慈。主任編輯者爲徐霽荃。徐吸食鴉片。而花間又少酬應。故每日撰花界新聞。嚮壁虛造。搜索枯腸。至以爲苦。一日有某甲來告新清和三謝口口。(其名今已不能記憶)懷孕已數月。爲鴛母所知。以藥墮其胎。今不幸死矣。徐聞而狂喜曰。此絕好之資料也。乃刻意摩畫。詞多藻飾。翌日復告余曰。吾每日撰花界新聞。語多泛泛。覺太無意味。若清和三某妓之事。乃真新聞。吾不以撰述爲苦。反覺醞釀有味。言次若欣欣然有喜色者。不數日又聞清和三某妓。實無墮胎身死事。方疑慮間。而捕房之傳票忽至。乃遍閱舊報。逐條檢查。實未登載淫詞及他樣情事。何以捕房忽來傳票。一面先將謝妓新聞先行更正。一面託人探聽。後捕房催傳再三。吳大慈不得已。遵諭前往。至則公堂以報紙示之。始知卽爲某妓事。蓋某妓自閱報後。逕向公堂告發也。大慈聲稱此項新聞。前已更正。公堂謂人之生死。未經

查明。豈可任意登載。太無人道。且查該報數月前。因登載淫詞罰洋三十元在案。今兩次過犯。宜加重懲。判罰洋五十元。然報紙未停版。亦云幸矣。事在宣統三年八月。距革命不滿一月也。（按國華報登載淫詞被罰一案。尚在吳大慈接辦之前。其時辦國華報者。爲四馬路盤記號各夥友。主筆何人及何項新聞。今不能確指矣。）

一新笑林 民國紀元。劉東軒復創辦新笑林。舍鉛字而改用石印。（用汽水墨書寫者）報中插畫。卽以各舞台本日戲劇插入。（今之圖畫劇報尙其遺制）閱報者既覺耳目一新。而內容亦極優美。可知東軒辦小報。亦確有能力。出版後。竟風行一時。銷數亦日漸增廣。最多時行銷至二千份以上。此自李伯元後罕有見者。後捕房以新笑林卽舊笑林之變相。舊笑林既罰令停版。新笑林未便任其發行。亦飭令停止。

一滑稽魂 滑稽魂爲甬人夏華貴所辦。編輯之役。華貴自任之。華貴爲章佩乙之高足弟子。佩乙辦中外日報時。華貴卽追隨其間。年少狂躁。膽大妄爲。自辦滑稽魂小報。甫出版。卽向各小報挑釁。破口罵人。然卒無一應者。復以登載牛口二字。捕房出票拘傳。華貴得此消息。遂偃旗息鼓。自行停刊。而此極滑稽之靈魂。竟辭人世而長逝矣。距出版尙不滿半月也。滑稽魂報既停刊。編輯所房屋亦退租。而望平街各店鋪之水門汀。本爲各小報之發行所。捕房至此。無可查究。此案遂爲無形之取消。

一黃浦潮 黃浦潮爲錢莊幫某夥友所創辦。若輩皆年少翩翩。歲入亦豐。平時本花天酒地。見各小報登載花界新聞。或毀或譽。報紙實操有評論之權。豔羨不止。乃釀資辦一小報。延徐馨荃主任編輯。時中華大戲院（今藥風新劇社址）適聘名武生俞振庭來滬。振庭雖武伶。然極好色。滬上某妓。前在京師時。曾與振庭交好。馨荃以此次振庭至滬。與某妓舊雨重逢。其愛情不待言喻。此種理想新聞。本尋常事。馨荃乃刻意描摩。詞極藻麗。中有（深入小港盪彼小舟）等語。不數日而捕房亦出票飭傳。館中得此消息。遂登一極大之廣告。略謂本報主筆某。因事旋里。已於某日出館云。告白中並隱去真姓名。而捏造一僞姓名。一面復將報紙自行停刊。一面復請託茶會中之各包探。令其幫忙。此案亦遂爲無形之取消。以上所記。皆宣統三年及民國初元兩年間事。其他未經捕房干涉者。概不列入。

民國七年之各小報

是年海上之小報。共計有八。以材料之豐富。筆墨之優劣相比。則可分爲三等。上者爲大世界新世界。次爲新舞臺新游戲。又次則爲圖畫劇報電光報鳴報小新聞。茲將各報內容述之於左。

大世界編輯主人爲沈漱石劉山農。以故文人雅士。羣樂投稿。資料自然豐富。加以紙張潔白。印色精良。閱之令人賞心悅目。故其銷數每日在千份以上。各埠定閱者有二百份左右。

新世界編輯主任爲鄭正秋。正秋以劇務關係。故不恆見其筆墨。現主該報編輯者爲奚燕子與張心蕪。

二君賦性風流。筆墨每多狂態。常作杜牧之游。而不覺揚州之夢。故筆墨亦不過作幾篇花史而已。然而花界消息之靈通。非他報所能比。卽筆墨之風雅。亦非他報所能及。海上走馬諸君。大都喜閱是報。故其銷數每日亦有五六百紙也。

新舞臺之主筆政者曰郁慕俠（卽滬報之主任）近來辦報頗得意。蓋得力於鴻福券也。自辦新舞臺日報。得新舞臺之每月津貼。進款益多。於是以小報主筆之銜頭。時時出入花叢。情貌不揚。故跑來跑去。都是我愛平兒。平兒不愛我。郁君不耐。多加毀謗。故信用不著。聞現止有三百張之銷數云。

新游戲在大世界新世界未出以前。曾執小報界之牛耳。今則相形見絀。爲次等之小報矣。主任爲劉東軒。主筆爲謝慧禪。薪水以日計。日取五百文。故其花史。大都出之理想。劇談昔由秋帆君擔任。今則久不見其著作。而作劇談者爲瘦竹君。談評中殊少精警語。第比之新舞臺之多出抄襲。則較佳矣。

創辦圖畫劇報者爲鄭正秋。其出版時計有二張。一張評劇。一張圖畫。圖畫由沈伯誠君主任。風行一時。後正秋創辦新劇。卽將版權贈與詹脈脈。將圖畫一張停刊。唯以木板圖畫插入報中。其評劇大都剪諸外埠各報。有時亦有脈脈之筆墨。其所評各劇。多屬精當。蓋是君本深通劇學者也。惜不多見其著作。銷數每日在百份左右。

電光報主任曰吳大慈。其資料大都抄襲雜誌或外埠各報。唯花史一欄。苦於不能抄襲。不得不每日做

兩篇。空中樓閣。子虛烏有。隨意造幾句。故往往有揄揚某妓若天仙者。實則嫖姆耳。銷數每日止五十張而已。

鳴報主任曰黃估泉。主筆曰陳耕漁。每日銷數與電光相伯仲。材料全張多耕漁之筆墨。文理不甚通順。小報主筆中之最劣者也。

小新聞之主任及何人主筆。政皆未詳。其全張資料均出自抄襲。與電光報相同。銷數亦止四五十張。

續紀海上各小報

前閱恨儂君之各小報一則。言論無私。剔精抉微。詎佩莫名。但於各小報之內容。尙有未盡者。爰就管見所及。廣續如左。

●大世界 該報主任爲孫玉聲。別署漱石生。曾著海上繁華夢說部。風行一時。後爲繁華雜誌主任。大世界未開幕以前。爲新世界報總編輯。後因黃楚九與新世界脫離關係。別建大世界。孫君遂輔之。大世界報亦由此而胎胚矣。更延聘天台山農爲總編輯。其餘名譽編輯。爲樽瘦香如瘦菊滌煩大可穎川秋水等。圖畫主任爲闕君十原。較諸雪泥似略勝一籌。其內容豐富。紙張純白。固不待余之喋喋。惜其交換券自獻歲以來。改爲三十張換遊券一幀。是以大受影響。然每日仍能銷二千餘份。

●新世界 此報主任爲鄭正秋。總編輯奚燕子號蓮儂。海上有第七才子之譽。曾編輯翹魂語雜誌。生

平箸有燕子吟。此次主任該報。實爲正秋所介。編輯者爲桐花、鷓鴣、老白、瘦鵝、野鶴、小蝶、綺緣、切膚、劍雲、花萼、君博、襟亞、秋星、木公、半狂輩。圖畫主任者爲孫雪泥。更有丁悚、杜宇諸君之畫。益見五光十色。故劇談花史畫圖爲各小報冠。其交換券較大世界少十張。惟限期祇可十日。十日之外卽廢。因此不免稍受打擊。現正秋已隸某舞臺演劇。而燕子等亦已脫離。另聘楊君塵因矣。至於報之紙銷數。每日有二千五百餘份之多。（按恨儂君云五六百份實誤）

●勸業場 是報總編輯爲苦海餘生。卽昔日創辦雅言報之劉滄遺也。後辦中華編輯社。當此報籌辦時。欲聘李定夷爲總編輯。以李主任小說新報。無暇兼顧。遂讓諸苦海餘生。該報內容頗有價值。所選之稿大都膏缺毋濫。其中編輯員如箸超、豁公、海瀟、寄塵、蟄叟等。皆一時名士。是以騷人墨客羣相樂觀。其交換券每月可換觀覽券三幀。奈銷數未能十分發達。因此三月甫滿卽告中止。

●友聲日報 此報宗旨與以上各報之性質純然不同。爲寰球學友會所發刊也。以性質言之。爲聯絡友誼。以宗旨論之。爲昌明國粹。主任者爲倪軼池、張織蓀。皆浙東之宿儒也。其中所投之稿。限於社員。若局外人投之。雖有佳作。一概屏絕。現其銷數。并外埠共有一千餘份云。

●新舞臺 該報經理編輯一人兼之。卽辦滑頭滬報之郁慕俠也。後延聘范鸚哥爲編輯。內容稍覺可觀。今久不見鸚哥之筆墨。未知脫離與否。按該報爲新舞臺之機關報。月津貼二十元。故其粉墨場一欄。

對於新舞臺之巨角。莫不揄揚而贊歎之。遇有價值之劇談。偶合規箴意。輒付諸紙籠中。由是爲馬、二、豁、公、小隱、劍雲、義華、鷓鴣、脈脈、秋星、木公等所不齒。間有舍予半狂之佳作。亦逃不出獎勵之範圍。其交換券亦聯號十張。換得戲券一幀。期限一年截止。惟欲交換券時。每張須貼費一角。且非逢星期六。則此券無效。所以該報之前途。殊難發達。聞每天祇銷九百份左右。

●大舞臺 此報編輯者爲劉束軒。印刷雖不及新舞臺之精良。然其資料豐富。較新舞臺略勝一籌。現已休刊。

●新游戲 該報亦爲劉束軒所辦。主筆爲謝慧禪。論慧禪筆墨。尙清順。但亦不過能做幾段花史而已。今兼某小報之校勘。此則困於經濟問題之故。若言報之內容。半係并刀一剪。半係撰述。自新世界大世界暨新舞臺發行以來。幾有一落千丈之勢。唯印刷尙不致糝糊。每日銷數。祇二三百張。

●電光日報 是報開辦。迄今已四歷葛裘矣。可謂小報中之老資格。經理爲吳書箴。卽大慈。最初編輯者爲沈情虎。顧粉郎。是時投稿頗不乏人。如天笑、董叔等。其價值可知。至今竟成一團糟。推其原因。實無競爭心。不圖改良。所以至此地步。昔日之興高彩烈。與今日之冷冷清清。儼然判若兩報焉。嗚呼。所謂電光者。殆成爲讖語也已。

●圖畫劇報 自正秋贈詹禹門版權後。不圖改良。銷數日見退步。其所以能支持迄今者。全賴廣告報。

中戲劇畫均係木板。共三十餘塊。循環排印。因此日積月累。糊塗異常。不堪入目。惟劇談間有脈脈之手筆。尚可寓目。惜訛字太多。逐日銷報之數。止數十紙而已。

●飛艇 該報經理亦爲詹禹門。溯開辦時。能銷一千餘份。可謂盛矣。曾幾何時。新世界大世界勸業場大舞臺新舞臺相繼出版。閱者如入山陰道上。竟有應接不暇之勢。該報自知力不敵。日衰一日。今探得個中人云。每日之數銷。止十八張。亦可慨矣。

●鳴報 是報初爲天外天之機關報。故天外天開幕時。加天外天三字於其上。嗣後天外天停辦。該報不得已脫離。於是天外天鳴報改爲鳴報矣。總理卽黃估泉。主筆爲陳耕漁。筆墨無精采。其價值等於蘇州之吳語報。名不副實。良可浩歎。

●小新聞 此報經理爲顏問生。協理爲吳大慈。編輯亦爲陳耕漁。薪水每月祇得兩元。煞是可憐。雖然論該報之資格。與電光報相伯仲。其時編輯者爲姚民哀。今至觀之。竟判若霄壤。吾不禁有滄桑之感矣。

再誌上海各小報

上記上海各小報。至爲詳盡。殆亦小報中之老斲輪手也。惟其中尙有遺漏。且微有錯誤處。用補誌之。飛艇報創於民國元年。發起者爲李鐵公。鐵公前清官僚也。聽鼓鄂省有年。武漢光復。避地來滬。工詩詞。尤長駢體。人亦個儻風流。暇則涉足花叢。徵歌選色以取樂。於是有創辦飛艇報之議。與其事者爲陳寶

寶詹禹門出版後風行一時。居半載。鐵公以資用困乏。而小報又萬不足以存身。遂去粵。又久之。陳寶寶亦遠去。遂由詹禹門一人獨辦矣。

飛艇報之在今日。已處於殿軍地位。禹門廁身報界有年。滬上各界無一不相識。即各舞臺之經理。如天蟾之許少卿。第一臺之尤鴻卿。大舞臺之童子卿。亦無一而非舊交。無一處而無貼費。飛艇之得苟延殘喘。而不至告終者。賴有此耳。現每日印報不滿二十紙。不過爲登告白者備送閱而已。

小新聞爲吳大慈嚴文生兩人合辦。吳與嚴皆前商務報之夥友。其報即由商務報館承印。印費極廉。不過排字房略給排工而已。又不須房租雜項開銷。吳嚴既同居報館。而兜攬告白。又有近水樓臺之效。商務報既停刊。近向達興公司承印。其性質與商務報同。

新世界大世界兩報之銷數。多恃報尾之交換券。新世界報近兩月尙可售一千八九百張。（前報云五六百張誤）大世界報可售二千七八百張。蓋大世界遊客。近來較新世界爲多也。

按是年尙有新出之笑舞臺體例甚佳。筆墨亦多精警處。惟其內容未悉。不無遺憾。編者附誌。

補誌各小報

上海各小報前已詳言之矣。茲悉尙有兩報爲前報所未及者。更補紀之。

精華週報。爲拋球場精華眼鏡公司所辦。以一眼鏡公司而辦一小報。故純屬廣告性質。每星期發行一

次計兩張新聞一張圖畫一張。於六年舊曆七月下旬出版。其初由天台山農主編。今由鄭子衮主編。鄭爲精華夥友。粗通文墨而已。投稿者概不酬現金。酌量字數多寡。贈送托力克羅克等眼鏡。笑舞台報編輯主任宋懺紅。無錫人。爲南社社員。光復後曾入春柳社。於新劇上亦稱熟手。以之主持報務。可謂得人。其餘如朱雙雲（前後台總理）鄭正秋鄭鷓鴣（演劇員）均有襄辦報務之責。之三人者。則身新劇有年。惟又喜研究舊劇。未免駁雜耳。

據朱雙雲語人云。此次組織笑舞台。兼辦一小報。緣近來上海各評劇家。對於新劇。多加痛詆。對於新劇演員。唾罵尤不遺餘力。吾自辦一報。可藉此以爲抵制之法。且可竭力鼓吹。於營業不無裨益。報尾附設交換券。庶幾座客可望增多。蓋新劇舞台。從無滿座之日。與其門可羅雀。何如廣爲送券。使增加座客之爲愈也云云。

鴻福報

海上有一種報紙。既非小報。又非大報。報止一大張或張半。其編輯也在滬。其發印也亦在滬。而於滬上全社會中。乃絕不一見其報紙。其銷售反在數千里數萬里外之地。此種報頗能風行。蓋效既閉商務報之故智。用鴻福券。贈假金錢。亦今日社會中之黑幕也。此種報無以名之。卽名之曰鴻福報。

鴻福報今日海上有三。曰滬報。曰民粹報。曰中外大事彙報。滬報開辦至今八年矣。而舉行鴻福券則在

近三年中也。其行鴻福券之秘訣。皆得之於商務報之鄒某。行之數月。定報紛來。故主任郁某。遂一躍而成富家翁。去歲續娶妻室。賀客盈門。極一時之盛。嗚呼。誰實致之。金銖餅人之力也。

民粹報自五年夏發行。辦此報者。係商務報之館役某也。資本祇百元。而至年終。獲利有三千元之多。今則坐包車。娶美妾。大非昔日館役之面目矣。

中外大事彙報。創辦者亦昔日商務報中人。係合股而成。非獨辦者也。其出版在五年八月。蓋垂涎於民粹報之獲利。而思爲民粹報第二也。然此種黑幕。行之既久。漸多識破。故定報不及滬報民粹之盛。收利亦不及滬民兩報之豐也。嗟呼。報紙爲開通社會之機關。乃竟假之以餌人金錢。敗壞報界之名譽。實非淺鮮。吾願日報公會。當出而干涉之。以免同胞再受其愚。

按日報公會。曾申明此種報紙未入公會。以免受欺。但未積極干涉耳。

續誌鴻福報

上所誌鴻福報一節。所言贈送金表。其禍甚烈。其遺漏甚多。爰補錄之。

孔子曰。始作俑者。其無後乎。訖於今。追原禍始。商務報之王薇伯。實爲罪魁禍首。正可殺也。王自商務報停刊後。卽挈眷避居吳中。又轉輾至北京東洋。(東洋爲王薇伯熟遊之地)蓋上海實無彼之立足地矣。滑頭下場。如是如是。

當商務報全盛時代。山西路楊家墳山滬報主人郁慕俠。見而豔之。竊其故智。亦發行金銖贈券。此爲王薇伯之第一高徒。行之一年。頗著成效。滬報本情人代印。至此乃辦一手搖機器。購置鉛字。自行印刷。至次年更花天酒地。儼然一報館老班矣。其次爲小高。小高本商務夥友。因事去職。乃於後馬路賃屋一幢。開一民報館。出版僅兩月。除開銷外。可餘一千數百金。乃小高獨具遠見。知滑頭報館之終不可以持久。遂急流勇退。乘機收場。其人年僅二十餘耳。其識見不可謂不高人一等也。

自民報以後。人人皆以此爲發財捷徑。其禍愈益蔓延。子子孫孫。牽乳相生。而民魂民達大華大中華新共和義大聲民粹輿論大公昌言中外時事報中外大事彙報。次第發現。（以上所舉不過就腦海中所記憶者尙可遺漏）然忽起忽滅。此仆彼繼。其中攫得金錢以去者。固不乏人。所得不償所失者。亦正比比也。獲利最優者爲民粹。民粹爲商務報茶房名堯臣者所創辦。開設於老垃圾橋浜北之厚餘當弄。事在五年初夏間。至年終結束。定報竟達九百份之多。計收入共八千數百元。然開銷亦最鉅。堯臣本一目不識丁者耳。剪報需人。校對需人。寫信發報司帳。在在需人。兼以房租雜費等計。每月支用約須五百元。（連送餞在內。此等金銖每打約須洋三十元。然十人中到手金銖者不過二三人耳）然能如小高之急流勇退。則盈餘二三千金。亦意中事也。乃小人得志。遂忘却本來面目。衣則文繡。食則珍羞。擁抱湯排。以旅館爲行轅。至冬間復婚娶一妻。費尤不支。非特造孽。錢化消殆盡。且負債累累矣。六年正月望後。始勉

強出版。然光顧者極鮮。不一月遂宣告休息。

其次爲新共和報。開設在野鷄聚市之勞合路。其辦法除送金鏤外。並訂有招股章程。凡入股者均有特別利益。其獲利雖不及民粹。然亦不惡。其餘或僅能歸本。已云幸矣。其賠蝕血本者。亦實繁有徒也。吾願滬人慎勿學此拐騙行爲。試觀王薇伯本領雖大（王薇伯余曾與之相識確有滑頭本領）自商務報停版後（在上年春間）腰囊如洗。且上海不能立足。小高貧窮如故。現充黑幕日報之編輯員。每月求得數元之薄俸而已。民粹之堯臣。今日欲以辦報爲餬口。固不可得。欲再充茶房。則心有不甘。且多一家主婆之吃飯問題。茫茫前途。正不知如何了局也。

七年春間。尙存四報。英大馬路民豐里之中外大事彙報（今遷法大馬路八仙橋東新屋）廈門路西宰對門之昌言報。法界四明公所後面寧波路之公言報。法大馬路德順里一弄之中外時事報。就中惟中外大事彙報。自六年秋間開辦以來。能顧全信用。定報者金鏤照章分送。而報紙亦逐日付郵寄遞。然正惟如此。目前已不能支持。何況將來。其餘三報。一律停歇。堯臣近又組織一新報。民粹二字。已成戳破之紙老虎。不得不更換名稱。然問津者終鮮。蓋外埠受欺者。已盈千累萬。恐此後無復有人受愚者矣。

統觀以上所述。滑頭金鏤。發源於商務。而種毒實自滬報民報始。滬報爲舊有之報。而民報創自民國五年秋間。尙不滿兩年。其中經過之現象如此。此後必歸淘汰。固不待言。而外埠之斷送金錢。統而計之。正

不知其幾何也。吾故詳叙其事。以告滬人。以上所述。如有虛言。請爛吾三寸之舌可也。

報界人物

王韜。字紫銓。又號仲弢。晚號天南遯叟。吳之長洲人。僑寓滬濱。仕官粵省。以偏袒太平軍去職。遠適重洋。同治庚午。歸自泰西。杜門却聘。閉戶著書。光緒年。曾任申報主筆。月撰論說六篇。月薪七十元。其著作之刊行者。有弢園文集。普法戰紀。瀛壖雜誌。淞隱漫錄。甕牖餘談諸書。旅滬日久。故於滬間談乘。所著尤夥。

于右任

上海之有報紙。已四十餘年。其於政治發生最巨之影響。而能百折不撓者。惟主辦民呼民吁民立之于右任一人而已。右任陝西人。髯垂及尺。人多呼之爲于鬍子。爲人倜儻不羣。書法亦佳。文能追蹤晉代。主以報紙爲革命之先鋒。初辦民呼。觸禁而閉。繼辦民吁。旋又被禁。復辦民立。則至癸丑討袁失敗後。始消滅。然護法時代之民國。猶是于之靈魂也。當民呼被封之日。市人多焚香於館門。且有失聲而哭者。足知該報之感人深也。民立銷數。竟駕數十年前之申報而上之。其能力可知已。

一六 交通

鐵路之原起

中國之有鐵路。固當以上海淞滬一段爲起點。時在光緒初年。英人某君。創辦此路。滬人士多數反對。幾

經波折歷數年之久。始告厥成。但祇通吳淞。未及礮台灣。土方軌道車輛房屋。一切設備。均甚草率。其滬站設於北河南路文監師路轉角等處。南北河南路所通之橋。今稱鐵馬路大橋。蓋由此得名也。迨後滬人士終以少見多怪。每多疵議。而該鐵路機關車。適以煙焰爆裂。死傷多人。羣起攻訐。官吏無法護庇。乃由蘇松太道劉瑞芬。呈請政府。議價購回。適時台灣基隆正開煤礦。遂將該鐵路全部運往礦區應用。又距數年。乃由清政府派員正式建築。仍先從淞滬入手。規模較爲宏大。其路線一仍其舊。即今行駛者是也。惟車站已遷於華洋交界寶山路左近等處矣。刻下鐵路幾徧於國中。交通稱便。初不知始創時情形若是也。

鐵路之始有於滬者

中國之有鐵路。始於清光緒二年。其路線自上海至吳淞。故命名淞滬鐵路。其時風氣未開。人民少見多怪。且路爲外人所辦。官民譁議。旋由滬道劉芝田。商承江督。由政府收買拆毀。此路行駛火車。僅五閱月之命運。然爲中國辦理鐵路之開始。他年足爲史料者也。

上海之鐵道

淞滬鐵道者。由上海至吳淞間之線路也。於一千八百七十六年。即前清同治五年六七月間。英人嘗立一公司。名渣甸馬治遜。始行營建。至光緒二年六月。已成其一部。上海至江灣。可以行車。厥後延長達於

吳松蘊藻濱。是爲中國鐵路之嚆矢。然當時人民不知爲文明利器。咸深驚怖。兩江總督沈葆楨請於政府。以國帑三十八萬五千兩。購而毀之。其軌條車輛。轉送於台灣。至光緒二十三年。中東戰後。迷夢驟醒。政界諸公。矍然於鐵道之功用。爲促進文化之階梯。加以李鴻章遊歷諸邦。目覩其利。歸國後組織鐵路。審議所。政府乃命李鴻章張之洞劉坤一等。爲路政大臣。以盛宣懷爲監督。由是政策一定。於是年四月興工。依前線而敷設之。與楊樹浦各種器械所相連接。且擬別設支線。自居留地競馬場以達西門。分爲二線。一由小東門外至招商局碼頭。一由南門外至新築馬路。迨光緒三十四年九月。上海吳淞間全線開通。中置停車站二所。承辦者爲德國人。現時已設複線式。而支線則已作罷。

滬甯鐵道。其次序由上海至吳淞。由吳松經蘇州而至南京。長約四百餘里。工費計四百萬兩。英國某公司。及香港上海銀行。握其大權。

滬杭甬鐵道。從甯波至杭州而達上海。亦一重要線也。清光緒二十五年五月。經英國某某公司。以二百五十萬磅巨資。而得敷設管理之權。及光緒三十三年。蘇浙兩省人民。以及旅滬各界同鄉。竭力收回自辦。蘇路自上海起點。經高昌廟。龍華。梅家弄。莘莊。新橋。明星橋。松江。石湖蕩。楓涇。嘉善。嘉興。王店。硤石。斜橋。周王廟。長安。許村。隔平。寬橋。良山。清泰。南星。而至閘口。再由閘口而至拱辰橋。浙路自杭州湖墅江干起點。先開幹路。北通蘇松。東達紹甯。其支路分四大線。在浙西者二。一由湖州越長興達廣德。一由湖墅

越海鹽達浦東。在浙東者二。一由紹興越台溫至處州。一由江干越嚴衢至玉山。其嚴衢一支。又分兩派。一由嚴州越淳安至休甯。一由衢州越江山至浦城。現已次第竣工。滬站在南市高昌廟附近。俗稱南站。而以滬甯鐵路屬閩北者稱北站。民國六年。滬甯與滬杭接軌。交通益覺便利。

鋼絲車之今昔

現時通行之所謂黃包車者。莫不以鋼絲爲輪。自用之車（卽包車）更無論矣。而並不名之爲鋼絲車。乃二十年前卽已有之。其時人力車率用木輪。極奢華者。始用鋼絲。蓋爲值不資。而取其行時無軋軋之聲。喧耳也。惟木輪無橡皮。行則隆隆響震。無待警告。行人自知避讓。鋼絲則不然。車夫又不慣警告。每有衝撞行人之弊。故工部局亦提議禁用。約十餘年。至前五六年。始間有用之者。後有大力者。組織黃包車公司。概裝鋼絲輪。推行日廣。數年以來。木輪裹鐵車。已成罕見。而工部局鋼絲車之禁。天然取消矣。

人力車之今觀昔

上海所通行之人力車。多不知其創辦之始。實則創自同治年間。初出時不過二三百輛。輪高身闊。可容二人。後因日久弊出。至有男女苟且等事。捕房以事關風化。卽行取締。改小車身。只能容坐一人。相沿已久。不數年。復有泥城橋境。日通公司。發明鋼絲膠皮輪三灣式車出現。其價五分。以至數角。華人因價貴。多不坐。所以皆停息在大英總會門首。及黃浦灘一帶。專攬洋人生意。其餘各馬路中。則不多見。故旋即

消滅。繼有鐵輪之東洋車競起。約八九千輛之多。價亦低賤。凡有法租界照會者。由大自鳴鐘至十六鋪小東門等處。價僅十六文。如英租界四馬路至該處。亦不過三十文而止。其後車價日漲。車輛日漸朽敗。至庚戌辛亥間。黃包車出現。此種車輛。由巡捕房逐漸收回照會。至今租界中。遂至絕跡。此人力車創始及沿革之大略也。

包車禁止響器

現時北京南京等處。通行之自用人力車（俗謂包車者）率皆裝置響鈴。或小喇叭。而上海獨無人每異之。其實二十年前上海所謂包車者。莫不有之。故馬頭上叮叮嗚嗚之聲。不絕於耳。後以某西人住宅近臨馬路。以其有擾睡眠。其人本工部局議董。於常會時。提議禁止。從此遂寂然矣。其實與今日摩托車汽筒嗚鳴者相去遠矣。中國人馬車。不准與西人馬車爭馳之禁。亦與前條同一議案。

包車照會

包車爲滬上最流行之品。中人以上之家。無不各置一乘。故發出照會。每季約有七千餘號。在昔此項包車。有照無捐。凡居於租界內者。祇須持巡捕捐票至工部局。即可請得照會一紙。繼因請求者日多。乃定每季徵收捐款一元。十餘年前。尙祇收二元。現已增至三元。雖所取不多。而合計每年已達八萬餘金矣。

人力車之經過

人力車爲便利交通之一種。上海初開埠時。由日人創設此項車輛。故人呼之爲東洋車。(或云此車盛行於日本故名)拉車者亦均日人。後因語言不通。遂由華人繼辦。車爲木輪。圍以鐵圈。行於馬路。異常震動。踏脚之板。係木板實拚。一遇大雨。車中積水盈寸。使坐者無置足地。後亦改爲漏空之板條。至木輪車之銷滅。爲期亦已六七年矣。

公共租界捕房。取締人力車素嚴。昔之木輪車造成後。須至捕房驗看。是否與捕房中所存之樣車。一式堅固。苟不合格。卽不能捐照營業。如驗係合格者。於車之後身。及兩輪轂上。均鑿有號碼。使此車之輪。不能與彼車互易。其所鑿之號。卽執照之號數。令執照亦不能互易。又定每月驗車一次。將各車調至閱行路捕房。逐一驗看。如有朽敗者。卽將執照扣留。非修理完固不可。故絕無車毀傷人之事。且車行中欲領執照。須先覓殷實店保。設乘車者於車中遺失物件。祇須記明車號。卽可根究。然因執照均在車後。乘者一時不易觀看。自民國三年以來。乃將執照之號數。另製白磁牌。釘於頁子板上。俾人人一望而知矣。

黃包車。始於光緒末葉。盛於民國元年。衰於民國三年。初設之黃包車。形式與現行者略似。惟用木輪。外緣實心橡皮。行時較爲平穩。均漆黃色。執照亦不釘車後。故有黃包車之稱。車數不多。賃價昂貴。惟外灘及跑馬廳一帶。有之。繼又改爲膠皮空氣輪。較前更形妥善。民國成立。各省紳富。羣集滬上。鑑於黃包車獲利之豐。競相開設。一時車數。增至萬號以外。捕房因木輪損傷道路。逐漸取締。至民國三年。已無木輪

車之蹤跡。而黃包車因供逾於求。一時賃價低落。紳富所設之公司。均因經理不善。相繼倒閉。綜計損失。約在七八十萬之譜。目下所存之黃包車。以法人所設之飛星公司最爲發達。次之英人之滙芳。蓋西人辦事。不厭精詳。且人力車夫深秉奴性。西人之車。不敢拖欠賃資。於華人之公司。則任情拖欠。亦有非車夫所欠。乃包頭所欠者。此種營業。決非吾人所能獲利。鄙人亦失敗之一份子。故知之甚詳也。車之賃價。木輪者每日四百六七十文。黃包車初則一元二角。繼而六七角。又跌以五六角。現非八九角不可矣。

乘馬車之今昔觀

昔年租界章程。凡馬車之馳於道中。乘車者爲西人。始可超前行之車而過之。若爲華人所乘。固不能超西人之車。并不能超華人所乘之車。否則拘罰不貸。蓋以華人乘車。出遊者居多。固無須乎急急。且恐起禍端也。自民國肇興。此禁已弛。現大馬路一帶繁盛區域。亦有華人之車。超出西人之前者矣。

上海惟一之新發明

久居上海者。並不覺各種事業之發達。及游歷通都大邑。採訪之餘。始知中國不論何項事業。無不以海上爲先導。爲巨擘。而莫之與京。然上海所有事事物物。亦不過抄襲歐美之文章。取其陳規。強自裝飾。雖面目煥然。稱霸全國。究屬於發明史上。無一紀之價值。此亦上海之缺點也。不料三年前。電氣事業上。竟

有重大之改良。於發明史中。可佔一地位。卽無軌電車之創辦是也。按電車之制。軌有多種。因地制宜。而無軌之法。則創自上海。環球各國。未之先有。差足稱豪。惜發明者非中國人耳。

最新式之自動車

滬上近日自動車一最新式者。爲立行之兩輪車。立人處之板。位於輪軸平面之下。此車之異於他式者。卽在立行。而其各種機件。均藏於制動機之柱內。制動機配於握手處。其汽機約二匹半馬力。配於前輪中。因既均藏諸柱內。故無沾染塵埃。致有損壞之虞。汽油亦藏柱中。全車舍此柱及握手柄外。並無他種橫桿等物。據製造者言。在鄉間每小時可行二十英里。所費之汽油。每行百英里。僅一加倫云。

汽車叢話

汽車行駛於滬上。已十有一二年矣。現據工部局捐務處調查。計大小共有一千四百餘輛。每輛捐錢分二等。(一)自用車每季繳銀十兩。(二)出租車每季繳銀十五兩。在昔自用車與出租車。其號牌有黑底白字及白底黑字之別。現則概爲黑底白字。惟出租之車。限定一百輛。其號牌照會。特定自五百零一號起。至六百號止。諸君如見出風頭兜圈子之坐汽車者。欲分別其自有或租來。一覓其號牌。卽能明白。至工部局之特定此五百號內之出租車。蓋欲於汽車肇禍後。易於使人認別也。尙有紅底黑字號碼照會之汽車。則爲暫用試車之特別標識。至銅牌與玻璃之號牌。均車主美觀的裝飾。無甚關係。至駕駛汽車

之車夫。現章取締甚嚴。須經工部局考驗及格。拍照存具證金。方給憑證。可以開駛。然肇禍之事。尙時見諸報端。蓋若輩均持有護符無恐。設或輾斃華人小民。罰金若干。拘留數月。即可了事。諸君猶憶前年時事。新報館之記者林寒碧君。被車輾斃否。其結果僅監禁數月了事。而獨於輾斃某西人之愛犬一事。開審數堂。某汽車行大延律師辯護。用去訟費萬金。其結果適因西人返國。遂以五百金之罰金了之。若西人不急於返國。恐尙無如此便宜也。嗚呼。華人性命。不如西洋狗。固不自今日而始然矣。

汽車史中。尤有一趣事。聞第一號照會之汽車。昔爲仁記洋行之西人所有。其後西人歸國。照會撤銷。適爲牛莊路周湘雲氏所捐得。事亦偶然。不知西人之好奇者。竟願出重價以購買之。周氏亦滬之富商。勿允其請。現一號照會之車。仍爲周氏所有。亦足爲華商生色也。

汽車逸談

西人名汽車曰摩托車。聞十餘年前。上海最初購乘者。爲猶太富商哈同之夫人。乘駛極迅。行人常有不及避讓之勢。然捕房祇有取締馬車等規則。而於初發見之汽車。無法取締。惟準馬車等規則。自亦可推之至於汽車。遂禁止其快馳。否則議罰五百金。其人欲快意。恆懷鈔票數十金。疾行於南京路。巡捕干涉。則如所罰之數予之。雖一日數罰不恤也。捕房亦漸任之。迄後汽車日多。傷人之事亦夥。除私家自備外。別開公司以待雇者。亦踵相接。於是執紼之子。青樓之妓。竟以此爲出風頭之具。乘一小時。價約四五元。

、車價則自千元至數千元不等。據民國七年工部局之報告。共有汽車一千二百四十八輛。較前年增多二百六十輛。其中私有者九百三十四輛。公有者一百二十一輛。運貨者二十三輛。其他一百七十輛。汽車前嵌之兩巨燈。光力至猛。射入眼欲暈。巡捕皆以爲不便監視。曾由工部局令縮減光力。否則議罰也。

電車

上海公共租界之有電車。始於西歷一千九百〇八年六月（即清光緒三十四年）爲股份有限公司。每股銀五十兩。二十五年後。歸爲工部局。故一切均受工部局保護。創辦以來。今已十年矣。此十年中。營利日見發達。其股票價值。已超過原票額之半。現有正車百餘輛。拖車百餘輛。無軌電車十餘輛。賣票及開車人各三百餘人。法界之有電車。亦於同時成立。當時英美兩電車。各行各路。後始通車。行者尤便。華界電車。始於前年成立。茲將各界之電車總棧地點。分述如下（公共租界）一在靜安寺。一在提籃橋。（法界）在羅家灣（華界）在滬杭車站。電車之發達。初非意料所及。蓋議行電車之際。華人絕對拒絕。謂乘者易觸電傷死。猶憶當時反對派之紛紛開會。各業相戒。夥友不搭電車。甚且立懲罰章程。開通最早之上海。而有此現象。亦電車史中之一段笑話也。

紅白牌燈

癸丑秋。余友胡海峯。自美界乘電車越垃圾橋而南。是橋兩邊近處。地基低垂。正中漸高。對面不見。橋僅

單線。適同時由南而北之電車，亦違單線。彼此始覺。北車則退倒原道（平路雙軌）拖車不能自主。誤入歧途。正拖被牽制。皆失自由。橫亘軌道。乘客已躍下。而南車振機停頓。橋勢傾莫能遏。互相碰撞。損壞尙不甚鉅。甫經一月。電車公司在此橋中間立一木牌。可以旋轉自如。一色堊粉。一面塗朱。派人專司其事。遇兩車同至。轉堊粉向先到之車放行。背面塗朱向後到之車令止。待先行車過單線。然後轉堊粉示後車行。危險永免矣。

法界電車多單軌。車行有定時。車單軌起點終點。及轉角處。俱設有電桿。高懸電燈。無分晝夜。安有電線。由近達遠。如甲車入起點單軌。未啟行時。司車人趨電桿。轉其機。至終點電桿。燈見紅色。令乙車待候。如甲車已出單軌終點。轉燈現白光。而乙車知前途無阻。放膽進行。復在終點轉機。至起燈電桿。發紅色燈光。以阻丙車。循環不已。誠良法也。

英美租界電車路牌

上海英美租界之電車。每於車之首尾。懸一木牌。標明第幾路。使乘客一望而知。爲往何處者。法至美也。惟自一路至十五路。間有未見路牌者。或早夜起點著點不同者。持爲揭出。居滬者不可不知也。

- 一路。自靜安寺至十六舖。惟夜間十時後。至外洋涇橋爲止。（自大馬路外灘至十六舖可買英法聯票）
- 二路。自卡德路至新靶子場。惟上午七時半至八時半。午間十一時半至下午四時半。至五時半。及夜間

八時後。有直達靜安寺者。

三路自麥根路經新開路至東新橋。

四路惟夜間十一時。由滬寧車站至東新橋。即五路之變更者。(不懸牌或將五路牌反懸)

五路自滬寧車站至法界斜橋止。惟夜間十時後。至東新橋爲止。即改爲四路。(自五雲日昇樓至西門。

可賣英法聯票)

六路即外圓路。自滬寧車站起。東西各有西若干輛。背道而馳。仍各至滬寧車站爲終點。

七路自滬甯車站至提藍橋。(昔名裡圓路。因所經地點與現時不同。故已取銷)

八路自十六舖至楊樹浦盡頭。夜間十時後。以外洋涇橋爲起點。(經東西華德路)

九路自十六舖至楊樹浦橋。(又名蘭路)夜間十時後。亦由外洋涇橋爲起點。(經東西華德路)

十路自外洋涇橋至提藍橋。(經東西華德路)(不常開不懸牌)

十一路自外洋涇橋至新靶子場。惟於晨間午刻及傍晚時開行。(鐘點與二路略同)

十二路自靶子路至馬霍路口。

十三路即自鄭家木橋至天妃宮橋之無軌路。(不懸牌)

十四路自外洋涇橋至提藍橋。(經東百老匯路)(不常開不懸牌)

十五路自外洋溼橋（經新開路）至麥根路。法租界電車路名均載明價目表。懸於車中。無庸鈔錄。電車號數

公共租界行駛各電車。觀其號碼。達二百餘號以外。不知者以爲車數至多。而實則不然。電車統有軌車。無軌車。言不及百輛。拖車祇數十輛。其編號規定。首尾開門之車。自一號起。拖車自一百〇一號起。中段開門之車。自一百五十一號起。無軌車自二百〇一號起。其中缺額。固甚多也。

南市電車成立之經過

南市建設電車。當清季時。早爲外人覬覦。總工程局成立時。有美商古納之函請。及東方萬國公司之要求。均經工程局拒絕。民國元年春。內地電燈公司總理陸伯鴻氏。以內地電燈公司。現儲電機多座。極合駛行電車之用。呈請市政廳列入議案通過。遂集股開辦。計自築路鋪軌以迄行車。爲期僅十閱月。中經波折。又遭癸丑兵燹。其辦事之勞力。殊可嘉也。

租界電話之創始者

近租界電話線縱橫四達。不下六七千號。今年復有中央線東西線之分。機鈴按接。有條不紊。可謂極人工之能事矣。考其造端之始。實起於光緒壬午之夏。距今僅三十七年耳。時有英人名皮曉浦者。設公共電話。自十六舖達正豐街。兩端各設一局。凡通話者。每次納制錢三十六枚。即可邀人對講。惟滬人士視

爲遊戲性質。不久遂廢。翌年春。天主教司鐸能慕谷。復由徐家匯架線。以達英法租界各洋行。爲預報風雨之用。人咸便之。嗣是以次推行。由架線而改地線。至今凡百商業之稍具規模者。及住宅之稍有餘力者。幾無不家通戶達。脈絡相貫矣。書曰。作始也簡。將畢也鉅。企業家當知所從事矣。

南市電車創始記

上海市電車。創於一九一二年四月。主之者爲陸伯鴻。奔走連動。竭力提倡。得官廳之許可。資本家之協助。於是集二十萬金而成此偉大之計畫。亦即華人破天荒之自辦電車也。其中投資者。管理者。悉爲華人所僅有之外。助祇西門子洋行谷邱君一人而已。谷邱初充工程師。迨路工告竣後。即退處公司顧問之職。

鐵軌購自德國之拜霍納木廠。每一米特長。計重一百磅。輪車購自英倫潑蘭斯登公司。與租界所置者性質相同。至電線電機及附屬各件。皆由西門子公司承辦也。

先是各項材料。係於一九一二年五月分定購。本可早日興工。不意運軌之船。行至地中海遇火。因復折回漢堡。比抵滬已在一九一三年之三月。而敷設工程。歷三閱月而蕺事。時已屆六月之杪矣。

電車發動機最大之速率。每小時行十二英里。然初僅自十六鋪築至滬杭火車站止。其長爲兩英里半。擬定于二十分鐘到達。故平均速度。饒有餘力也。

車座仿法租界式。分頭二兩等。承造車身者爲求新廠。

電車之電力。由上海內地電燈公司供給。該公司舊有一百啟羅瓦特之汽機二具。因一九一零年別記新發電房。於是此二機廢擱不用。至是由工程師勘驗無異。遂改爲電車所有。更益以比西司式蓄電池及推起器各一具。保其平衡。卽電機偶遇斷續。亦無影響也。

電機能發五百五十弗打之電力。至電線每一汽機。能驅車十八輛。乃至二十輛。是年七月初試車。適討袁軍起。沿軌夷爲戰地。車廠亦受損害。及秩序回復。乃於八月十一日正式駛行矣。

按此係南市電車初創之概況。故以創始記標題。今則環路落成。進步日異矣。

華商電車路線

華商電車路線。計有四道。一高昌廟至小東門。一西門至滬杭車站。一西門繞小南門至小東門。均屬華界。一小東門至西門。爲中法交界。與法商共之。蓋因其營業在先也。

電報起源

光緒初年。李合肥駐節於滬。倡始以電線通消息。迄三年五月五日。始成一段。僅由行轅通至製造局耳。時民識極陋。見者莫不稱奇。及七年十一月而北通天津。九年三月又南達粵東。於是總局成立。開始營

業。蒸蒸日上。以迄於今。溯數十年前創辦之初。居民之觀念。蓋未嘗不如西印度人之驟見哥倫布輪舟。以爲天外飛來也。

電報

電報起於清道光十七年。時在西歷一千八百三十七年。有蘇格蘭人阿里士發者。在倫敦首先創造。其行於我國。則在光緒八年秋。以李鴻章所架設於上海至天津間者爲嚆矢。厥後除中國自設電報局外。復有大東電報公司。大北電報公司。大德和電報公司等。次第興設。以上海爲總樞紐。更於海底電與無線電之設。消息益靈。茲僅就上海通外洋各國之電報。略述如左。

水線

由上海一至川石山達台灣。一至日本之長崎。一至英屬之香港。一至荷屬南洋各島達暹羅錫蘭緬甸。一至澳大利亞及太平洋諸島。一至非洲達高加索俄羅斯。一至美州合衆國。

陸線

北由上海至蒙古。達俄之恰克圖。經暹春。達俄之海參威。南山上海至廣西鎮南關。達安南之動坦。或繞香港。經南亞。達土都君士坦丁。或繞廣東之東興。達安南之蒙開。西北由上海至天山南路。經中亞細亞。直達俄都聖彼得堡。

招商局之畧史及成績

現在我國航業之公司。其最大而資格最老者。首推招商局。該局創始於前清同治十三年。初屬官辦。以便運糧。繼改官商合辦而擴充之。督辦等職。由官兼充。美其名曰官督商辦。其實為官僚發財地耳。及中法役起。乃以兵費問題。牽及該局事業。結果竟以銀五百二十萬兩。抵押於旗昌洋行。幸為時未久。即行贖回。以迄於今四十餘年。今該局總理等職。咸由股東選舉。已具完全商辦之形式矣。惜僅有汽船三十隻。供來往沿海江河各埠。至海外航業。尙未計及。是其缺點也。茲將該局所有之汽船三十一隻。船名。航路。裝造年分。載重噸數。速率。

船名	航路	裝造年分	載重噸數	速率
江孚	長江	同治十二年	四〇〇〇	一〇〇〇
江裕	長江	同治十二年	四〇〇〇	一二〇〇
江永	長江	光緒二年	三五〇〇	一一〇〇
江寬	長江	光緒二年	三五〇〇	一一〇〇
固陵	漢宜	光緒十一年	二五〇〇	九〇〇
快利	漢宜	光緒十九年	八七九	一一〇〇

江天	甯波	同治九年	三·八〇〇	一一·〇
海定	溫州	同治十三年	一·三〇〇	一一·〇
海宴	福州	同治十三年	一·三〇〇	一二·〇
江新	長江	光緒三十一年	三·三七二	一六·半
愛仁	廈汕	光緒十六年	一·三四三	一〇·〇
致遠	港粵	光緒七年	三·〇〇〇	一〇·半
廣利	又	光緒九年	三·〇一〇	〇〇·半
廣大	又	光緒九年	三·〇一〇	〇〇·半
美富	又	光緒五年	二·五〇〇	九·〇
江通	廣澳	同治九年	五·六六六	一一·〇
豐順	北洋	光緒元年	一·三〇〇	二里半
圖南	又	光緒七年	二·八〇〇	九半
普濟	又	光緒八年	一·一〇〇	一〇·半
飛鯨	又	光緒九年	一·五三九	一〇·〇

廣濟	又	光緒十三年	五〇五	一一〇〇
新裕	又	光緒十五年	一六二九	一二半
新豐	又	光緒十七年	一八四六	一一〇〇
新濟	又	光緒十八年	一八四六	一一〇〇
公平	又	光緒二十年	二四七五	一〇半
安平	又	光緒二十三年	一八五七	一二〇〇
泰順	又	光緒二十三年	一九六二	一〇〇〇
遇順	又	光緒二十六年	一九六二	一〇〇〇
新昌	又	光緒三十一年	二〇〇〇	一一〇〇
新康	又	光緒三十二年	二一四六	一一〇〇
新銘	又	光緒三十二年	二一〇〇	一四〇〇

招商局

前載招商局情形。茲就鄙見所知。其中尚有未盡之處。爰續誌之。

創辦招商局之鼻祖曰朱雲甫。當時爲運漕起見。經營航業。其意蓋欲收回外溢之利權也。朱歿。李鴻章

輓之以聯。中有創中國數千年來未有之局。即此一語。朱氏之功。已可概見。繼起者有唐景星。徐雨之。唐藉徐之財力。徐藉唐之才力。互相輔助。遂使招商局逐漸發達。厥後該局被旗昌售去。幸辦事人嚴芝楣。聞信即日趕赴天津。面稟李鴻章。力求挽回。因向旗昌收回。惟該局自盛宣懷爲督辦後。獨斷獨行。所用悉係私人。相沿至今。尙未見有若何之改進也。

寧紹公司成立之由來

寧紹輪船公司。係浙商虞洽卿所創辦。成立於前清末葉。原因三公司（招商怡和太古）來往滬甯（甯波）之輪船。運費昂貴。虐待鄉民。大動甯紹人士之公憤。遂由該二府人士發起。是日數百萬兩股本。咄嗟立至。購船隻。立碼頭。未旬日甯紹公司脫穎而出。其魄力之巨。誠非他處人所能企及。雖外人亦莫不欽服焉。初惟有船一二艘。專往來甯滬。裝運同鄉。取價極廉。既而添購新船。推廣航路。迄今僅十餘年。已有汽船多艘。內而江河。外而沿海。幾無一埠無其公司。其進步亦云速矣。

公票局

自上海至漢口之航線。來往輪船。計招商局五艘。怡和洋行五艘。太古洋行六艘。日清公司八艘。鴻安公司四艘。船隻既多。各公司之競爭遂日烈。爭攬搭客。貶售票價。無所不至。與定章相去既遠。而營業之前途。愈不可問。於是當局者日鑒於航業之日益墮落。乃發起組織一團體。整理一切。此公票局之設立所

由興也。

公票局之歷史 三年前有大資本家某君等籌集資本十餘萬元開辦普益公票局聘王某爲經理當時因鋪張過甚開銷太鉅每月須一萬一千元之數而內容又極腐敗弊竇百出不數月而十餘萬元虧蝕殆盡局遂停辦越年餘局中原有人員雄心未死乃捲土重來謀第二次之成立招集所有輪船買辦各出資本五百元組織長江公票局各輪船買辦以公票局於航業有密切之關係一致贊成遂於民國五年陽歷元旦開辦是爲長江航線有公票局之歷史也。

公票局營業狀況 公票局第二次成立後力圖振作每月開銷減至三千餘元但營業狀況則日減一日其原由大半受火車小輪之影響自滬甯鐵路通車以來而上海人之至鎮江南京者慣座官房艙之客利其時間迅速去者已十八九普通艙客人貪其價廉尙蒙惠臨今公票局所取票價與火車三四等票價相去不遠故鎮江南京二處之客至今均以改乘火車者爲多況自鎮江至南京至蕪湖至九江至漢口處處均有小輪公票票價既貴旅客改乘小輪者亦不在少數公票局票價雖較前增取一倍以外而旅客則較前大減也。

公票局之組織 現今公票局之內容其資本概由各輪船買辦集合而成痛癢相關整頓自易爲力其組織之法各輪船水脚由公票局向各公司按船訂定價目俟輪船回滬後由各輪船買辦將所售票資

悉數交於公票局。公票局除繳於各公司所訂定之水脚外。再貼還每船之開銷。（亦按船之大小定數之多寡）其票資之盈虧。概與各買辦無關。由公票局負其責也。

長江航線輪船買辦姓名及水脚開銷一覽表

自上海至漢口航線。招商局怡和公司太古公司日清公司鴻安公司所有輪船。除招商局之江寬已被撞沉外。現尚有二十八艘。茲將各輪買辦姓名及公票局與各公司所訂水脚及認貼各船開銷列後。

船名	買辦	水脚數	開銷數
江華	王百年	一九八〇	八〇〇
江新	王子章	一九八〇	八〇〇
江裕	林曉泉	一五七〇	七五〇
江永	袁仲慰	一二八〇	七五〇
江孚	孫鐵舟	一一六〇	七五
以上五艘屬招商局			
德和	吳日葵	一三〇〇	八〇〇
隆和	王超然	一三〇〇	八〇〇

吉和 錢梓堂 一一〇〇 七〇〇

瑞和 嚴明遠 一一〇〇 七〇〇

聯和 史日初 一一〇〇 七〇〇

以上五艘屬怡和

武昌 魏寶炎 一一〇〇 七〇〇

安慶 王潤身 一一〇〇 七〇〇

大通 朱記炎 一一〇〇 七〇〇

洞庭 陳吉元 未詳 未詳

聯益 盛少鴻 一一〇〇 七〇〇

鄱陽 未詳 未詳 未詳

以上六艘屬太古公司

鳳陽丸 李九香 一三〇〇 七〇〇

岳陽丸 王桂增 一二〇〇 七〇〇

襄陽丸 解少白 一二〇〇 七〇〇

南陽丸 吳志清 一二〇〇 七〇〇

大福丸 向寶順 〇九〇〇 六〇〇

大貞丸 陸清燾 〇八〇〇 六〇〇

大利丸 顧榮根 〇八五〇 六〇〇

大吉丸 丁郁膏 〇七〇〇 六〇〇

以上八艘屬日清公司

長安 王學泉 〇七〇〇 六〇〇

德興 胡樂三 〇七〇〇 六〇〇

甯紹 張春發 〇三〇〇 七〇〇

華盛 周詠璋 未詳 未詳

以上四艘屬鴻安公司

公票局之過去及將來 公票局自五年陽歷元旦開辦以來。已三年有餘。以鐵道及小火輪等種種窒礙。營業上未能十分發達。而各股東股本折蝕幾盡。其實自開辦以來。於水脚足可敷衍。所虧耗者。局中按月之開支耳。蓋每年須四萬金之譜也。然較之昔日。已進步不少。設或公票局一旦消滅。團體渙散。則

各公司必互相爭鬪。互相傾軋。其損失當更不在少數。試較量乎重輕。則亦此善於彼也。

上海之航務

上海市十六舖以及租界黃浦灘一帶。與夫蘇州路等處。航埠林立。內通各省及本省內蘇常各屬。外通東西洋各國。航務之發達。日盛一日。從前運米之船有四。一曰沙船。船商多隸江蘇及本埠。慣行北洋。一曰蟹船。船商多由浙甯來。此貿易。僅行南北洋。一曰衛船。船出直隸之天津。及山東界。貿易南來。祇行北洋。一曰三不象船。船出福建。與各船相似而不同。故名。亦能行南北洋。以上各船。俱僱商承攬。每船裝米三千石。至一千五百石不等。隨船身之大小。驗定派數。均以八成兌運糧米。二成聽裝民貨。免其稅。每石給水脚銀四錢。耗米八升。承運白糧。每石耗米一斗。另給每船養神銀四兩。犒賞銀三兩。天津挖泥壓空錢一千文。每百石墊艙廬席銀一兩三四錢不等。凡船商承運至一萬石以上者。准給頂帶。承攬之船。限十一月集黃浦。候抵津交卸。其他則本港商船。蟻聚浦濱。舳舻尾銜。帆檣如櫛。由南載往花布之類。曰南貨。由北載來餅豆之類。曰北貨。率以墨銀成交。利逾倍蓰。轉瞬可致富。迨泰西各國通商後。准火輪駛往各埠貿易。於是沙船等之利分。而土著之商賈。大受困難。然當時外國入港船舶。祇能距港十二里之處下碇。不得上馳至黃浦。船上各物。不得擅自以小船卸運。又上海官吏。不屑與之直接應對。遇有交涉。概令經紀傳達言語。而船舶之課稅。及船長船員之犯罪。皆聽處分於此經紀。且非經紀之手。不得買

賣一物。及鴉片戰爭後。在南京改訂通商條約。以上海爲商埠。中日戰爭後。在馬關締結航船通商條約。日本得由上海入吳淞之自由航權。而中法條約。中美條約。相繼訂定。上海貿易遂盛。航務日益發達。然當光緒二十五年六月。我國從英公使馬克納爾特之要求。始實行開放內地水路。得由上海乘小汽船航行各區域。限於省內之有商港者而已。翌年。馬公使又請益。遂改小汽船爲汽船。而航程亦展開一步。將商港二字刪去。故今日皆得自由來往。而船舶之集於浦江者。較前更盛。茲就上海通江海航路。及內河航路。列表如左。

上海通江海航路表

北 洋

由上海至山東之膠州。烟臺。直隸之天津。秦皇島。奉天之營口。又由烟臺之仁川。釜山。及日本之長崎。又由塘沽至奉天之營口。朝鮮之仁川。木浦。釜山。日本之長崎。下關。神戶。

南 洋

由上海南至浙江之甯波。溫州。福建之福州。廈門。廣東之汕頭。廣州。又由福州至福寧。至興化。又由廈門北通福州。南至汕頭。香港。東航臺灣之淡水。安平。又由香港至廣州。汕頭。北通廈門。以及上海。南往呂宋。新金山。東至臺灣。日本。西赴南亞及歐洲諸海岸。

東洋

由上海東航。日本之長崎、神戶、橫濱。

長江

由上海西航。通州、江陰、天星橋、鎮江、儀徵、江甯、蕪湖、大通、安慶、九江、武穴、黃石港、黃州、至漢口。又從漢口至新隄、岳州、沙市、宜昌。

上海通內河航路表

江蘇

由上海西南至閔行、松江及浙江諸地。西北至黃渡、白鶴港、浦、朱家角、崑山、巴城、常熟及蘇州。東北至崇明、海門。又從蘇州南至吳江、平望、震澤及浙江諸地。北至無錫、洛社、五牧、橫林、常州、丹陽、鎮江。再從鎮江西至儀徵、江寧。或從鎮江至瓜洲、揚州、仙女廟、邵伯、高郵、界首、汜水、寶應、平橋、淮城、清江浦。

浙江

由上海東北航。蘇州至嘉善、嘉興、平湖、硤石、海鹽、海寧。西北航蘇州至南潯、湖州、菱湖、塘棲、達杭州。東航舟山、鎮海、達寧波。西航餘姚。南航台州之海門。

福建

由上海出吳淞口。至鎮海洋面往福州。西航洪山竹支、閩清、小若、大若、至水口。東航大橋、馬尾、洋嶼、閩安、浮峙潭、研石、後福、至梅花。

安 · 徽

由上海經江寧、達蕪湖。航雍州鎮、連漕鎮、巢縣中廟、而至廬州。

沙船

本邑當商埠未闢以前。因地理上之關係。居民操航業者甚多。邑中富戶。由此起家者。頗不乏人。所用之船。名曰沙船。以其形似沙魚也。往來閩廣魯直一帶。載南貨而北。又載北貨而南。轉輾之間。獲利倍蓰。尤以道光中葉。改河運爲海運。百萬漕糧。由滬至津。均以沙船承其乏。一時生涯鼎盛。迨海禁大開。汽船雲集。漕糧歸招商局承運。沙船生涯。日形寥落。以今視昔。不及十之一二矣。

洋舢板

寧波舢板。一名洋划子。多泊浦江碼頭。船身與蓬。飾以色漆。頗美觀。操此業者。多粵閩寧波人。船均向水。巡捕房捐照。載客生涯。頗不惡。惟若輩操舟者。半多匪類。遇異鄉過客。或帶有銀錢者。船至浦心。停艖勒索。謀財害命之事。在所不免。搭客欲防此害。下船時可記明其船上號數。講明價錢。清晨深夜。萬勿搭坐。則不至受愚也。

漕運之升沉觀

海運興於胡元。明清仍之。勝清咸豐五年。江浙漕米。悉於上海交兌。起運。蘇以海防。同知主其事。局在陸家浜。海神廟左。浙則設局於小南門王家嘴角西。由浙撫派員來滬司其事。其運米之船有四。曰沙船。曰蟹船。曰衛船。曰閩船。皆招商承攬。均於仲冬時羣集黃浦。裝米赴津。迨後改由招商局輪船轉運。光復後。漕運消滅。蘇浙兩局地產。旋收入官產標買。而浙局爲滬官產處收沒。經浙省幾度之交涉。始得收歸浙有。

郵船

日本有郵船社會。其船較三公司之船爲巨者甚多。且多航行歐美。以此之故。凡遇航海之巨船。無論爲何國者。人多以郵船呼之。三公司航海之噸（此所謂海。乃指沿海而言。非如郵船之航太平洋大西洋。而名爲航海者可比）不過一二千噸。郵船則自一萬噸至二三萬噸以上。速率亦快四分之一。價則頭等自四十元至六十餘元。較三公司之官艙十餘元者加數倍。（三公司之大餐間。每人六十元。多以其價昂不值。乘者甚少。）其公司有東洋汽船公司。東洋輪船公司。日本郵船會社。太平洋郵船公司等。爲最著。其船只能停於吳淞口外。以浦中水淺故也。近年華僑創設中國輪船公司。有船曰南京。曰中國。（又名支那。實則名差拿）兩艘而已。且在美國註冊。然亦足以自蓋其羞矣。

郵務分局設立地點

上海郵局除北京路總局外支局已有二十處。各分疆界收遞信函。亦有祇管理收信而不管遞信者。茲將支局地點錄之如下。

第一支局 城內舊校場福佑路

第二支局 城內彩衣街(不管理遞信)

第三支局 南市行仁碼頭

第四支局 浦東河塘街

第五支局 百老匯路(不管理遞信)

第六支局 西華德路

第七支局 北四川路

第八支局 界路

第九支局 卡德路

第十支局 新開路

第十一支局 南京路

第十二支局 巨籟達路

第十三支局 天主堂街

第十四支局 西門徐家匯路

第十五支局 裏馬路

第十六支局 西華德路蓬路轉角（不管理遞信）

第十七支局 閘北共和路

第十八支局 霞飛路

第十九支局 楊樹浦路

第二十支局 徐家匯徐家匯路

人頭龍頭

滬濱中下等社會人。往往稱郵票曰人頭。或曰龍頭。不知何所取義。後問之老於洋場者。始知其得名之由。蓋當中國未辦郵政以前。外國先有一種書信館。專爲彼邦人交通便利而設者也。其郵票上。印其國元首肖像。故人呼爲人頭。迄前清創行郵政。票上印一龍。故又呼爲龍頭也。襲謬承訛。至今此語猶時一聞之。

一七 軍事

中國練洋槍之始

清當洪楊之役。節節潰退。郡縣望風而降。三分天下已去其二。宗社不絕如縷。卒以上海一隅地。爲東南之巨梗。由是而士紳乞師。由是而派兵應援。不逾年軍聲復振。次第盪平。竟藉此寸壤。而推翻全局。延胡祚六十年之久。說者謂其存亡之樞機。實繫於上海之外人效命。其首功卽美人華爾之洋槍隊也。華爾長於粵。嘗經商滬上。至是募壯丁數百。窄袖短衣。作西兵裝束。授以洋槍步伐之法。號常勝軍。厥後推廣軍額。不下四五百人。戰守攻取。所向克捷。當時主其議者。蘇撫吉爾杭阿也。後華爾以攻寧波陣亡。同時又有法提督卜羅德。亦以協勦拓林殞命。（法捕房之銅像卽此人）清廷並優卹之。而洋槍隊實始於華爾也。

製造局溯原（一）

製造局在城南高昌鄉。滿清同治元年江蘇巡撫李鴻章平長髮之役。得洋槍砲彈力居多。因令蘇松太分巡道丁日昌在滬設局鼓鑄。僦居浦北虹口洋房。名機器局。以候補道應寶時馮煊光沈葆靖總其事。無何。丁日昌擢充巡撫。會江督曾國藩來滬。以舊局狹隘。奏請擴充。適應實時補充巡道。爲籌畫經費。始定議移建今處。購田七十餘畝。以二十餘畝爲局房及製造之所。以四十餘畝設船廠船塢馬頭。及洋匠

住房。其中匠住房。則另於廠東曠地五畝蓋造焉。監造者爲候補知縣孫玉堂華蘅芳。經始於滿清同治五年八月。成於六年冬。八年秋。續建繙譯館於西北隅。以廣方言館生徒移附。九年春。又於西北添設廠屋四座。而局制始大備。局瀕黃浦。三面繚以高垣。前則列木爲閤。署其門口。江南機器製造總局。中爲公務廳。廳西迤北爲公局。局亦有廳。廳後有樓四楹。官吏籌議局事於此。局東爲文案房。爲畫圖房。又東爲總庫房。又東迤北爲生鐵廠。又東爲木工廠。正北一帶皆廠房。攻治大砲之地在其東。大機器廠在其西。氣鑪廠及造輪船機器鍋鑪廠皆在焉。實爲製造總匯。廠門外治直道以達黃浦爲馬路。東南隅洋房兩座。爲西匠所居。東北隅百楹錯雜。則中匠所棲止也。直道之東爲船塢。又東爲船廠。塢西則爲木棧。又稱西廠。爲儲積材料之所。局西迤北爲繙譯館。爲廣方言館。又西北爲洋槍樓。樓東爲熟鐵廠。樓西迤北爲汽機廠。內設汽機鍋鑪各二。又北爲捲槍廠。於是廣袤凡四百餘畝。初火箭廠借地爲之。六年冬。令知縣丁惠安別建於陳家港。計地五畝。是爲機器局火箭分廠。九年冬。又於龍華購地八十餘畝。建廠房。自製洋槍細藥。及銅冒砲引。共費白金二十餘萬。總辦局務者。爲應寶時沈保靖。而以馮煥光杜文瀾徐宗瀛鄭藻如爲會辦。過此以往。時復擴充。迄今則規模大備。成爲製造局之巨擘矣。

製造局溯源(二)

洪楊之變。洋兵常勝軍及李部之淮軍。多駐於滬南高昌廟。便效練也。亂事既定。中興諸將。知非講求製

造。無以爭勝。會奏創辦製造局於高昌廟。名曰江南機器製造總局。直隸於兩江總督。滬人稱之曰鐵廠。曰南鐵廠。曰製造局。實皆非正當名稱也。龍華之分局。專造火藥槍子。故亦稱子藥廠。張南皮等曾奏定另設局於大冶。規模極大。約倍於今之漢陽兵工廠。而名義上則附於滬局。可知滬局之見重於當道者。由來遠矣。清季改隸陸軍部。光復後曾直接于滬軍政府。旋即仍歸部屬。民國四年七月後。復改隸於全國兵工廠督辦處。去年再歸軍部。爲統一名稱計。改稱爲上海兵工廠。以至今日也。

製造局溯源(三)

李合肥之規復名城也。以得力於外來之軍火者居多。遂在浦北虹口設局試造軍械。名曰機器局。馮煇光沈保靖等先後奉派主其事。同治五年。會湘鄉至滬。以局之規模太小。成效極微。遂與丁日昌合奏擴充之。移建於城南高昌廟。占地七十餘畝。以二十餘畝爲局房及製造所。即今之製造局也。以在城南。故俗稱曰南鐵廠。監造者爲孫玉堂華蘅芳兩人。自五年八月開始。六年之冬告成。八年秋。創繙譯館。以譯西書。開廣方言館。以造譯才。今日大名鼎鼎無頭腦之外交家如陸徵祥輩多人。即此館之出產品也。自後逐年擴充。以至有今日之盛況。數十年前開始之情形。亦安可數典忽之耶。

製造局主辦人名稱之變更

製造局既極爲中央所重視。故歷來主辦該局者。多爲紅員。往往一躍而至督撫。比比然也。自創辦以至

清末主事者均稱總辦。光復後李平書氏主局事。始稱局長。及陳洛書來。則自稱督理矣。以示別於他省之局。廠及鄭汝成時代。各省遍置將軍。而以督理軍務名之。因恐名之相混。遂更稱總辦。以至於今。吾人溯製造局之稱。謂處處涉及政事問題也。

製造局火藥火箭廠

洪楊變後。當道漸知泰西火器之利。乃擇各省衝要之地。設局製造。滬局在城南高昌廟側。度地四百餘畝。周以繚垣。局中規模宏敞。器具精良。工匠多閩粵寧波人。以西人之精通機器者督之。凡鋸木融鐵鑄炮造船以及鑽鑿刮磨等事。俱藉蒸氣之力。其局初在虹口。後經丁雨生中丞奏請移至今處。於局側設廣方言館。招華童之聰穎者肄業其中。延西儒傅蘭雅林樂知金楷理諸君。授以西法算學光學行陣造作諸事。兼聘中儒教授詩文。歲一考試。拔其尤者。充繙譯駕馭等任。其事創始於李少荃。而觀成於應敏齋。謀國遠猷。至今利賴。製造局之外。又有火藥火箭二局。火藥局在龍華。火箭局在陳家橋。其局務各有委員總理。而製造之法。皆延西醫指授。蘇省各營軍火。皆取給於此。其局建於丁雨生中丞。蓋由製造局所推廣云。

火藥局轟炸舊聞

火藥者。不祥之物也。硝烟彈雨。不惜以世界爲大墓。供其犧牲者。無論矣。卽於貯藏之時。亦往往因熱自

炸。與人以無妄之奇災。雖在列強亦不能免。吾國尤甚。卽以去年論。各省藥庫之自炸而見於官書者。已不下十數。龍華造藥廠自開辦至今。失事亦已多次。此據新式的無烟藥而言之。不料數十年前上海之舊式藥庫。曾起極大之奇災。足供一記之價值。初雅片戰起。滬上居要塞之一。當局者假義倉爲軍需局。儲藥四萬餘斤。以備緩急。卽今九畝地萬竹學校舊處也。壬寅三月初。藥忽爆發。聲聞數十里。黑烟彌天地。陷丈餘。震死多人。最可異者。黃渡鎮同時空中墜落一尸。血肉狼藉。蓋七十里外被炸而飛來者。

記二次革命攻製造局事

上海光復之初。既設滬軍都督。李平書充民政長。李復創議設滬防軍。招募新軍兩營。又益以舊有之滬軍等營及閔行水師三營共九營。以李英石（名顯謨）統率之。英石平書族姪也。初設司令部於南市大東門工程局舊址。繼遷城內舊道台署。大局既定。滬防全軍移歸滬都督陳英士節制。元年九月。滬都督府取消。而滬防全軍歸蘇都督接收。改編陸軍混成第三旅。計步兵四營。炮兵一營。仍以李英石爲旅長。並統領水師。其步兵第一第二兩營爲李招募訓練。第一營營長莊少雲。本日本士官學校學生。而各下級軍官亦大都自學堂中出身者。故訓練最有法。而成績亦最著。李旅長尤寶愛之。未幾莊少雲以毆辱崗警案撤任。繼之者爲曹肅青。肅青名梓桐。常州人。光復前充江西某營排長。光復後馬元良充江西都督。曹以夤緣而充衛隊管帶。未幾因案去職。來滬。其人善奔競。莊既被撤。曹乃補充營長。惟其人剛復自

用。遇事既無遠識。御下亦不能服衆。至二次革命時。而有攻擊製造局之事。第一營與司令部同駐舊道署內。嗣因屋宇褊窄。乃遷居城西石灰港之新屋。亦李平書創建者。民國二年。二次革命。江西首先倡義。東南各省皆蠢蠢思動。是時第一營下級軍官及兵士等皆已被人運動。曹未之知也。某日正約期舉事。而是日午後各兵士將已有衣服撲被等典質一空。並在兵棚內據資大飲。狂笑歡呼。曹猶懵然罔覺。至晚間吹號息燈後。軍中兵士息燈歸寢。例須吹號即晨起。及午餐晚餐。以至上操場類皆有號。各兵士在黑闇中預備武裝綁腿等事。少頃各隊官排長等。在操場大吹叫子。各兵士聞聲攜槍而出。曹營長至此方知有變。疾奔而出。排長唐堯臣即出手槍向曹迎擊。曹亟奔避。中其足脛。而全營兵官已排隊。向製造局進發矣。曹此時倉皇失措。急以電話報告舊道署司令部。司令部得耗後。亟調第口營（亦駐紫城西者）前往剿捕。追蹤至製造局附近。而第一營之兵官僅存四十餘人。遂俘獲十餘人以歸。餘悉被遁去。

當事之初起也。地方既風鶴頻驚。而李旅長亦惴惴有戒心。深慮各營兵士有變。乃通飭各營將子彈一律解繳司令部。而所有槍枝仍存留營中。以備兵士照常操練。故當日各兵士向製造局出發。不過攜有空槍。及出營以後。各兵士亦漸覺悟。行至半途潛逃者已過半矣。各兵士本皆下流社會之愚民。濫竽充數。固不足惜。獨彼爲官長者。無意識若此。其愚真不可及也。

各官兵既被捕。翌日李旅長嚴行審訊。爲首者排長唐堯臣。排長汪傑。及中士謝口口（佚其名）等。李旅長以執行槍斃不足以示衆。乃用前清梟首舊制。當取其情節重大者四人。一排長唐堯臣。一中士謝口口。兵士二。綁赴道署照牆斬首。其餘各兵士均係脅從。發交營倉嚴行拘禁。而此四人之頭。分送製造局司令部第一營等處。懸竿示衆。曹營長事前漫不覺察。臨時又措置失宜。發營倉看管。排長汪傑夜間已被脫逃。通令緝拿。其後曹一再向李旅長綏頰。旅長爲言於江蘇都督。言營長曹梓桐。雖平時未能嚴行約束。而子彈已預先遵令解繳。其心實無他。請予撤任免究。都督許之。而曹之不死。實旅長保全之也。第一營所餘之兵士。遂下令遣散。發給恩餉兩月。曹自經此役後。神志頹喪。不敢如昔日之趾高氣揚矣。迄今五年之久。尙未得一噉飯地。居寄法界寶昌路之某里。爲馬路遊民之一云。

癸丑製造局之役

民國二年。自宋漁父被刺後。人心忿激。輿論譁然。屢有民黨圖攻製造局。迭爲軍警破獲。袁政府復命鄭汝成率北兵南下。屯駐局中。嚴密防守。七月中旬。寧垣獨立之信息傳來。而民黨之欲攻製造局益衆。既而劉福彪率鎮軍。鈕永建率松軍。陸續而至。戰機已成。危在眉睫。淞滬警察廳長懼而辭職。及民黨設司令部於滬南。風鶴之驚。一日數起。加以土匪分佈謠言。將肆焚劫。南市居民紛遷租界以避危險。並臨時集設保衛團以防劫掠。學商各界。以弭兵主義。屢議分別勸阻無效。至二十二日晚。而兵端開矣。南市距

離戰線至近。砲火易達。老弱婦孺。宵中聞警。倉皇出走。塗爲之塞。白日停戰。入夜交鋒。連續數夜。燬屋傷人。流離載道。電燈機水。均受擊損。至二十六日始止。是時各辦公機關。盡失維持之力。巡警商團。無從防衛。潰兵滿路。巷無居人。匪徒乘間搶劫。無日無之。民軍既遭失敗。司令部徙至閘北。二十八日。又徙吳淞。戰事始告終焉。

上海光復紀

辛亥九月十三日。爲上海光復之期。迄今忽忽八年。人已淡然忘之。然此實滬上民國以來第一大紀念。講求滬乘者不可不知。茲將當日經過之情狀。分誌於下。

(甲)城內之光復

是日下午五時。有國民軍四五十人。臂纏白布。戎服荷槍。列隊由小東門入城。紛向四處粘貼安民告示。至十時許。民軍至道署及縣署。時上海道已逃往租界。縣令亦出走。道署縣署同時失火。消防隊急往撲救。旋火熄。城內遍懸白旗。商店仍照常交易。毫無驚擾。而上海城遂完全入於民軍之手。此城內光復之大略情形也。

(乙)製造局之佔領

同日午後三時許。有國民軍二百餘人。排隊過滬軍營。兩方兵士。各舉手爲禮。營中已高懸民國軍旗矣。

民軍既至製造局。有敢死隊一百二十人。徒手進攻。旋由領袖向守軍演說。謂彼此均係同胞。並不傷犯。幸勿見拒等語。詎局中防兵。立放排鎗。民軍未有準備。致受傷數人。是時民軍知不可理喻。乃退走。次日黎明。復有民軍一隊。滬軍營兵士數百人。進攻製造局。守兵仍開槍相拒。約二時之久。守兵知難抵禦。始向民軍投降。而製造局遂完全入於民軍之手。此當日占領製造局之大略情形也。

(丙) 閘北之光復

同日下午一時許。閘北巡警總局之巡防隊。請領槍彈。不獲。大噪。適貼鄰某氏居失火。局長姚某以爲民軍起事。當即遁去。馬巡列隊繞局一週。各區巡警聞風而集。各以白布緣於臂上。整隊出巡。至五時許。回至總局。建立光復旗。公舉巡防隊長陳某爲首領。出示安民。而閘北遂入民軍之手。此閘北光復之大略情形也。

記民國元年警察罷崗事

光復之初。滬上設有滬防軍。初歸民政長李平書節制。後改歸滬軍都督節制。司令部設舊道署內。統領爲李英石。署之西隅。並駐有學生隊一隊。計六十人。大都皆畢業於小學校者。粗通文義。於操法亦略有門徑。學成而後。分發各營見習。以備補充下級軍官之用。至元年八月。大局已定。滬都督府取消。蘇都督程德全。來滬點驗。接收各軍。滬防軍改編爲混成第三旅。其餘各軍。或裁撤。或改并。而學生隊本屬駢枝。

亦同時遣散。學生隊爲李統領招募。平日極端注意。一旦解散。意頗戚戚。乃大設筵宴。爲各學生祖餞。席間面諭學生。謂學生隊半途。中輟。非本統領始願所及。今日與各學生相別。請盡力痛飲。陪席者如司令部中之參謀副官軍需官書記官皆與焉。約共八十人。觥籌交錯。意興甚豪。學生隊營長。本由第一隊營長莊謙兼充。(第一營同駐舊道署內)是日亦在座。莊爲人本極狂誕。且無酒德。每飲必醉。日已酉。席始散。莊竟大醉。乃乘坐包車回寓。寓在也是園。出道署。驅車西行。不半里。適有一鄉人賣蘆粟者。經其前。蘆粟長可丈許。誤觸其軍帽。帽竟墮地。莊本醉眼朦朧。至此乃大醒。時鄉人已狂奔而去。見一崗警在側。停車向之詰責。崗警言鄉愚誤犯尊威。請量予曲恕。莊不問情由。拔腰中指揮刀。當頭猛砍之。幸刀尙未開鋒。不至傷及生命。然已痛不可支。亟向警察分所疾馳而去。莊亦下車疾追。至分所內。肆口辱罵。並搗碎其几案等。警員知不敵。不敢與抗。莊怒猶不息。後回至營內。意欲帶領兵士攻打警所。如臨敵然。李統領知肇禍。亟親自上前攔阻。並令第一營各護兵。擁入臥室。中少坐。胡鬧許久。幾同狂獷。終以狂飲過度。酒力不勝。狀至困憊。傍晚始派人護送繞道回寓。次日而城區警察全體罷崗矣。

是時警察廳長爲穆湘瑤。其人多機警。有權變。亦滬紳中之表表者。與李統領平日尙契合。至此乃大忿。次日卽移文詰質。並會晤李統領。聲言吾與若本交好。今雙方須各顧全公事。卽使決裂。而吾兩人之私交。當爲別一問題。其措詞圓婉。而又鋒利如此。李統領自光復後。統率防軍以來。保衛地方治安。不遺餘

力。遇事皆力顧大局。故頗爲地方紳民所信仰。至此雙方對峙。磋磨至數日之久。終以莊營長挪虧餉項。挾妓飲酒。肆無忌憚。聲名狼藉。遂撤其差。李與莊本同在日本士官學校畢業。且李光復前在南京充馬隊營管帶時。如莊蘊寬及第三標標統莊謬等。頗受提攜之力。故莊營長雖飛揚拔扈。皆曲予優容。至此刀劈崗警。毆打警所。亦萬難袒護。而穆廳長亦准予息事。不再深究云。余在滬防軍內。始終幾一年。目擊其事。所紀皆實錄也。

閩北開戰之危機

民國二年七月二十八日。閩北發現一極可驚之事。幾至釀成重大交涉。蓋民軍自攻製造局失利後。司令部移至閩北。餉項支絀。曾向某印書館商假數萬元。暫充亟需。經理夏某。非徒不允。且引外人以自衛。立即報告英美捕房。求爲保護。捕房徇其請。派武裝西印各捕。深入華界。該區巡警。因主權攸關。出而阻止。頓起齟齬。西商團練。相繼馳往。華界巡警。亦武裝相向。幾至決裂。人民紛紛遷徙。秩序大亂。嗣經紅十字會柯克司醫生。竭力調停。西兵始允退出。人心大定。其後夏某爲人暗殺。聞與此事有關云。

敢死隊與剪辮

民國肇建。剪髮令下。有識之士。莫不以剷除胡制爲首務。風行草偃。固不待勸懲而自能成與維新也。獨一般鄉農村夫。羣以戴笠爲藉口。幾視此爲天然之繫帶。守護維謹。激烈之軍士。必從而督促之。強迫厲

行不稍寬假。甚有懷剪游巡以取笑樂者。因之釀成慘劇。見諸報端。數見不鮮。當敢死隊成軍之初。事起倉卒。應募健兒。魚龍並進。若輩既未受軍事教育。渺不解風紀爲何物。暇輒結隊浪游市廛間。以生事爲能。某日有兵士數輩。躑躅於徐家匯鎮。迎面來鄉人四。皆豚尾長垂。一兵士突出不意。曳而割之。三人驚奔。兵尾追將及。相距尺有咫。鄉人極聲呼救。衆疑爲盜。荷插執挺。聞聲畢集。反者相向。兵士大受奚落。跟跲跳逸而免。歸訴隊長達司令。求所泄忿。復遷怒於警士。以其坐視不救也。司令惑其言。立下動員令。欲與警廳爲難。有解事者謂之曰。滬軍有都督在。非可造次。苟有所求。宜赴軍府請命。司令然之。復轉旆而北。斯時也。聲勢洶洶。如臨大敵。將效鬻拳兵諫之故事矣。英士聞之。大驚。急以電話調滬軍營入署。與之對抗。兩軍前鋒已迫。旋經說明原委。始悉誤會之由。雙方歸隊寢事。然該司令之輕舉妄動。自此益爲上級所疾視。最後遂以移駐甯垣爲權宜之安插云。

紅羊劫中之上海

清咸豐十年。太平軍自金陵下竄。蘇常失守。遂侵松郡。將至閔行。爲鄉民所破。遂轉竄泗涇七寶。而屯於徐家匯教堂。薄城之西南隅。當時清軍假外人力。用開花砲擊之。太平軍被殲甚衆。忠王李秀成重傷。又借西國兵艦往來巡駛於浦江。餘軍漸退。邑得以安。

烏龜船破敵之笑柄

道光壬寅中英失和。吳淞戒嚴。江督牛鑑移駐上海。求奇材異能之士。一時魚龍并進。有魯人丁小仙者。操君平術。以臥龍自負。至是由京口來滬。造制軍行轅求見。牛延之入。亟叩所長。丁曰。敵所恃者。火輪火砲耳。破之之法。當用水輪船。烏龜船。以水制火。以小攻大。彼技立窮。水輪船者。以人力踏輪。激浪而行。用以環攻敵艦。烏龜船其體若龜。以八人掉槳。象四足。蒙牛皮爲龜背。駛近敵船。擬鑿其底。並云其式。出自我敵中參謀某華人所授。某雖身事外人。固願效順中朝者也。制軍惑其言。令其如法製造。費帑累萬。及成。試演於黃浦。是日濁浪排空。水輪船竭數十人之力。屢前屢卻。烏龜船八艘。甫出江心。卽爲怒濤捲沒。掉槳者無一生還。丁廢然潛遁。不知所終。未幾遂有軍瀕吳淞之變。而寶山上海相繼不守云。按星下家以龜爲玄武。屬北方水星。丁持此說。毋乃惑於生尅之見。竟虛願實做歟。一笑。

一八 俠烈

萬福華

國內政治上之暗殺未成案。始於萬福華。福華。湘人性亢爽。有膽氣。爲民黨強健分子。當癸卯之歲。王之春爲桂撫。時桂省爲革命黨秘密連動之策源地。之春恐謀保位計。乃乞援於外人。福華憤之。春假外力以助滿政府。不卹自殘同類。思所以鉅除之。未幾之春避其鋒。潛至滬上。一日赴宴於英租界金谷香餐館。甫至。未入室。卽轟然一響。彈擊未中。發鎗者遂被逮。後知爲福華。由公廨判禁西牢十年。此甲辰十月

十三日事也。至丁未。又因鬧西牢案。公廨指福華與其列。復判加禁十年。直至民國肇造。始得出獄。回復自由。

金玉均

光緒二十年二月間。有韓人洪鐘宇。刺死其國人金玉均於本埠某旅館一案。時韓國尙隸我藩屬。故公廨驗訊後。兇犯卽解送上海縣獄。事後由韓王電請總理衙門歸國自辦。清廷許之。其電文有云。洪鐘宇奉我命誅賊臣金玉均。並非私怨仇殺等語。故洪抵韓。韓王卽授四品官以酬之。先是光緒十年。該國開化黨金玉均。洪英植。徐光範等。乘中國法越之戰。謀脫我羈絆。駐韓日使竹添進一郎。實陰搆之。時袁世凱以道員兼營務處。駐節漢城。聞耗率兵入宮。相機因應。頗得手。日軍潰退。清廷復派吳大澂。續昌。兩星使馳往查辦。執其大院君李昰應以歸。事平。洪英植伏誅。玉均等出亡。易西裝。遍歷歐西。英植之子鐘宇。改名嚴田。和三。尾隨十年。至是遇於上海。卒成其志。論者謂洪殺一金玉均。除國之蠹。幹父之蠱。一舉而忠孝兩全云。

按厥後朝鮮離華自主。改國大韓。改元光武。非不大放厥詞。然不旋踵。已輿圖易色矣。今之言中日共親善者。幸少留意焉。

黃勳伯

黃勳伯。廣東南海人。滬上萬國團練華隊副隊長也。執業於泰和洋行。寓居美界桃源坊。光緒三十三年二月十五日。夜半三時許。鄰居被盜。黃君聞聲。徒手往救。被盜刃傷二十餘處。傷重而死。然盜亦終爲黃君所捕。是月之二十二日。爲黃君出殯之期。先由商團公會同人在操場搭蓋彩蓬。將黃君靈柩及照像。供設中央。二時許。開追悼會。華隊隊員戎服分站靈前。由南市商團各學堂代表及學生等。依次朗讀祭文。行禮而退。繼由各國商團列隊行舉槍敬禮。三時許。西武員帶砲車至。工部局西樂隊及中西巡捕均列隊而至。旋由華隊排長八人舁靈柩登砲車。各國團練均舉鎗致敬。次由團練司令傳令出發。沿路致祭者甚多。兩旁觀者不下數十萬餘人。西人來觀者。靈車過時。均脫帽致敬。滬上華人。照陣亡例。以砲車爲靈車者。黃君實第一人。

中外人士之推重黃君者。謂其能犧牲一己之生命。力圖社會之公安也。蓋當時華商隊初成立。乃有此盡力社會之好男兒。應時出現。一時歎賞不絕。不獨吾國人推爲俠義之奇男子。卽西人亦同聲致敬。謂中國商團中。大有人在。舉平日藐視中國之觀念。一掃而空。於是工部局特闢新例。允黃君靈柩用砲車舁載。從河南路起。直走南京路。至卡德路止。此可敬可榮之黃君。遂永爲上海之光。

時新舞台特編一劇。曰黃勳伯。能將黃君英毅之概。曲曲傳出。並勗國人以尙武。每演座爲之滿。感化之力至大。惜年久不演。今知其名者鮮矣。

十年前金琴孫被刺。亦爲滬上暗殺之最著者。先是盜魁范高頭者。以鹽梟橫行海濱。滬上尤爲黨徒出沒之處。商民受其害者。冤莫能申。大吏緹索甚嚴。或稱金琴孫才。時金已由商而官。入資爲候補道。於是蘇撫以屬金。語之曰。能得范高頭者。當酬以不次之擢。金心動。然審知范不易與也。請試爲之。毋限歲時。出則偵范所部。有甲若乙者。咸耽酒而漁色。先是百計交歡之。且陰以金佐其揮霍。甲乙皆喜以爲相知。恨晚。久之卽爲兄弟。一夕飲妓家。兩人被酒自豪。舉杯謂金君見厚如是。得毋有所爲耶。如有故。當爲君盡力。刀斧湯火。不辭也。金微笑曰。事則有之。恐君輩力不及耳。兩人被激。皆暴怒曰。吾儕乃有不能爲之事耶。君毋蔑之。金從容引盃曰。吾語過。二公怒固當。罰此一卮何如。兩人固問何事。金佯闕之。已而曰。拘一人耳。兩人益躍躍曰。是何難者。請矢爲之。金麾左右出。乃授以意。兩人舌橋良久。金探懷出二獎。扎授二人職。皆千總。赫然兩人名也。相與籌議久之。酒罷十餘日。官軍猝叩范所居。范躍出。方格鬥。見甲乙來。以爲助己也。旣近。忽左右騎之。遂擒范。梟吳市。蘇撫奏章甫出。而金已飲彈死於四馬路之某妓院之門口。噫。度自金案以後。十餘年以來。暗殺之案。層出無窮。可以觀世變矣。

宋遜初

民國二年三月二十日夜十時四十五分。滬寧鐵路車站。忽發現一可賊之暗殺案。卽宋遜初先生之被

刺是也。先宋先生定於是晚十一時。乘特別快車赴寧。轉附津浦車北上。而不意刺客已狙伏於此。當此案未發現以前。即傳說有人來滬謀刺先生。並得友人警告書多通。而先生夷然置之。不介意也。謂「當今政客競爭。豈容此蠻野手段。吾終不以此而懈吾責任。」聞者咸服其闊量。然先生亦竟以此而喪於宵小之手矣。先生至車站甫十時四十分。在議員接待室小憩。即由引導員吳仲華與拓魯生黃克強陳勤宣廖仲凱。行至車站口處。未及剪票處。而鎗聲已轟然。諸人皆驚問。莫知所由。先生曰「吾中鎗矣。」時于右任尚在接待室。聞變出視。而先生已倒地。遂亟呼快捕兇手。嗣以急欲扶持先生。未遑他顧。竟任兇手脫逃而去。當被刺時。鎗聲凡三響。第一最低。蓋已中先生之腰部。餘二響。有人目見兇手葡萄於地。以鎗左右發放。恐嚇追捕者。時車站警察已若弗聞。于右任以先送先生入醫院療治爲急。即借某君汽車。親送先生至滬寧鐵路醫院。至則先生已痛極。謂于君曰「吾殆將不起。今以三事奉告。」(一)所有在南京北京及東京寄存書籍。悉捐入南京圖書館。(二)我本寒素。特老母尚在。如吾死後。請克強與公及諸故人爲我照料。(三)諸公皆當勉力進行。勿以我爲憂。而放棄責任心。吾爲調和南北事。費盡心力。乃嫉忌者不知苦衷。反多誤會。究竟亦是常事。雖死無悔等語。言極沈痛。醫生以手術檢視先生傷處。左右腰骨稍偏。直至十二時三十分。始取出鎗子。形尖小。爲六寸六響之勃郎寧手鎗。故先受彈處。流血不多。而痛苦特甚。蓋傷處已近心臟故也。及鎗彈取出。醫生注射止痛藥水。使其安睡。而先生呻吟宛轉。猶呼

痛不止。曰：『吾不畏死。特苦痛耳。出生入死。吾習慣之。果醫者能止吾之痛。則死亦何恐。』在旁皆爲之悲惋。撫慰者再。然其痛尤急。復憤然曰：『吾不料調和南北之事。竟若斯之難。時事至此。奈何奈何。惜兇手在逃。不知彼爲何許人。言次淚涔涔下。』見者皆舉袖拭面而已。後醫者謂須開割始有望。乃決議剖解。其創口約六英寸。檢視大腸已破。故飲食時溢出於外。此爲其痛楚之一原因。其血亦隨破裂處闖入腸內。此爲其大小便流血之一原因。及縫其洞口。血塊除去。而其痛仍不稍止。迨至二十一日夜四時。先生熱度漸低。手足漸冷。已不能語。然猶以目周視故人。其兩手忽作合十形。繼又回抱其胸際。若有不盡欲言者。右任附耳呼曰：『鈍初你放心去罷。』乃逝。然其目猶未瞑。以手撫之使瞑。未幾又睜。如是者數次。至殮時始瞑。嗚呼。痛已。殺先生者。造意犯則爲大總統袁世凱。內閣總理趙秉鈞。而教唆犯則爲秘書洪述祖。共進會會長應桂馨。實行暗殺兇犯則爲山西平陽龍門武士英。後袁趙皆死。武斃於滬獄。洪述祖亦遭顯戮。昨過宋園路。衰艸荒原。蕭條極目。不禁指墓門而長嘆矣。

按民國八年四亂。皆起因於刺宋一案。可謂罪大惡極。故皆不得其死。而最後死之洪述祖。原定絞刑。乃致頭斷。亦異事也。

夏粹芳

夏粹芳。青浦人。少貧。營小印刷業。才智過人。得爲商務印書館創辦人之主腦。後館事日益發達。竟執書

業界之牛耳。爲國中最大商業之一。皆夏之力也。癸丑冬。忽被鎗擊斃於館門之首。刺客立被夏之馬夫所執。訊詞未實宣布。不能斷定其案情。論者多謂是年夏。因宋教仁案。民黨起兵討袁世凱。設總司令部於閩北華界。粹芳運動外人派兵干涉。民黨恨之。故及於難云。

鄭汝成

鄭汝成爲北方軍人中之饒有才智者。袁世凱特命鎮守上海。以防民黨。癸丑之役。討袁軍敗。實鄭爲之祟。大革命陳英士。雖敗於鄭。而猶愛其才。常冀鄭能悔悟。迄袁欲稱帝。鄭仍翊贊之。遂有北方健者王。小峯王銘山。鎗斃之於外白渡橋。聞行刺之前夕。王縱飲樂甚。以明日鄭必親詣日本領事館。賀日皇之喜。可狙擊之。故先以酒自祭。屆時鄭乘汽車至。王發鎗未中。躍登汽車。連發十六鎗。彈空被執。事聞於英士。英士嘆曰。在吾黨固去一大敵。在中國則少一人才矣。旋二王引渡。處以亘古未有之極刑。而楊度輓鄭之聯語。尙以帝王况袁。識者鄙之。

陳其美

革命黨之大實行家。以陳爲首屈一指。陳浙人。號英士。其志行之強毅。才識之優長。功業之炳燦。世多知之。滬人震其名者。遍於婦孺。亦一代之偉人也。袁世凱盜國稱帝。欲求外交贊助。英士恐其成。首聯絡海軍之肇和艦。發巨礮攻之終宵。事雖未成。而外人遂援爲口實。反對帝制。於是滇黔乃起兵討袁。袁遂恨

英士切骨懸七十
矣。

金寶死士以刺之。竟被害於薩波賽路之寓中。自是惡政府之橫行。不復厝意上海



老上海一一至一八終

老上海 一八 俠烈

上海图书馆藏书



A541 212 0017 69788

是書內容久經
爭戰門戰略戰

周應

時著

術作戰五大部

材料豐富引證

確實凡用兵之

原理統兵之方

法作戰之計畫

悉詳載無遺周

君以十數年求

學之心得光復

前後之經驗復

採取軍事各大

家學說參互考

訂成一巨冊洵

軍人必閱之書

六角

定價

戰學入門

也

列寸以市

護國軍紀事

精裝一冊 二元八角
平裝五冊 一元五角

國體搖動二次其大原在無知人民跋扈肇其端者袁世凱襲其威者段祺瑞也吾人民以護法殲袁逐段終達最後目的此等大問題較之推倒滿清所關尤為宏大不有專冊彙載安足以懲現在而警將來本局有鑒於此特聘史學專家曾嵩濬先生從事編輯先成是書凡關於護國軍及袁軍之事迹無不擇精語詳據實直書誠我國民一般應讀之書不獨垂為一代信史已也留心國事者幸速購閱

滄海生述

雙墓孤碑記

定價一角

是書叙一德屬波蘭之未婚夫妻脫難後男入英女流於比會歐戰起男應募屢擢至少將彈貫胸不起絕命時大呼已名與女者數女適任該處看護婦聞聲馳往而氣已絕遂徇之以身中間叙俄德之殘暴夫妻十餘年流離之慘痛不堪卒讀而其痛念祖國思殺仇敵一腔悲憤百折不撓之概不但為亡國人之借鏡即受制於強暴之弱國之國民讀此亦可藉以激發其廉立之心讀者慎勿謂為小說而忽之也

上

海

泰

東

圖

書

局

書

目

已出 本雜誌擔任纂述者

至十 多現駐東西各國學

李 二冊 子及內國名賢其主

劍 太 旨在考證學理斟酌

農 平 國情以求真是真非

先 洋 於財政經濟各問題

生 雜 尤多所論列內容分

主 誌 為論說譯述海外大

每冊 事評林論壇通訊文

三角 藝雜俎小說國內大

全年 三元

每冊已付銀洋

風 精平

流 裝裝

豔 一元

集 五角

是書搜集現今名人香艷之作如樊山寶甫等

多為世界未經見者加以抉擇附以說明如詩

話之例實集艷體之大成極才人之能事讀之

如親薺澤真個銷魂凡具審美觀念者幸速購

閱當能撲去俗塵三斗也

劉 琴 定

韻 雜 價

琴 八

著 著 角

女士學通中外著作等身帝制論與其文始時

見於中華新報世人爭先觀以為快允為吾國

女界之傑出而非徒以吟詠侈風雅者比也今

將其詩詞論文及稗官之言恢諧之作彙為一

冊刊印行世以餉同好並列入女士最近小影